

গণপ্রজাতন্ত্রী বাংলাদেশ সরকার
বাংলাদেশ নির্বাচন কমিশন

প্রজ্ঞাপন

তারিখ: ৩ আষাঢ়, ১৪১৫ বঙ্গাব্দ/১৭ জুন, ২০০৮ খ্রিস্টাব্দ

এস, আর, ও, নং ১৫২-আইন/২০০৮।-স্থানীয় সরকার (সিটি কর্পোরেশন) অধ্যাদেশ, ২০০৮ (২০০৮ সনের ১৬ নং অধ্যাদেশ) এর ধারা ১২১ এর উপ-ধারা (১) (খ), ধারা ৩৫ এর সহিত পঠিতব্য, এ প্রদত্ত ক্ষমতা বলে নির্বাচন কমিশন নিম্নরূপ বিধিমালা প্রণয়ন করিল, যথা :-

প্রথম অধ্যায়

১। সংক্ষিপ্ত শিরোনাম ও প্রবর্তন।-(১) এই বিধিমালা স্থানীয় সরকার (সিটি কর্পোরেশন) নির্বাচন বিধিমালা, ২০০৮ নামে অভিহিত হইবে।

(২) ইহা অবিলম্বে কার্যকর হইবে।

২। সংজ্ঞা।- বিষয় বা প্রসঙ্গের পরিপন্থী কোনও কিছু না থাকিলে, এই বিধিমালায়,-

- (ক) “অধ্যাদেশ” অর্থ স্থানীয় সরকার (সিটি কর্পোরেশন) অধ্যাদেশ, ২০০৮ (২০০৮ সনের ১৬ নং অধ্যাদেশ);
- (খ) “আইন প্রয়োগকারী সংস্থা” অর্থ অধ্যাদেশের ধারা ২(১) এ সংজ্ঞায়িত আইনপ্রয়োগকারী সংস্থা;
- (গ) “আচরণ বিধিমালা” অর্থ সিটি কর্পোরেশন (নির্বাচনী আচরণ) বিধিমালা, ২০০৮;
- (ঘ) “ওয়ার্ড” অর্থ অধ্যাদেশের ধারা ২(১৩)তে সংজ্ঞায়িত ওয়ার্ড;
- (ঙ) “তফসিল” অর্থ এই বিধিমালার তফসিল;
- (চ) “ধারা” অর্থ অধ্যাদেশের ধারা;
- (ছ) “নির্ধারিত” অর্থ নির্বাচন কমিশন কর্তৃক নির্ধারিত;
- (জ) “নির্বাচিত প্রার্থী” অর্থ এমন একজন প্রার্থী যাহাকে অধ্যাদেশের ধারা ৩৩ এর বিধান এবং এই বিধিমালার অধীন মেয়র অথবা কাউন্সিলর হিসাবে নির্বাচিত হইয়াছেন মর্মে ঘোষণা প্রদান করা হইয়াছে;
- (ঝ) “নির্বাচন” অর্থ মেয়র এবং কাউন্সিলরের প্রত্যক্ষ নির্বাচন;
- (ঞ) “নির্বাচন কমিশন” অর্থ গণপ্রজাতন্ত্রী বাংলাদেশের সংবিধানের ১১৮ অনুচ্ছেদের অধীন প্রতিষ্ঠিত নির্বাচন কমিশন;
- (ট) “নির্বাচনী আপিল ট্রাইবুনাল” অর্থ অধ্যাদেশের ধারা ৩৮ এর অধীন গঠিত নির্বাচনী আপিল ট্রাইবুনাল;
- (ঠ) “নির্বাচনী এজেন্ট” অর্থ কোনও প্রার্থী কর্তৃক বিধি ২৪ এর অধীন নিযুক্ত নির্বাচনী এজেন্ট;
- (ড) “নির্বাচনী এলাকা” অর্থ মেয়র, বা ক্ষেত্রমত, কাউন্সিলর পদে নির্বাচনের উদ্দেশ্যে সীমানা নির্ধারিত কোনও এলাকা;
- (ঢ) “নির্বাচনী দরখাস্ত” অর্থ বিধি ৫৪ এর অধীন দাখিলকৃত কোনও নির্বাচনী দরখাস্ত;
- (ণ) “নির্বাচনী ট্রাইবুনাল” অর্থ অধ্যাদেশের ধারা ৩৮ এর অধীন গঠিত নির্বাচনী ট্রাইবুনাল;
- (ত) “পোলিং অফিসার” অর্থ একটি ভোট কেন্দ্রে ভোটগ্রহণের উদ্দেশ্যে বিধি ৮ এর অধীন নিযুক্ত পোলিং অফিসার;
- (থ) “পোলিং এজেন্ট” অর্থ কোনও প্রার্থী কর্তৃক বিধি ২৫ এর অধীন নিযুক্ত পোলিং এজেন্ট;
- (দ) “প্রতিদ্বন্দ্বী প্রার্থী” অর্থ এমন একজন প্রার্থী যিনি মেয়র অথবা কাউন্সিলর হিসাবে নির্বাচিত হওয়ার জন্য বৈধভাবে মনোনীত হইয়াছেন এবং যিনি তাহার প্রার্থিতা প্রত্যাহার করেন নাই;
- (ধ) “প্রার্থী” অর্থ এমন একজন ব্যক্তি যাহার নাম মেয়র অথবা কাউন্সিলর হিসাবে নির্বাচিত হওয়ার উদ্দেশ্যে প্রস্তাব করা হইয়াছে;
- (ন) “প্রার্থিতা প্রত্যাহারের তারিখ” অর্থ প্রার্থিতা প্রত্যাহারের উদ্দেশ্যে বিধি ১০ এর অধীন নির্ধারিত কোনও তারিখ বা উহার পূর্বের যে কোনও তারিখ;
- (প) “প্রিজাইডিং অফিসার” অর্থ কোনও ভোটকেন্দ্রে ভোটগ্রহণের উদ্দেশ্যে বিধি ৮ এর অধীন নিযুক্ত প্রিজাইডিং অফিসার এবং প্রিজাইডিং অফিসারের দায়িত্ব পালন ও ক্ষমতা প্রয়োগকারী কোনও সহকারী প্রিজাইডিং অফিসারও ইহার অন্তর্ভুক্ত হইবে;
- (ফ) “ফরম” অর্থ বিধিমালার প্রথম তফসিলে বিধৃত ফরম;
- (ব) “ফৌজদারী কার্যবিধি” অর্থ ফৌজদারী কার্যবিধি, ১৮৯৮ (১৮৯৮ সনের ৫ নং আইন);
- (ভ) “বাছাইয়ের তারিখ” অর্থ মনোনয়নপত্র বাছাইয়ের উদ্দেশ্যে বিধি ১০ এর অধীন নির্ধারিত তারিখ;
- (ম) “ভোটার” অর্থ এমন একজন ব্যক্তি যাহার নাম সংশ্লিষ্ট ওয়ার্ডের ভোটার তালিকায় অন্তর্ভুক্ত আছে;

- (য) “ভোটার তালিকা” অর্থ ভোটার তালিকা অধ্যাদেশ, ২০০৭ (২০০৭ সনের ১৮ নং অধ্যাদেশ) এর অধীন প্রস্তুতকৃত ভোটার তালিকা এবং উহা উক্ত অধ্যাদেশের ধারা ৭ এর অধীন একটি ওয়ার্ডের ভোটার তালিকা;
- (র) “ভোটগ্রহণের তারিখ” অর্থ নির্বাচনের জন্য বিধি ১০ এর অধীন নির্ধারিত ভোটগ্রহণের তারিখ;
- (ল) “ভোটচিহ্ন প্রদান কক্ষ” অর্থ ভোটকক্ষের মধ্যে রক্ষিত একটি ছোট টেবিলসহ এমন একটি পর্দা ঘেরা স্থান যেখানে একজন ভোটার অন্যের দৃষ্টির আড়ালে থাকিয়া ব্যালট পেপারে ভোট চিহ্ন প্রদান করিতে পারেন;
- (শ) “মনোনয়নপত্র দাখিলের তারিখ” অর্থ প্রার্থী মনোনয়নের উদ্দেশ্যে বিধি ১০ এর অধীন নির্ধারিত মনোনয়নপত্র দাখিলের তারিখ;
- (ষ) “রিটার্নিং অফিসার” অর্থ বিধি ৫ এর অধীন নিযুক্ত একজন রিটার্নিং অফিসার এবং রিটার্নিং অফিসারের দায়িত্ব পালন ও ক্ষমতা প্রয়োগকারী কোনও সহকারী রিটার্নিং অফিসারও ইহার অন্তর্ভুক্ত হইবে;
- (স) “সংরক্ষিত আসন” অর্থ অধ্যাদেশের ধারা ৫ এর উপ-ধারা (২) এ বর্ণিত মহিলাদের জন্য সংরক্ষিত কাউন্সিলরের আসন;
- (হ) “সাধারণ আসন” অর্থ সংরক্ষিত আসন ব্যতীত, অধ্যাদেশের ধারা ৫ এর উপধারা (১) এর দফা (খ) এ বর্ণিত সাধারণ কাউন্সিলরের আসন;
- (ড়) “সিটি কর্পোরেশন” বা “কর্পোরেশন” অর্থ অধ্যাদেশের ধারা ২(১৪) তে সংজ্ঞায়িত সিটি কর্পোরেশন বা কর্পোরেশন।

৩। নির্বাচন কমিশন ও উহাকে সহায়তা প্রদান।—(১) নির্বাচন কমিশন, অধ্যাদেশের বিধানাবলী সাপেক্ষে, নির্বাচন অনুষ্ঠানের উদ্দেশ্যে এই বিধিমালার অধীন সকল ক্ষমতা প্রয়োগ করিতে পারিবে এবং উহাতে বিধৃত পদ্ধতি অনুসরণ করিবে।

(২) নির্বাচন কমিশন এই বিধিমালার অধীন উহার দায়িত্ব পালনে সহায়তা প্রদান করিবার উদ্দেশ্যে রাষ্ট্রের যে কোনও ব্যক্তি বা নির্বাহী কর্তৃপক্ষকে প্রয়োজনীয় নির্দেশ দিতে পারিবে এবং অনুরূপভাবে নির্দেশিত হইলে, উক্ত ব্যক্তি বা নির্বাহী কর্তৃপক্ষ উক্ত নির্দেশিত দায়িত্ব পালন বা উক্তরূপ সহায়তা প্রদান করিতে বাধ্য থাকিবে।

দ্বিতীয় অধ্যায় নির্বাচন পরিচালনা

৪। ভোটার তালিকা প্রণয়ন।—(১) উপ-বিধি (২) এর বিধান সাপেক্ষে, জেলা নির্বাচন কর্মকর্তা, এইরূপে সিটি কর্পোরেশনের অন্তর্ভুক্ত এলাকাসমূহের ভোটার তালিকা প্রণয়ন করিবেন বা করাইবেন যাহাতে প্রতিটি ওয়ার্ডের জন্য পৃথক পৃথক ভোটার তালিকা থাকে।

(২) উপ-বিধি (১) এ উল্লিখিত ভোটার তালিকা এইরূপে প্রণয়ন করিতে হইবে যেন প্রতিটি ওয়ার্ডের পুরুষ ও মহিলা ভোটারগণের জন্য পৃথক পৃথক ভোটার তালিকা থাকে।

(৫) রিটার্নিং অফিসার নিয়োগ।—(১) নির্বাচন কমিশন, নির্বাচন পরিচালনার উদ্দেশ্যে, প্রজাতন্ত্রের কর্মে নিয়োজিত কর্মকর্তাগণের মধ্য হইতে একজন কর্মকর্তাকে রিটার্নিং অফিসার নিয়োগ করিবে।

(২) নির্বাচন কমিশন, নির্বাচন পরিচালনার জন্য রিটার্নিং অফিসারকে সহায়তা প্রদান করিবার উদ্দেশ্যে, সরকার বা যে কোনও স্থানীয় কর্তৃপক্ষের অধীনস্থ কর্মকর্তাগণের মধ্য হইতে প্রয়োজনীয় সংখ্যক সহকারী রিটার্নিং অফিসার নিয়োগ করিতে পারিবে।

(৩) সহকারী রিটার্নিং অফিসার এই বিধিমালার অধীন রিটার্নিং অফিসারের কার্যাবলী সম্পাদনে সহায়তা করিবেন এবং তিনি রিটার্নিং অফিসারের নিয়ন্ত্রণ ও নির্বাচন কমিশন কর্তৃক আরোপিত শর্তসাপেক্ষে, রিটার্নিং অফিসারের ক্ষমতা ও কার্যাবলী সম্পাদন করিতে পারিবেন।

(৪) রিটার্নিং অফিসার, নির্বাচন কমিশনের তত্ত্বাবধান, নির্দেশনা ও নিয়ন্ত্রণ সাপেক্ষে, অধ্যাদেশ ও এই বিধিমালার বিধান অনুসারে নির্বাচন পরিচালনা সংক্রান্ত যাবতীয় কাজ-কর্ম তত্ত্বাবধান করিবেন এবং নির্বাচন কমিশন কর্তৃক অর্পিত অন্যান্য দায়িত্ব ও কর্তব্য পালন করিবেন।

৬। নির্বাচন কমিশন কর্তৃক কর্মকর্তা বা কর্মচারী প্রত্যাহার।—(১) নির্বাচন কমিশন, নির্বাচনের সময়, কারণ লিপিবদ্ধ করিয়া, নির্বাচন সংক্রান্ত দায়িত্ব পালনরত যে কোনও কর্মকর্তা বা কর্মচারীকে, বা অন্য কোনও সরকারী বা কোনও স্বায়ত্ত্বশাসিত প্রতিষ্ঠানে কর্মরত কোনও কর্মকর্তা বা কর্মচারীকে, যিনি সুষ্ঠু ও নিরপেক্ষ নির্বাচন পরিচালনা, ভোট প্রদান বা গ্রহণে বাধা বা প্রতিরোধ সৃষ্টি করেন বা সৃষ্টি করিবার চেষ্টা চালান অথবা কোনওভাবে ভোটগ্রহণকারী কর্মকর্তা বা কোনও ভোটারকে প্রভাবিত করেন অথবা নির্বাচনের ফলাফল প্রভাবিত করিবার লক্ষ্যে অন্য কোনও কাজ করেন, তাহাকে প্রত্যাহার করিয়া নিতে পারিবে এবং উক্তরূপ প্রত্যাহারকৃত কর্মকর্তা বা কর্মচারীর দায়িত্ব পালনের জন্য প্রয়োজনীয় ব্যবস্থা গ্রহণ করিতে পারিবে।

(২) যেক্ষেত্রে নির্বাচন কমিশন উপ-বিধি (১) এর বিধান অনুসারে কোনও কর্মকর্তা বা কর্মচারীকে প্রত্যাহার করে, সেক্ষেত্রে নির্বাচন কমিশন –

- (ক) যদি অনুরূপ কর্মকর্তা বা কর্মচারী কোনও ভোটকেন্দ্রে বা নির্বাচনী এলাকায় কর্মরত থাকেন, তাহা হইলে তাহাকে তৎক্ষণাৎ উক্ত ভোটকেন্দ্র বা নির্বাচনী এলাকা ত্যাগ করিবার এবং নির্দিষ্ট সময় পর্যন্ত নির্বাচনী এলাকার বাহিরে থাকিবার নির্দেশ দিতে পারিবেন;
- (খ) দফা (ক) এ প্রদত্ত নির্দেশের প্রেক্ষিতে সংশ্লিষ্ট নির্বাচনী এলাকায় কোনও সরকারী দায়িত্ব পালন করিতে হয়, তাহা হইলে তাহার নিয়োগকারী কর্তৃপক্ষ তাহার ছুটি বা সংশ্লিষ্ট অন্যান্য বিষয়ে প্রয়োজনীয় ব্যবস্থা গ্রহণ করিবে।

(৩) নির্বাচন কমিশন উপ-বিধি (১) এর অধীন প্রত্যাহারকৃত কর্মকর্তা বা কর্মচারীর বিরুদ্ধে শৃঙ্খলামূলক ব্যবস্থা গ্রহণ করিবার জন্য বিষয়টি সংশ্লিষ্ট কর্মকর্তা বা কর্মচারীর কর্তৃপক্ষের নিকট প্রেরণ করিবে।

৭। **ভোটকেন্দ্র ও ভোটকক্ষ।**—(১) জেলা নির্বাচন কর্মকর্তা, নির্বাচন কমিশন কর্তৃক নির্ধারিত সময়ের মধ্যে, সংশ্লিষ্ট উপ-নির্বাচন কমিশনারের মাধ্যমে নির্বাচন কমিশনের নিকট প্রস্তাবিত ভোটকেন্দ্রসমূহের একটি তালিকা প্রেরণ করিবেন এবং উক্ত তালিকায় প্রতিটি ভোটকেন্দ্রে যে সকল এলাকার ভোটারগণ ভোট প্রদান করিবেন সেই সকল এলাকার নাম সুনির্দিষ্টভাবে উল্লেখ করিবেন।

(২) নির্বাচন কমিশন উপ-বিধি (১) এর অধীন প্রাপ্ত তালিকা প্রয়োজনে সংশোধন বা পরিবর্তন সাপেক্ষে চূড়ান্ত করিবে এবং ভোটগ্রহণের তারিখের অন্ত্যন ২৫ (পঁচিশ) দিন পূর্বে উক্ত চূড়ান্ত তালিকা সরকারী গেজেটে প্রকাশ করিবে।

(৩) রিটার্নিং অফিসার উপ-বিধি (২) এর অধীন প্রকাশিত চূড়ান্ত তালিকা অনুযায়ী প্রতিটি ওয়ার্ডের জন্য প্রয়োজনীয় সংখ্যক ভোটকেন্দ্রের ব্যবস্থা করিবেন।

(৪) সর্বসাধারণের জন্য উন্মুক্ত নহে এইরূপ স্থানকে ভোটকেন্দ্র হিসাবে নির্ধারণ করা যাইবে না।

(৫) পুরুষ ও মহিলা ভোটারগণ যাহাতে পৃথকভাবে ভোট প্রদান করিতে পারেন তদুদ্দেশ্যে প্রতিটি ভোটকেন্দ্রে প্রয়োজনীয় সংখ্যক ভোটকক্ষের ব্যবস্থা রাখিতে হইবে এবং প্রতিটি ভোটকক্ষে ভোটচিহ্ন প্রদানের জন্য প্রয়োজনীয় সংখ্যক স্থান রাখিতে হইবে।

(৬) কোনও প্রার্থীর মালিকানাধীন বা নিয়ন্ত্রণাধীন কোনও স্থানে ভোটকেন্দ্র স্থাপন করা যাইবে না।

৮। **প্রিজাইডিং অফিসার, পোলিং অফিসার ইত্যাদির প্যানেল প্রস্তুত, নিয়োগ ও দায়িত্ব।**—(১) রিটার্নিং অফিসার, তাহার অধিক্ষেত্রভুক্ত সিটি কর্পোরেশনের নির্বাচনের জন্য প্রিজাইডিং অফিসার, সহকারী প্রিজাইডিং অফিসার এবং পোলিং অফিসারের প্যানেল প্রস্তুত করিবার উদ্দেশ্যে, সংশ্লিষ্ট সিটি কর্পোরেশন এলাকার সরকারী ও স্বায়ত্তশাসিত সংস্থা এবং সরকারী ও বেসরকারী শিক্ষা প্রতিষ্ঠানের প্রধানগণকে, তিনি যে শ্রেণী উল্লেখ করিবেন সেই শ্রেণীর কর্মকর্তা ও কর্মচারীগণের একটি তালিকা সরবরাহ করিবার জন্য লিখিতভাবে অনুরোধ করিবেন এবং অনুরূপ অনুরোধের ভিত্তিতে সংশ্লিষ্ট প্রতিষ্ঠানের প্রধানগণ রিটার্নিং অফিসারকে তদনিয়ন্ত্রণাধীন কর্মকর্তা এবং কর্মচারীগণের একটি তালিকা সরবরাহ করিবেন।

(২) রিটার্নিং অফিসার প্যানেল প্রস্তুত করিবার পর, প্যানেলভুক্ত কর্মকর্তা ও কর্মচারীগণের চাকুরী নির্বাচন কমিশনে ন্যস্ত করিবার উদ্দেশ্যে, সংশ্লিষ্ট সংস্থা ও প্রতিষ্ঠানের প্রধানগণের নিকট লিখিত অনুরোধ করিবেন এবং উহার একটি কপি নির্বাচন কমিশনে প্রেরণ করিবেন।

(৩) রিটার্নিং অফিসার উপ-বিধি (২) এর অধীন প্রস্তুতকৃত প্যানেল হইতে প্রতিটি ভোটকেন্দ্রের জন্য একজন প্রিজাইডিং অফিসার এবং প্রিজাইডিং অফিসারকে সহায়তা প্রদান করিবার জন্য প্রয়োজনীয় সংখ্যক সহকারী প্রিজাইডিং অফিসার এবং পোলিং অফিসার নিয়োগ করিবেন:

তবে শর্ত থাকে যে, এইরূপ কোনও ব্যক্তিকে প্রিজাইডিং অফিসার বা সহকারী প্রিজাইডিং অফিসার বা পোলিং অফিসার হিসাবে নিয়োগ করা যাইবে না, যিনি কোনও প্রার্থীর অধীন বা পক্ষে কর্মরত আছেন বা ছিলেন।

(৪) প্রিজাইডিং অফিসার অধ্যাদেশ ও এই বিধিমালার বিধান অনুসারে নির্বাচন পরিচালনা করিবেন এবং ভোটকেন্দ্রের শৃঙ্খলা বিধানের দায়িত্বে থাকিবেন।

(৫) ভোট গ্রহণ চলাকালে প্রিজাইডিং অফিসার তদ্বক্ষক নির্দিষ্ট কোনও দায়িত্ব কোনও সহকারী প্রিজাইডিং অফিসারের নিকট অর্পণ করিতে পারিবেন এবং সহকারী প্রিজাইডিং অফিসার উক্তরূপ অর্পিত দায়িত্ব যথাযথভাবে পালন করিবেন।

(৬) এই বিধিমালার অধীন প্রিজাইডিং অফিসারের দায়িত্ব পালনে সহায়তা প্রদান করা প্রত্যেক সহকারী প্রিজাইডিং অফিসার ও পোলিং অফিসারের কর্তব্য হইবে।

(৭) প্রিজাইডিং অফিসার কোনও ঘটনা নির্বাচনের নিরপেক্ষতা ক্ষুণ্ণ করিতে পারে বলিয়া মনে করিলে উক্ত ঘটনা সম্পর্কে অবিলম্বে রিটার্নিং অফিসারকে অবহিত করিবেন।

(৮) কোনও সহকারী প্রিজাইডিং অফিসার অথবা পোলিং অফিসার তাহার কর্তব্য পালনের জন্য ভোটকেন্দ্রে উপস্থিত হইতে ব্যর্থ হইলে, প্রিজাইডিং অফিসার তাৎক্ষণিকভাবে এমন কোনও ব্যক্তিকে সহকারী প্রিজাইডিং অফিসার অথবা পোলিং অফিসার নিয়োগ করিতে পারিবেন যিনি নিজে কোনও প্রার্থী নহেন, এবং প্রিজাইডিং অফিসার কোনও পোলিং অফিসারের অনুপস্থিতি, উহার কারণ এবং অনুরূপ অনুপস্থিতির কারণে তদস্থলে অপর কোনও ব্যক্তিকে নিয়োগের বিষয় ভোটগ্রহণ শেষ হওয়ার পর যথাশীঘ্র সম্ভব রিটার্নিং অফিসারকে অবহিত করিবেন।

(৯) অসুস্থতা বা অন্য কোনও কারণে প্রিজাইডিং অফিসার ভোটকেন্দ্রে উপস্থিত হইতে বা উপস্থিত হওয়া সত্ত্বেও তাহার দায়িত্ব পালনে অক্ষম হইলে, প্রিজাইডিং অফিসার তাহার অনুপস্থিতি বা অক্ষমতার কারণ যথাশীঘ্র সম্ভব রিটার্নিং অফিসারকে অবহিত করিবেন এবং রিটার্নিং অফিসার সহকারী প্রিজাইডিং অফিসারগণের বা পোলিং অফিসারগণের মধ্য হইতে যে কোনও একজনকে উক্ত প্রিজাইডিং অফিসারের দায়িত্ব পালনের জন্য ক্ষমতা প্রদান করিবেন।

(১০) রিটার্নিং অফিসার, লিখিতভাবে কারণ লিপিবদ্ধ করিয়া, ভোটগ্রহণ চলাকালে যে কোনও সময়, যে কোনও প্রিজাইডিং অফিসার অথবা সহকারী প্রিজাইডিং অফিসার অথবা পোলিং অফিসারকে তাহার দায়িত্ব পালন হইতে বিরত থাকিবার আদেশ দিতে পারিবেন এবং উক্তরূপ আদেশ প্রদানের প্রেক্ষিতে প্রয়োজনীয় ব্যবস্থা গ্রহণ করিতে পারিবেন।

৯। **ভোটের তালিকা সরবরাহ।** – (১) নির্বাচন কমিশন প্রত্যেক নির্বাচনী এলাকার রিটার্নিং অফিসারকে নির্বাচনী তফসিল ঘোষণার অব্যবহিত পরেই উক্ত এলাকার ভোটের তালিকা সরবরাহ করিবে।

(২) রিটার্নিং অফিসার উপ-বিধি (১) এর অধীন প্রাপ্ত ভোটের তালিকা সংশ্লিষ্ট ভোটকেন্দ্রের প্রত্যেক প্রিজাইডিং অফিসার সরবরাহ করিবেন।

১০। **নির্বাচনের বিভিন্ন কার্যক্রমের তারিখ নির্ধারণ সম্পর্কিত বিজ্ঞপ্তি।** – (১) নির্বাচন কমিশন নির্বাচন অনুষ্ঠানের উদ্দেশ্যে, সরকারী গেজেটে, প্রজ্ঞাপন দ্বারা নিম্নবর্ণিত তারিখসমূহ নির্ধারণ করিবে, যথাঃ –

- (ক) যে তারিখ বা যে তারিখের পূর্বে প্রার্থীগণ মনোনয়নপত্র জমা দিতে পারিবেন;
- (খ) মনোনয়নপত্র বাছাইয়ের তারিখ;
- (গ) প্রার্থিতা প্রত্যাহরের সর্বশেষ তারিখ;
- (ঘ) ভোটগ্রহণের তারিখ যাহা প্রার্থিতা প্রত্যাহরের তারিখের অন্ততঃ পনের (১৫) দিন পরে হইবে।

(২) নির্বাচন কমিশন উপ-বিধি (১) এ উল্লিখিত প্রজ্ঞাপনের অনুলিপি রিটার্নিং অফিসারের নিকট প্রেরণ করিবে এবং রিটার্নিং অফিসার তাহার কার্যালয় ও সিটি কর্পোরেশন কার্যালয়ের নোটিশ বোর্ডে এবং সংশ্লিষ্ট ওয়ার্ডের গুরুত্বপূর্ণ ও প্রকাশ্য স্থানসমূহে টাঙ্গাইয়া দিবেন।

(৩) উপ-বিধি (১) এ যাহা কিছুই উল্লেখ থাকুক না কেন, কোনও উপ-নির্বাচনের ক্ষেত্রে, উপ-বিধি (১) এ উল্লিখিত প্রজ্ঞাপন জারীর প্রয়োজন হইবে না, তবে এইরূপ ক্ষেত্রে নির্বাচন কমিশন কর্তৃক প্রদত্ত নির্দেশ সাপেক্ষে, রিটার্নিং অফিসার তদ্বক্ষক সঙ্গত বলিয়া বিবেচিত সময়ের ব্যবধান রাখিয়া, মনোনয়নপত্র দাখিলের তারিখ, বাছাইয়ের তারিখ, প্রার্থিতা প্রত্যাহরের তারিখ ও ভোটগ্রহণের তারিখ নির্ধারণ করিয়া একটি বিজ্ঞপ্তি উপ-বিধি (২) এ উল্লিখিত নোটিশ বোর্ড ও স্থানসমূহে টাঙ্গাইয়া জারী করিবেন।

১১। **মনোনয়নপত্র আহ্বানের নোটিশ।** – বিধি ১০ এর অধীন প্রজ্ঞাপন প্রকাশিত হইবার পর, রিটার্নিং অফিসার, জনসাধারণের জ্ঞাতার্থে, নির্বাচনের জন্য মনোনয়নপত্র দাখিলের আহ্বান জানাইয়া যথাশীঘ্র সম্ভব একটি বিজ্ঞপ্তি জারী করিবেন এবং উক্ত বিজ্ঞপ্তিতে মনোনয়নপত্র দাখিলের স্থান, তারিখ ও সময় উল্লেখ থাকিবে।

১২। মনোনয়ন।-(১) মেয়র নির্বাচনের উদ্দেশ্যে, সংশ্লিষ্ট সিটি কর্পোরেশনের অন্য কোনও ভোটার, অধ্যাদেশের ধারা ৯ (১) এর অধীন মেয়র নির্বাচিত হইবার যোগ্যতাসম্পন্ন যে কোনও ব্যক্তির নাম প্রস্তাব করিতে বা অনুরূপ প্রস্তাব সমর্থন করিতে পারিবেন।

(২) অধ্যাদেশের ধারা ৯ (১) এর অধীন কাউন্সিলররূপে নির্বাচিত হইবার যোগ্যতা থাকিলে -

- (ক) অধ্যাদেশের ধারা ৫ (১) এর দফা (গ) তে উল্লিখিত সংরক্ষিত আসনে কাউন্সিলর পদের জন্য ধারা ৩০ এর অধীন বিভজিকৃত কোনও ওয়ার্ডের যে কোনও সমন্বিত ওয়ার্ডের যে কোনও ভোটার উক্ত সমন্বিত ওয়ার্ডের সংরক্ষিত আসনে কাউন্সিলর নির্বাচনের উদ্দেশ্যে যে কোনও মহিলার নাম প্রস্তাব করিতে বা অনুরূপ প্রস্তাব সমর্থন করিতে পারিবেন;
- (খ) অধ্যাদেশের ধারা ৫ (১) এর দফা (খ) তে উল্লিখিত নির্ধারিত সংখ্যক কাউন্সিলর পদের জন্য ধারা ২৭ এর অধীন বিভজিকৃত কোনও ওয়ার্ডের যে কোনও ভোটার উক্ত ওয়ার্ডের কাউন্সিলর নির্বাচনের উদ্দেশ্যে অন্য কোনও ব্যক্তির নাম প্রস্তাব করিতে বা অনুরূপ প্রস্তাব সমর্থন করিতে পারিবেন।

(৩) অধ্যাদেশের ধারা ৯ এর বিধান সাপেক্ষে, মনোনয়নপত্র -

- (ক) মেয়র নির্বাচনের জন্য ফরম 'ক', সংরক্ষিত আসনের কাউন্সিলর নির্বাচনের জন্য ফরম 'ক-১' এবং সাধারণ আসনের কাউন্সিলর নির্বাচনের জন্য ফরম 'ক-২' এ দাখিল করিতে হইবে;
- (খ) প্রস্তাবকারী এবং সমর্থনকারী কর্তৃক স্বাক্ষরিত হইতে হইবে; এবং
- (গ) নিম্নবর্ণিত কাগজপত্রসহ দাখিল করিতে হইবে, যথা :-
 - (অ) বিধি ১৩ অনুসারে জামানতের টাকা জমা প্রদানের প্রমাণ স্বরূপ ট্রেজারি চালান অথবা ব্যাংকের রসিদ অথবা রিটার্নিং অফিসারের নিকট হইতে প্রাপ্ত রশিদ;
 - (আ) উক্ত মনোনয়নে সংশ্লিষ্ট প্রার্থী সম্মত আছেন এবং নির্বাচনে অংশগ্রহণের ক্ষেত্রে অধ্যাদেশের ধারা ৯(২) বা আপাততঃ বলবৎ অন্য কোনও আইনে তিনি অযোগ্য নহেন মর্মে তাহার স্বাক্ষরিত প্রত্যয়নপত্র;
 - (ই) প্রস্তাবকারী ও সমর্থনকারী কর্তৃক এই মর্মে একটি ঘোষণা থাকিবে যে, তাহাদের কেহ প্রস্তাবকারী বা সমর্থনকারী হিসাবে অন্য কোনও মনোনয়নপত্রে স্বাক্ষর দান করেন নাই; এবং
 - (ঈ) মেয়র বা সংরক্ষিত আসনের কাউন্সিলর বা সাধারণ আসনের কাউন্সিলর পদে নির্বাচনের প্রতিদ্বন্দ্বিতা করিতে ইচ্ছুক প্রার্থী তাহার মনোনয়নপত্র যথাক্রমে ফরম 'ক', 'ক-১' বা 'ক-২' এর সহিত নির্ধারিত ফরমে হলফনামা, যাহাতে নিম্নবর্ণিত তথ্যাদি উল্লেখ থাকিবে:-

- (১) তদকর্তৃক অর্জিত সর্বোচ্চ শিক্ষাগত যোগ্যতার সার্টিফিকেটের সত্যায়িত কপি;
- (২) বর্তমানে তিনি কোনও ফৌজদারী মামলায় অভিযুক্ত আছেন কিনা;
- (৩) অতীতে তাহার বিরুদ্ধে দায়েরকৃত কোনও ফৌজদারী মামলার রেকর্ড আছে কিনা, থাকিলে তাহার রায় কি ছিল;
- (৪) তাহার ব্যবসা বা পেশার বিবরণী;
- (৫) তাহার আয়ের উৎস বা উৎসসমূহ;
- (৬) তাহার নিজের ও অন্যান্য নির্ভরশীলদের সম্পদ ও দায় এর বিবরণী; এবং
- (৭) কোনও ব্যংক বা আর্থিক প্রতিষ্ঠান হইতে তদকর্তৃক একক বা যৌথভাবে বা তাহার উপর নির্ভরশীল সদস্য কর্তৃক গৃহীত ঋণের পরিমাণ অথবা কোনও ব্যংক বা আর্থিক প্রতিষ্ঠানের চেয়ারম্যান, ব্যবস্থাপনা পরিচালক বা পরিচালক হওয়ার সুবাদে ঐসব প্রতিষ্ঠান হইতে গৃহীত ঋণের পরিমাণ।

(৪) কোনও ভোটার প্রস্তাবক হিসাবে অথবা সমর্থক হিসাবে মেয়র অথবা সংরক্ষিত আসনের কাউন্সিলর বা সাধারণ আসনের কাউন্সিলর নির্বাচনের উদ্দেশ্যে একটির অধিক মনোনয়নপত্রে তাহার নাম ব্যবহার করিবেন না এবং যদি কোনও ভোটার অনুরূপ একাধিক মনোনয়নপত্রে তাহার নাম ব্যবহার করেন, তাহা হইলে এরূপ সকল মনোনয়নপত্র বাতিল বলিয়া গণ্য হইবে।

(৫) প্রতিটি মনোনয়নপত্র সংশ্লিষ্ট প্রার্থী বা প্রস্তাবকারী বা সমর্থনকারী কর্তৃক উহা দাখিলের নির্ধারিত একটি তারিখে বা উহার পূর্বে রিটার্নিং অফিসারের নিকট দাখিল করিতে হইবে এবং রিটার্নিং অফিসার উহা প্রাপ্তির তারিখ ও সময় মনোনয়নপত্রের উপর লিপিবদ্ধ করিয়া প্রাপ্তি স্বীকারপত্র প্রদান করিবেন।

(৬) কোনও ব্যক্তি একই নির্বাচনী এলাকার জন্য একাধিক মনোনয়নপত্র দাখিল করিতে পারিবেন এবং মনোনয়নপত্র রিটার্নিং অফিসারের নিকট দাখিল করিতে হইবে।

- (৭) যদি কোনও ব্যক্তি একাধিক মনোনয়নপত্রে স্বাক্ষর করেন, তাহা হইলে রিটার্নিং অফিসার কর্তৃক প্রাপ্ত প্রথম বৈধ মনোনয়নপত্র ব্যতীত অন্য সকল মনোনয়নপত্র বাতিল হইয়া যাইবে।
- (৮) রিটার্নিং অফিসার প্রত্যেক মনোনয়নপত্রে একটি ক্রমিক নম্বর দিবেন এবং উহাতে দাখিলকারীর নাম এবং প্রাপ্তির তারিখ ও সময় লিপিবদ্ধ করিবেন এবং তিনি কখন এবং কোথায় মনোনয়নপত্র বাছাই করিবেন তাহা উক্ত ব্যক্তিকে অবহিত করিবেন।
- (১৩) জামানত।—(১) প্রতিটি মনোনয়নপত্রের সহিত, মেয়র নির্বাচনের ক্ষেত্রে দশ হাজার টাকা এবং কাউন্সিলর নির্বাচনের ক্ষেত্রে পাঁচ হাজার টাকা জমাদানের প্রমাণস্বরূপ ট্রেজারি চালান বা কোনও তফসিলী ব্যাংকের রসিদ বা রিটার্নিং অফিসার প্রদত্ত রশিদ জমা দিতে হইবে :
- তবে শর্ত থাকে যে, কোনও প্রার্থীর অনুকূলে একাধিক মনোনয়নপত্র দাখিল হইলে, একাধিক জামানতের প্রয়োজন হইবে না।
- (২) উপ-বিধি (১) এ উল্লিখিত টাকা জমা দেওয়া না হইলে, রিটার্নিং অফিসার কোনও মনোনয়নপত্র গ্রহণ করিবেন না।
- (৩) রিটার্নিং অফিসার এই বিধির অধীন নগদে বা অন্য কোনওভাবে জমাকৃত টাকা সম্পর্কিত তথ্যাদি ফরম 'খ'তে বিধৃত রেজিস্ট্রারে লিপিবদ্ধ করিবেন।
- (৪) এই বিধির অধীন নগদ টাকা জমা দেওয়া হইলে উহার স্বীকৃতিস্বরূপ রিটার্নিং অফিসার ফরম 'গ'তে একটি রসিদ প্রদান করিবেন এবং উক্ত টাকা সরকারী ট্রেজারি বা সাব-ট্রেজারি অথবা সোনালী ব্যাংকের কোনও শাখায় জমা রাখিবেন।
- (৫) রিটার্নিং অফিসার, বা ক্ষেত্রমত, কোনও প্রার্থী, এই বিধির অধীন সংশ্লিষ্ট খাতে টাকা জমা প্রদান করিবেন।
- (১৪) মনোনয়নপত্র বাছাই।—(১) প্রার্থীগণ, তাহাদের নির্বাচনী এজেন্ট, প্রস্তাবকারী ও সমর্থনকারী এবং প্রত্যেক প্রার্থী কর্তৃক এতদুদ্দেশ্যে ক্ষমতাপ্রাপ্ত অন্য কোনও ব্যক্তি, মনোনয়নপত্রসমূহ বাছাই করিবার সময় উপস্থিত থাকিতে পারিবেন এবং রিটার্নিং অফিসার বিধি ১২ এর অধীন তাহার নিকট দাখিলকৃত মনোনয়নপত্রসমূহ পরীক্ষার জন্য তাহাদিগকে যুক্তিসঙ্গত সুযোগ প্রদান করিবেন।
- (২) রিটার্নিং অফিসার উপবিধি (১) এর অধীন বাছাইয়ের সময় উপস্থিত ব্যক্তিগণের সম্মুখে মনোনয়নপত্রসমূহ পরীক্ষা করিবেন এবং উক্তরূপ কোনও ব্যক্তি কর্তৃক কোনও মনোনয়নের ক্ষেত্রে উত্থাপিত আপত্তি নিষ্পত্তি করিবেন।
- (৩) রিটার্নিং অফিসার স্বীয় উদ্যোগে, অথবা উপবিধি (১) এ উল্লিখিত কোনও ব্যক্তি কর্তৃক উপবিধি (২) এর অধীন উত্থাপিত আপত্তির প্রেক্ষিতে, তদবিবেচনায় সংক্ষিপ্ত তদন্ত পরিচালনা করিতে পারিবেন এবং কোনও মনোনয়নপত্র বাতিল করিতে পারিবেন, যদি তিনি সন্তুষ্ট হন যে,—
- ক) প্রার্থী মেয়র বা, ক্ষেত্রমত, কাউন্সিলর হিসাবে মনোনীত হইবার যোগ্য নহেন; বা
- খ) প্রস্তাবকারী বা সমর্থনকারী মনোনয়ন পত্রে স্বাক্ষর করিবার যোগ্য নহেন; বা
- গ) বিধি ১২ বা বিধি ১৩ এর কোনও বিধান পালন করা হয় নাই; বা
- ঘ) প্রস্তাবকারী বা সমর্থনকারীর স্বাক্ষর সঠিক নহে; বা
- ঙ) বিধি ১২ এর উপবিধি (৩) এর দফা (গ) এর অধীন হলফনামা দাখিল করা হয় নাই, বা দাখিলকৃত হলফনামায় অসত্য তথ্য প্রদান করা হইয়াছে, বা হলফনামায় উল্লিখিত কোনও তথ্যের সমর্থনে যথাযথ সার্টিফিকেট, দলিল ইত্যাদি দাখিল করা হয় নাই:
- তবে শর্ত থাকে যে,—
- অ) বাতিলকৃত কোনও মনোনয়নপত্র কোনও প্রার্থীর বৈধ মনোনয়নপত্রকে অবৈধ করিবে না;
- আ) রিটার্নিং অফিসার গুরুতর নহে এইরূপ কোনও ত্রুটির কারণে কোনও মনোনয়ন পত্র বাতিল করিবেন না এবং অনুরূপ ত্রুটি অবিলম্বে সংশোধন করিবার জন্য সুযোগ প্রদান করিতে পারিবেন; এবং
- ই) রিটার্নিং অফিসার ভোটের তালিকায় লিপিবদ্ধ কোনও বিষয়ের শুদ্ধতা বা বৈধতা সম্পর্কে তদন্ত করিতে পারিবেন না।
- (৪) রিটার্নিং অফিসার প্রতিটি মনোনয়ন পত্র গ্রহণ করিয়া বা বাতিল করিয়া তাহার সিদ্ধান্ত প্রত্যয়ন করিবেন এবং বাতিলের ক্ষেত্রে উহার কারণ সম্পর্কে একটি সংক্ষিপ্ত বর্ণনা লিপিবদ্ধ করিবেন।

১৫) মনোনয়নপত্র গ্রহণ ও বাতিল আদেশের বিরুদ্ধে আপিল।-(১) বিধি ১৪(৩) এর অধীন রিটার্নিং অফিসার কর্তৃক কোনও প্রার্থীর মনোনয়নপত্র বাতিল করা হইলে উক্ত প্রার্থী মনোনয়নপত্র বাছাইয়ের তারিখের দুই দিনের মধ্যে উক্ত বাতিল আদেশের বিরুদ্ধে উপবিধি(৩) এর অধীন নিযুক্ত কর্তৃপক্ষের নিকট আপিল করিতে পারিবেন।

(২) যদি কোনও ব্যাংক বা আর্থিক প্রতিষ্ঠান বা সেবা প্রদানকারী প্রতিষ্ঠানের কোনও কর্মকর্তা, বিধি ১৪(৪) এর অধীন মনোনয়নপত্র গ্রহণ সম্পর্কে প্রদত্ত রিটার্নিং অফিসারের আদেশে সংশ্লিষ্ট হন, তাহা হইলে উক্ত কর্মকর্তা মনোনয়নপত্র বাছাইয়ের তারিখের দুই দিনের মধ্যে উপ-বিধি(৩) এ উল্লিখিত আপীলকারী কর্তৃপক্ষের নিকট আপিল করিতে পারিবেন।

(৩) উপবিধি (১) ও (২) এর উদ্দেশ্য পূরণকল্পে নির্বাচন কমিশন একজন সরকারী কর্মকর্তাকে আপীল কর্তৃপক্ষ হিসাবে নিয়োগ করিবে এবং বিধি ১০ (১) এর অধীন প্রজ্ঞাপন জারীর সময়েই উক্ত নিয়োগের বিষয় সহকারী গেজেটে প্রকাশ করিবে।

(৪) মনোনয়নপত্র গ্রহণ বা বাতিলের বিরুদ্ধে আপীল, সরাসরি অথবা যেরূপ প্রয়োজনীয় বলিয়া বিবেচিত হইবে সেইরূপ সংক্ষিপ্ত তদন্তের পর, উহা দায়েরের তারিখ হইতে দুই দিনের মধ্যে নিষ্পত্তি করিতে হইবে এবং অনুরূপ আপীলের ক্ষেত্রে গৃহীত সিদ্ধান্ত চূড়ান্ত হইবে।

১৬। মনোনীত প্রার্থীগণের তালিকা প্রকাশ।-(১) রিটার্নিং অফিসার, বিধি ১৪ এর অধীন মনোনয়নপত্র বাছাইয়ের পর, বৈধভাবে মনোনীত প্রার্থীগণের প্রাথমিক তালিকা প্রস্তুত ও প্রকাশ করিবেন।

(২) বিধি ১৫ এর অধীন যদি কোনও আপীল দায়ের করা হইয়া থাকে, তাহা হইলে উক্ত আপীলের উপর সিদ্ধান্ত প্রাপ্তির পর, উপবিধি (১) এর অধীন প্রস্তুতকৃত প্রাথমিক তালিকায় প্রয়োজনীয় সংশোধনপূর্বক বৈধভাবে মনোনীত প্রার্থীগণের নামের চূড়ান্ত তালিকা ফরম “ঘ” তে প্রস্তুত করিয়া তাহার অফিসের নোটিশ বোর্ডে টাঙাইয়া প্রকাশ করিবেন।

১৭। প্রার্থিতা প্রত্যাহার।-(১) বৈধভাবে মনোনীত কোন প্রার্থী তদকর্তৃক স্বাক্ষরযুক্ত একটি লিখিত নোটিশ, প্রার্থিতা প্রত্যাহারের দিন বা উহার পূর্বে, রিটার্নিং অফিসারের নিকট স্বয়ং বা এতদুদ্দেশ্যে তদকর্তৃক লিখিতভাবে অনুমোদিত কোন প্রতিনিধি মারফত দাখিল করিয়া তাহার প্রার্থিতা প্রত্যাহার করিতে পারিবেন।

(২) উপ-বিধি (১) এর অধীন প্রার্থিতা প্রত্যাহারের কোন নোটিশ কোন অবস্থাতেই প্রত্যাহার বা বাতিল করা যাইবে না।

(৩) উপ-বিধি (১) এর অধীন প্রত্যাহারের কোন নোটিশ প্রাপ্ত হইয়া রিটার্নিং অফিসার যদি এই মর্মে সন্তুষ্ট হন যে, নোটিশে প্রদত্ত দস্তখত প্রার্থীর, তাহা হইলে তিনি নোটিশের একটি কপি তাহার অফিসের কোন দর্শনীয় স্থানে টাঙাইয়া দিবেন।

১৮। কতিপয় কারণে নির্বাচন কার্যক্রম বাতিল বা স্থগিতকরণে রিটার্নিং অফিসারের ক্ষমতা।-(যেক্ষেত্রে মনোনয়নপত্র গ্রহণ, বাছাই বা প্রত্যাহার সংক্রান্ত কোনও কার্যক্রম রিটার্নিং অফিসারের নিয়ন্ত্রণ বহির্ভূত কোনও কারণে নির্ধারিত তারিখে সম্পন্ন করা না যায়, সেই ক্ষেত্রে তিনি উক্তরূপ কার্যক্রম স্থগিত করিতে পারিবেন এবং নির্বাচন কমিশনের অনুমোদনক্রমে, উক্তরূপ স্থগিত কার্যক্রম, প্রয়োজন হইলে, পরবর্তী কার্যক্রমের জন্য গণবিজ্ঞপ্তি দ্বারা নূতন তারিখ ধার্য করত সম্পন্ন করিতে পারিবেন।

১৯। প্রতীক বরাদ্দ।-(১) যদি কোনও পদের জন্য একাধিক প্রতিদ্বন্দ্বী প্রার্থী থাকে, তাহা হইলে প্রত্যেক প্রার্থী, ক) মেয়র নির্বাচনের ক্ষেত্রে তফসিল ২;

খ) সংরক্ষিত আসনের কাউন্সিলর নির্বাচনের ক্ষেত্রে তফসিল ৩; এবং

গ) সাধারণ আসনের কাউন্সিলর নির্বাচনের ক্ষেত্রে তফসিল ৪ এ উল্লিখিত প্রতীকসমূহের মধ্যে তাহার পছন্দমতো যে কোনও একটি নির্বাচনী প্রতীক মনোনয়নপত্রে উল্লেখ করিবেন।

(২) নির্বাচনী প্রতীক বরাদ্দের ক্ষেত্রে, প্রার্থীগণের মধ্যে দ্বন্দ্ব দেখা দিলে রিটার্নিং অফিসার, যতদূর সম্ভব, প্রার্থীগণের পছন্দের প্রতি লক্ষ রাখিয়া, উক্ত প্রতীক বরাদ্দ করিবেন এবং প্রয়োজনবোধে লটারির মাধ্যমে এই ব্যাপারে সিদ্ধান্ত গ্রহণ করিতে পারিবেন এবং এই বিষয়ে তাহার সিদ্ধান্তই চূড়ান্ত হইবে।

(৩) যদি কোনও নির্বাচনে প্রার্থীর সংখ্যা তফসিল ২ বা ৩ বা ক্ষেত্রমত ৪ এ প্রদত্ত তালিকায় উল্লিখিত প্রতীক সংখ্যা অপেক্ষা অধিক হয়, তাহা হইলে নির্বাচন কমিশন উক্ত তালিকায় প্রয়োজনীয় সংখ্যক নূতন প্রতীক সংযোজন করিতে পারিবে।

(৪) নির্বাচন কমিশন যেভাবে নির্দেশ দিবে, সেইভাবে রিটার্নিং অফিসার প্রতিদ্বন্দ্বী প্রার্থীগণের নাম বাংলা বর্ণমালার ক্রমানুসারে সাজাইয়া তাহাদের প্রত্যেকের বিপরীতে বরাদ্দকৃত প্রতীক সুস্পষ্টভাবে উল্লেখ করিয়া প্রকাশ করিবেন।

২০। **ভোটগ্রহণের পূর্বে প্রার্থীর মৃত্যু**।-ভোট গ্রহণের পূর্বে কোনও সময়ে যদি প্রতিদ্বন্দ্বী প্রার্থীর মৃত্যু হয়, তাহা হইলে ভোট গ্রহণ অবশিষ্ট প্রার্থীগণের মধ্যে সীমাবদ্ধ থাকিবে।

২১। **বিনা প্রতিদ্বন্দ্বিতায় নির্বাচন**।-(১) যদি সিটি কর্পোরেশনের মেয়র অথবা সংরক্ষিত আসনের কোনও ওয়ার্ডের বা সাধারণ আসনের কাউন্সিলর হিসাবে নির্বাচনে বিধি ১৪ এর অধীন বাছাইয়ের পর মনোনীত প্রার্থী অথবা বিধি ১৭ এর অধীন প্রার্থিতা প্রত্যাহারের পর প্রতিদ্বন্দ্বী প্রার্থীর সংখ্যা কেবল একজন হয়, তাহা হইলে রিটার্নিং অফিসার বিধি ১০(১)(গ) এর অধীন প্রার্থিতা প্রত্যাহারের নির্ধারিত তারিখের পর, গণবিজ্ঞপ্তি দ্বারা উক্ত প্রার্থীকে নির্বাচিত বলিয়া ঘোষণা করিবেন এবং নির্বাচন কমিশনের নিকট ফরম “ঙ” তে একটি বিবরণী প্রেরণ করিবেন।

(২) নির্বাচন কমিশন নির্বাচিত প্রার্থীর নাম সরকারী গেজেটে প্রকাশ করিবে।

২২। **প্রতিদ্বন্দ্বিতামূলক নির্বাচন**।-(১) ১) যদি সিটি কর্পোরেশনের মেয়র অথবা সংরক্ষিত আসনের কোনও ওয়ার্ডের বা সাধারণ আসনের কাউন্সিলর হিসাবে নির্বাচনের জন্য প্রার্থীর সংখ্যা একাধিক হয়, তাহা হইলে উক্ত পদের জন্য ভোট গ্রহণ অনুষ্ঠিত হইবে এবং এতদুদ্দেশ্যে রিটার্নিং অফিসার, বিধি ১০ এর উপবিধি(১)(ঘ) এর অধীন ভোট গ্রহণের নির্ধারিত তারিখের অন্তত দশ দিন পূর্বে উপ-বিধি (২) অনুসারে প্রস্তুতকৃত প্রতিদ্বন্দ্বী প্রার্থীর তালিকার প্রয়োজনীয় সংখ্যক কপি সিটি কর্পোরেশনের কার্যালয়ের নিম্নবর্ণিত স্থানে প্রকাশ করিবেন, যথা:--

ক) মেয়র নির্বাচনের ক্ষেত্রে, সংশ্লিষ্ট নগরীর প্রকাশ্য স্থান বা স্থানসমূহ; এবং

খ) কাউন্সিলর নির্বাচনের ক্ষেত্রে, সংশ্লিষ্ট ওয়ার্ডের প্রকাশ্য স্থান বা স্থানসমূহ।

(২) রিটার্নিং অফিসার মনোনয়নপত্রে উল্লিখিত প্রতিদ্বন্দ্বী প্রার্থীগণের নাম ও ঠিকানা এবং বরাদ্দকৃত প্রতীকের নাম সম্বলিত একটি তালিকা ফরম “চ” অনুযায়ী প্রতিদ্বন্দ্বী প্রার্থীগণের নাম বাংলা বর্ণমালার ক্রমানুসারে প্রস্তুত করিবেন।

(৩) রিটার্নিং অফিসার, প্রার্থিতা প্রত্যাহারের জন্য নির্ধারিত তারিখের পরের দিন, নির্বাচন কমিশন এবং প্রত্যেক প্রতিদ্বন্দ্বী প্রার্থী বা তাহার নির্বাচনী এজেন্টকে ফরম চ; অনুযায়ী প্রকাশিত তালিকার একটি অনুলিপি সরবরাহ করিবেন।

২৩। **ব্যালট মারফত ভোট**।-কোনও নির্বাচনে ভোটগ্রহণের প্রয়োজন হইলে, এই বিধিমালায় বিধৃত পদ্ধতিতে গোপন ব্যালট মারফত ভোট গ্রহণ করিতে হইবে।

২৪। **নির্বাচনী এজেন্ট নিয়োগ**।-(১) মেয়র নির্বাচনের ক্ষেত্রে, একজন প্রতিদ্বন্দ্বী প্রার্থী, মেয়র হিসাবে নির্বাচনের জন্য যোগ্য কোনও ব্যক্তিকে তাহার নির্বাচনী এজেন্ট হিসাবে নিয়োগ করিতে পারিবেন।

(২) কাউন্সিলর নির্বাচনের ক্ষেত্রে, একজন প্রতিদ্বন্দ্বী প্রার্থী কাউন্সিলর হিসাবে নির্বাচনের যোগ্য কোনও ব্যক্তিকে তাহার নির্বাচনী এজেন্ট হিসাবে নিয়োগ করিতে পারিবেন।

(৩) প্রতিদ্বন্দ্বী প্রার্থী লিখিতভাবে যে কোনও সময়ে, তদ্ব্যবস্থাপক নিয়োগকৃত নির্বাচনী এজেন্ট বাতিল করিতে পারিবেন, এবং এইরূপে বাতিল করা হইলে অথবা নির্বাচনী এজেন্টের মৃত্যু ঘটিলে, উক্ত প্রার্থী উপ-বিধি (১), বা ক্ষেত্রমত, উপ-বিধি (২), এর বিধান অনুসারে অন্য কোনও ব্যক্তিকে তাহার নির্বাচনী এজেন্ট হিসাবে নিয়োগদান করিতে পারিবেন।

(৪) কোনও নির্বাচনী এজেন্টকে নিয়োগদান করা হইলে, সংশ্লিষ্ট প্রতিদ্বন্দ্বী প্রার্থী উক্ত নির্বাচনী এজেন্টের নাম, পিতার নাম এবং ঠিকানাসহ অনুরূপ নিয়োগদান সম্পর্কে রিটার্নিং অফিসারকে লিখিতভাবে অবহিত করিবেন।

(৫) এই বিধির অধীন কোনও প্রতিদ্বন্দ্বী প্রার্থী নির্বাচনী এজেন্ট নিয়োগ না করিলে, তিনি নিজেই তাহার নির্বাচনী এজেন্ট বলিয়া গণ্য হইবেন এবং প্রতিদ্বন্দ্বী প্রার্থী এবং একজন নির্বাচনী এজেন্ট হিসাবে, যতদূর সম্ভব, এই বিধিমালায় বিধানাবলী তাহার ক্ষেত্রে প্রযোজ্য হইবে।

২৫। **পোলিং এজেন্ট নিয়োগ**।-(১) প্রতিদ্বন্দ্বী প্রার্থী অথবা তাহার নির্বাচনী এজেন্ট, নির্বাচন আরম্ভ হইবার পূর্বে, প্রত্যেক ভোটকেন্দ্রের প্রতিটি ভোটকক্ষের জন্য অনধিক একজন করিয়া পোলিং এজেন্ট নিয়োগ করিতে পারিবেন।

(২) প্রতিদ্বন্দ্বী প্রার্থী বা তাহার নির্বাচনী এজেন্ট, যে কোনও সময়ে উপ-বিধি (১) এর অধীন নিয়োগকৃত পোলিং এজেন্টের নিয়োগ বাতিল করিতে পারিবেন এবং এইরূপে বাতিল করা হইলে বা পোলিং এজেন্টের মৃত্যু ঘটিলে, উক্ত প্রার্থী বা তাহার নির্বাচনী এজেন্ট

অন্য কোনও ব্যক্তিকে পোলিং এজেন্ট হিসাবে নিয়োগদান করিতে পারিবেন এবং অনুরূপ নিয়োগদান সম্পর্কে প্রিজাইডিং অফিসারকে তাৎক্ষণিকভাবে অবহিত করিবেন।

২৬। একই সঙ্গে মেয়র ও কাউন্সিলর পদে নির্বাচন অনুষ্ঠান।—বিধি ১০ এর উপ-বিধি (১) এর দফা (ঘ) এর অধীন ভোটগ্রহণের নির্ধারিত তারিখে একই সঙ্গে মেয়র এবং কাউন্সিলর পদসমূহে নির্বাচন অনুষ্ঠিত হইবে।

২৭। ভোটগ্রহণের সময়সূচি।—রিটার্নিং অফিসার, নির্বাচন কমিশনের নির্দেশ সাপেক্ষে, ভোটগ্রহণের সময়সূচি নির্ধারণ করিবেন এবং উক্ত সময়সূচি সম্পর্কে, তাহার বিবেচনায় উপযুক্ত পদ্ধতিতে, জনসাধারণকে অবহিত করিবেন।

২৮। ব্যালট বাক্স।—(১) রিটার্নিং অফিসার প্রত্যেক প্রিজাইডিং অফিসারকে প্রয়োজনীয় সংখ্যক ব্যালট বাক্স সরবরাহ করিবেন এবং প্রিজাইডিং অফিসার ফরম 'ঝ'—তে ব্যালট বাক্সের হিসাব সংরক্ষণ করিবেন এবং রিটার্নিং অফিসারকে উক্ত হিসাব প্রদান করিবেন।

(২) কোনও ভোটকেন্দ্রের কোনও ভোটকক্ষে ভোটগ্রহণের উদ্দেশ্যে একই সময়ে একটির অধিক ব্যালট বাক্স ব্যবহার করা যাইবে না।

(৩) ভোটগ্রহণ শুরু হইবার নির্ধারিত সময়ের অন্তত আধা ঘণ্টা পূর্বে, প্রিজাইডিং অফিসার নিম্নবর্ণিত বিষয়সমূহ নিশ্চিত করিবেন, যথা

(ক) ব্যবহার্য প্রত্যেক ব্যালট বাক্স খালি রহিয়াছে;

(খ) উপস্থিত প্রতিদ্বন্দ্বী প্রার্থীগণ বা তাদের নির্বাচনী এজেন্ট বা পোলিং এজেন্টগণকে খালি ব্যালট বাক্স দেখানো;

(গ) খালি ব্যালট বাক্স দেখাইবার পর উহা বন্ধ করিয়া প্রয়োজনে সীলমোহরযুক্ত করা; এবং

(ঘ) ভোটারগণ অনায়াসে প্রবেশ করিতে পারেন এইরূপ সুবিধাজনক স্থানে ব্যালট বাক্স রাখা যাহাতে উহা একই সময়ে তাহার নিজের এবং উপস্থিত প্রার্থীগণ বা তাহাদের নির্বাচনী এজেন্ট বা পোলিং এজেন্টগণের দৃষ্টির আওতায় থাকে।

(৪) কোনও ব্যালট বাক্স পূর্ণ হইয়া গেলে অথবা উহা ব্যালট পেপার গ্রহণের জন্য আর ব্যবহার করা না গেলে, প্রিজাইডিং অফিসার উক্ত ব্যালট বাক্স নিশ্চিহ্ন করিয়া কোনও নিরাপদ স্থানে রাখিবেন এবং উপবিধি (৩) এ বর্ণিত পদ্ধতিতে অন্য একটি বাক্স ব্যবহার করিবেন।

(৫) প্রিজাইডিং অফিসার ভোটকেন্দ্রের প্রত্যেক ভোটকক্ষে ব্যালট পেপার চিহ্নিত করিবার জন্য এইরূপে প্রয়োজনীয় এক বা একাধিক স্থানের ব্যবস্থা করিবেন যাহাতে প্রত্যেক ভোটার ব্যালট পেপার ভাঁজ করিয়া ব্যালট বাক্সে প্রবেশ করাইবার পূর্বে গোপনে উহা চিহ্নিত করিতে সমর্থ হন।

২৯। ব্যালট পেপার ফরম।—(১) মেয়র নির্বাচনের উদ্দেশ্যে ভোট চিহ্নিত করিবার জন্য প্রতিদ্বন্দ্বী প্রার্থীগণের নাম ও প্রতীকসহ ফরম 'ছ' তে ব্যালট পেপার ছাপাইতে হইবে এবং উহাতে তফসিল ২ এ উল্লিখিত সকল প্রতীক এবং বিধি ১৮ এর উপ-বিধি (৩) এর অধীন নির্বাচন কমিশন কোনও প্রতীক যোগ করিলে উহাও উক্ত ফরমে ছাপাইতে হইবে।

(২) সংরক্ষিত আসনের কাউন্সিলর নির্বাচনের উদ্দেশ্যে ভোট চিহ্নিত করিবার জন্য প্রতিদ্বন্দ্বী প্রার্থীগণের নাম ও প্রতীকসহ ব্যালট পেপার ফরম 'ছ-১' এ ছাপাইতে হইবে এবং উহাতে তফসিল-৩ এ উল্লিখিত সকল প্রতীক এবং বিধি ১৯ এর উপ-বিধি (৩) এর অধীন নির্বাচন কমিশন কোনও প্রতীক যোগ করিলে উহাও উক্ত ফরমে ছাপাইতে হইবে।

(৩) সাধারণ আসনের কাউন্সিলর নির্বাচনের উদ্দেশ্যে ভোট চিহ্নিত করিবার জন্য প্রতিদ্বন্দ্বী প্রার্থীগণের নাম ও প্রতীকসহ ব্যালট পেপার ফরম 'ছ-২' এ ছাপাইতে হইবে এবং উহাতে তফসিল ৪ এ উল্লিখিত সকল প্রতীক এবং বিধি ১৯ এর উপবিধি (৩) এর অধীন নির্বাচন কমিশন কোনও প্রতীক যোগ করিলে উহাও উক্ত ফরমে ছাপাইতে হইবে।

(৪) যদি একাধিক প্রতিদ্বন্দ্বী প্রার্থীর নাম একই হয়, তাহা হইলে ব্যালট পেপারে উক্ত প্রার্থীগণের নামের সহিত তাহাদের পিতার নাম উল্লেখ করিতে হইবে।

(৫) ভিন্ন ভিন্ন রঙের কাগজে ফরম 'ছ', ফরম 'ছ-১' এবং ফরম 'ছ-২' ছাপাইতে হইবে।

৩০। ভোটকেন্দ্রে ভোটারদের প্রবেশ নিয়ন্ত্রণে প্রিজাইডিং অফিসারের ক্ষমতা।—(১) প্রিজাইডিং অফিসার, নির্বাচন কমিশনের নির্দেশ সাপেক্ষে, এক সঙ্গে কতজন ভোটার একটি ভোটকক্ষে প্রবেশ করিতে পারিবেন তাহা নির্ধারণ করিবেন এবং উক্তরূপে অনুমোদিত ভোটার ও নিম্নবর্ণিত ব্যক্তিগণ ব্যতীত অন্য সকলকে উক্ত ভোটকক্ষ হইতে বাহির করিয়া দিবেন, যথা:—

(ক) নির্বাচনে কর্তব্যরত কোনও ব্যক্তি;

(খ) প্রতিদ্বন্দ্বী প্রার্থীগণ, তাহাদের নির্বাচনী এজেন্ট ও প্রত্যেক ভোটকক্ষের জন্য প্রত্যেক প্রতিদ্বন্দ্বী প্রার্থীর একজন করিয়া পোলিং এজেন্ট;

(গ) রিটার্নিং অফিসার কর্তৃক বিশেষভাবে অনুমতিপ্রাপ্ত অন্য কোনও ব্যক্তি;

(ঘ) নির্বাচন কমিশন কর্তৃক অনুমোদিত নির্বাচনী পর্যবেক্ষক; এবং

(ঙ) নির্বাচন কমিশন কর্তৃক অনুমতিপ্রাপ্ত যে কোনও কর্মকর্তা।

(২) প্রিজাইডিং অফিসার, উপবিধি (১) এর অধীন অনুমোদিত ভোটারের সংখ্যা নির্ধারণের ক্ষেত্রে, একসঙ্গে যতজন ভোটারকে একটি ভোটকক্ষে প্রবেশ করিতে দেওয়া সুবিধাজনক বলিয়া বিবেচনা করিবেন ততজন ভোটারকে একসঙ্গে ভোটকক্ষে প্রবেশ করিতে দিতে পারিবেন:

তবে শর্ত থাকে যে, ভোটচিহ্ন প্রদানকক্ষে একাধিক ভোটারকে একসঙ্গে প্রবেশ করিতে দেওয়া যাইবে না এবং প্রিজাইডিং অফিসার ভোটদানের গোপনীয়তা নিশ্চিত করিবেন।

(৩) প্রতিদ্বন্দ্বী প্রার্থী বা নির্বাচনী এজেন্ট বা পোলিং এজেন্ট বা পোলিং এজেন্টকে তাহার নিজের ভোট প্রদানের উদ্দেশ্যে ব্যতীত অন্য কোনও উদ্দেশ্যে ভোটচিহ্ন প্রদান কক্ষে প্রবেশ করিতে দেওয়া যাইবে না।

(৪) প্রিজাইডিং অফিসারের নির্দেশ অনুযায়ী আইন শৃঙ্খলা রক্ষাকারী সংস্থার সদস্যগণ প্রত্যেক ভোটকেন্দ্রের ভিতরে বা বাহিরে কর্তব্যরত থাকিবেন এবং ভোটারগণের ভোট কেন্দ্রে যাতায়াত ত্বরান্বিতকরণ ও নিয়ন্ত্রণ এবং ভোট কেন্দ্রের ভিতরে ও বাহিরে শৃঙ্খলা রক্ষার ব্যাপারে সাহায্য করিবেন।

৩১। ভোট কেন্দ্রের শৃঙ্খলা রক্ষা।-(১) কোনও ব্যক্তি ভোট কেন্দ্রে অসদাচরণ করিলে অথবা প্রিজাইডিং অফিসারের কোনও আইনসম্মত আদেশ পালনে ব্যর্থ হইলে উক্ত ব্যক্তিকে, প্রিজাইডিং অফিসারের আদেশক্রমে, কোনও পুলিশ কর্মকর্তা বা প্রিজাইডিং অফিসার কর্তৃক ক্ষমতাপ্রাপ্ত অন্য কোনও ব্যক্তি ভোট কেন্দ্র হইতে অপসারণ করিতে পারিবে এবং এইরূপে অপসারিত ব্যক্তি প্রিজাইডিং অফিসারের অনুমতি ব্যতীত ঐদিন পুনরায় ভোট কেন্দ্রে প্রবেশ করিতে পারিবে না।

(২) উপ-বিধি (১) এর অধীন অপসারিত কোনও ব্যক্তি যদি ভোট কেন্দ্রে কোনও অপরাধে অভিযুক্ত হইয়া থাকেন, তাহা হইলে তাহার বিরুদ্ধে বিনা পরোয়ানায় গ্রেপ্তারকৃত ব্যক্তির ক্ষেত্রে যেরূপ ব্যবস্থা গ্রহণ করা হয় সেইরূপ ব্যবস্থা গ্রহণ করিতে হইবে।

(৩) এই বিধিতে যাহা কিছুই থাকুক না কেন, ভোট কেন্দ্রে ভোটদানের অধিকারী কোনও ব্যক্তিকে তাহার ভোটদানের সুযোগ হইতে বঞ্চিত করা যাইবে না।

৩২। ভোটার সম্পর্কে আপত্তি।-(১) প্রতিদ্বন্দ্বী প্রার্থীগণ বা তাহাদের নির্বাচনী এজেন্ট বা তাহাদের পোলিং এজেন্টগণ ভোটগ্রহণের বেঞ্চেতে কোনও ভোটারকে লক্ষ করিয়া বা তাহাকে উদ্দেশ্য করিয়া ভোট প্রদানে প্ররোচণামূলক কোনও বক্তব্য প্রদান করিতে পারিবে না; তবে তাহারা নিম্নবর্ণিত কোনও কারণে কোনও ভোটার সম্পর্কে প্রিজাইডিং অফিসারের নিকট আপত্তি দাখিল করিতে পারিবেন, যথা:--

(ক) যে ওয়ার্ডের নির্বাচন অনুষ্ঠিত হইতেছে সেই ওয়ার্ডের ভোটার তালিকায় উক্ত ভোটারের নাম নেই; বা

(খ) যে তালিকায় ভোটার হিসাবে উক্ত ব্যক্তির নাম রহিয়াছে বলিয়া তিনি দাবি করিতেছেন, তাহা মিথ্যা; বা

(গ) উক্ত ভোটার পূর্বে ভোট প্রদান করিয়াছেন।

(২) প্রিজাইডিং অফিসার উপ-বিধি (১) এর অধীন আপত্তির শুনানী গ্রহণ করিয়া উহার উপর সিদ্ধান্ত প্রদান করিবেন। এবং উক্তরূপ সিদ্ধান্তই চূড়ান্ত হইবে।

৩৩। ভোটপ্রদানের স্থান ও ভোটার কর্তৃক প্রদেয় ভোট সংখ্যা।-- একজন ব্যক্তি যে ওয়ার্ডের ভোটার, তিনি কেবল সেই ওয়ার্ডের জন্য নির্ধারিত ভোট কেন্দ্রে নিম্নবর্ণিত সংখ্যক ভোট প্রদান করিতে পারিবেন, যথা:--

(ক) মেয়র নির্বাচনের উদ্দেশ্যে একজন প্রতিদ্বন্দ্বী প্রার্থীকে একটি ভোট;

(খ) সংরক্ষিত আসনের কাউন্সিলর নির্বাচনের উদ্দেশ্যে একজন প্রতিদ্বন্দ্বী প্রার্থীকে একটি ভোট; এবং

(গ) সাধারণ আসনের কাউন্সিলর নির্বাচনের উদ্দেশ্যে একজন প্রতিদ্বন্দ্বী প্রার্থীকে একটি ভোট।

৩৪। ভোটপ্রদান পদ্ধতি।-(১) ভোট প্রদানের জন্য কোনও ভোটার ভোট কেন্দ্রে উপস্থিত হইলে, প্রিজাইডিং অফিসার উক্ত ভোটারের পরিচয় সম্পর্কে নিশ্চিত হইবার পর, উক্ত ভোটারকে মেয়র নির্বাচনের জন্য একটি, সংরক্ষিত আসনের কাউন্সিলর নির্বাচনের জন্য একটি এবং সাধারণ আসনের কাউন্সিলর নির্বাচনের জন্য একটি ব্যালট পেপার প্রদান করিবেন।

(২) উপ-বিধি (১) এর অধীন কোনও ভোটারকে ব্যালট পেপার প্রদানের পূর্বে--

(ক) তাহার হাতের বৃদ্ধাঙ্গুলিতে বা অন্য কোনও অঙ্গুলিতে অমোচনীয় কালি দ্বারা একটি চিহ্ন প্রদান করিতে হইবে;

(খ) ভোটার তালিকায় লিপিবদ্ধ ভোটারের ক্রমিক নম্বর এবং নাম ধরিয়া ডাকিতে হইবে;

(গ) ব্যালট পেপারের পিছনে সরকারী সীলমোহর এবং প্রদানকারী অফিসারের অনুস্বাক্ষর নিশ্চিত করিতে হইবে।

(৩) কোনও ভোটারকে ব্যালট পেপার প্রদান করা হইলে, সংশ্লিষ্ট ভোটারের ভোটার নম্বরের শেষ ছয়টি সংখ্যা ও নাম চিহ্নিত করিয়া রাখিতে হইবে।

(৪) প্রিজাইডিং অফিসার ব্যালট পেপারের মুড়িপেত্রে ভোটারের স্বাক্ষর বা টিপসহি গ্রহণ করিয়া ভোটারের ক্রমিক নম্বর লিখিয়া রাখিবেন এবং উহাতে সরকারী সীলমোহন প্রদান করিবেন।

(৫) ভোটগ্রহণ শুরু না হওয়া পর্যন্ত সরকারী সীলমোহর গোপন রাখিতে হইবে।

(৬) যদি কোনও ভোটার অমোচনীয় কালির দ্বারা ব্যক্তিগত চিহ্ন গ্রহণ করিতে অস্বীকার করেন অথবা পূর্ব হইতে তাহার অঙ্গুলিতে অনুরূপ চিহ্ন থাকে বা অনুরূপ চিহ্নের অবশিষ্টাংশ থাকে, তাহা হইলে সেই ভোটারকে কোনও ব্যালট পেপার প্রদান করা হইবে না।

(৭) ব্যালট পেপার প্রাপ্তির পর, একজন ভোটার--

(ক) অবিলম্বে ভোটচিহ্ন প্রদান কক্ষে যাইবেন;

(খ) তিনি যে প্রতিদ্বন্দ্বী প্রার্থীকে ভোট প্রদান করিতে চাহেন সেই প্রার্থীর প্রতীক সম্বলিত ব্যালট পেপারের সংশ্লিষ্ট স্থানটি প্রিজাইডিং অফিসার কর্তৃক এতদুদ্দেশ্যে সরবরাহকৃত চৌকোণবিশিষ্ট একটি সীলমোহর দ্বারা চিহ্নিত করিবেন; এবং
(গ) অনুরূপভাবে প্রতিটি ব্যালট পেপার চিহ্নিত করিবার পর উহা ভাঁজ করিয়া ব্যালট বাক্সে প্রবেশ করাইবেন।

(৮) প্রত্যেক ভোটার অযৌক্তিক বিলম্ব না করিয়া ভোট প্রদান করিবেন এবং তাহার ব্যালট পেপার ব্যালট বাক্সে প্রবেশ করাইবার পর অবিলম্বে ভোট কেন্দ্র ত্যাগ করিবেন।

(৯) যদি কোনও ভোটার দৃষ্টি প্রতিবন্ধী অথবা অন্যভাবে এইরূপ অক্ষম হন যে, তিনি অন্য কোনও ব্যক্তির সহায়তা ব্যতিরেকে ভোট প্রদান করিতে পারিবেন না, তাহা হইলে প্রিজাইডিং অফিসার তাহাকে কোনও ব্যক্তির সহায়তা গ্রহণের অনুমতি প্রদান করিবেন এবং উক্ত ভোটার উক্ত সহায়তা প্রদানকারী ব্যক্তির সাহায্যে এই বিধিমালার অধীন ভোট প্রদান করিবেন।

৩৫। আপত্তিকৃত ব্যালট পেপার।— (১) কোনও ব্যক্তি ভোট প্রদানের উদ্দেশ্যে ব্যালট পেপার চাহিবার সময় যদি প্রতিদ্বন্দ্বী প্রার্থী বা তাহার নির্বাচনী এজেন্ট বা পোলিং এজেন্ট বা প্রিজাইডিং অফিসারের নিকট এই মর্মে অভিযোগ করেন যে, উক্ত ব্যক্তি অন্যের নাম ধারণ করিয়াছেন এবং উক্ত অভিযোগ আদালতে প্রমাণ করিতে অস্বীকারাবদ্ধ হন, তাহা হইলে প্রিজাইডিং অফিসার উক্ত ব্যক্তিকে অন্যের নাম ধারণের ফলাফল সম্পর্কে সতর্ক করিয়া এবং ব্যালট পেপারের মুড়িপত্রে তাহার স্বাক্ষর বা বৃদ্ধাঙ্গুলির টিপসহি গ্রহণ করিয়া তাহাকে একটি ব্যালট পেপার প্রদান করিবেন।

(২) উপ-বিধি (১) এর অধীন উত্থাপিত প্রতিটি অভিযোগ প্রার্থী বা তাহার নির্বাচনী এজেন্ট বা পোলিং এজেন্ট, প্রিজাইডিং অফিসারের নিকট একশত টাকা ফিস প্রদান সাপেক্ষে দাখিল করিবেন।

(৩) প্রিজাইডিং অফিসার উপ-বিধি (১) এর অধীন কোনও ব্যক্তিকে ব্যালট পেপার প্রদান করিবার সময় উক্ত ব্যক্তির নাম ও ঠিকানা তদকর্তৃক ফরম “জ”-তে প্রস্তুতকৃত তালিকায় (অতঃপর আপত্তিকৃত ভোটসমূহের তালিকা বলিয়া উল্লিখিত) লিপিবদ্ধ করিবেন এবং উহার উপর উক্ত ব্যক্তির স্বাক্ষর বা টিপসহি গ্রহণ করিবেন।

(৪) উপ-বিধি (১) এর অধীন প্রদত্ত ব্যালট পেপারে ভোটার কর্তৃক চিহ্নিত এবং ভাঁজ করিবার পর উহা একই অবস্থায় কোনও ব্যালট বাক্সে রাখিবার পরিবর্তে আপত্তিকৃত ব্যালট পেপারে লেবেলযুক্ত একটি পৃথক প্যাকেট রাখিতে হইবে।

(৫) প্রিজাইডিং অফিসার উপ-বিধি (২) এর অধীন প্রাপ্ত ফিস রিটার্নিং অফিসারের নিকট জমা দিবেন এবং রিটার্নিং অফিসার উহা সরকারী ট্রেজারি বা সাব-ট্রেজারিতে অথবা সোনালী ব্যাংকের কোনও শাখায় সংশ্লিষ্ট খাতে জমা দিবেন।

৩৬। নষ্ট ও বাতিলকৃত ব্যালট পেপার।— (১) যদি কোনও ভোটার অসাবধানতাবশত তাহার ব্যালট পেপার এইরূপভাবে ব্যবহার করেন যে, উহা ব্যালট পেপার হিসাবে আর ব্যবহার করা সম্ভব নহে, তাহা হইলে তিনি উক্ত নষ্ট ব্যালট পেপারের পরিবর্তে প্রিজাইডিং অফিসারের নিকট অন্য একটি ব্যালট পেপারের জন্য আবেদন করিতে পারিবেন এবং প্রিজাইডিং অফিসার উক্ত অসাবধানতার বিষয় সম্পর্কে সন্তুষ্ট হইলে, উক্ত নষ্ট ব্যালট পেপারের পরিবর্তে উক্ত ভোটারকে অপর একটি ব্যালট পেপার প্রদান করিবার জন্য সহকারী প্রিজাইডিং অফিসার, বা পোলিং অফিসারকে আদেশ প্রদান করিবেন এবং প্রিজাইডিং অফিসার উক্ত নষ্ট ব্যালট পেপার স্বাক্ষর করিয়া বাতিল করিবেন।

(২) যদি কোনও ভোটার ব্যালট পেপার পাইবার পর উহা ব্যবহার না করেন, তাহা হইলে তিনি উহা প্রিজাইডিং অফিসারের নিকট ফেরত দিবেন এবং প্রিজাইডিং অফিসার উহা তাহার স্বীয় স্বাক্ষরে বাতিল করিবেন।

(৩) কোনও ভোটারকে ব্যালট পেপার প্রদান করিবার পর যদি তিনি উহা ব্যালট বাক্সে প্রবেশ না করান এবং যদি উহা ভোট কেন্দ্রের কোনও স্থানে অথবা উহার সন্নিহিতে নষ্ট অবস্থায় পাওয়া যায়, তাহা হইলে প্রিজাইডিং অফিসারের স্বাক্ষরে উহা বাতিল করিতে হইবে।

(৪) প্রিজাইডিং অফিসার সকল নষ্ট এবং বাতিলকৃত ব্যালট পেপার সীলমোহরকৃত প্যাকেটে রাখিবেন এবং এইরূপ প্যাকেটে, মেয়র, সংরক্ষিত আসনের কাউন্সিলর ও সাধারণ আসনের কাউন্সিলর নির্বাচনের জন্য, প্রয়োজনীয় ক্ষেত্রে, ওয়ার্ড নম্বরসহ, ভিন্ন ভিন্নভাবে নষ্ট ও বাতিলকৃত ব্যালট পেপারের সংখ্যা অংক ও কথায় লিপিবদ্ধ করিবেন।

৩৭। ভোটগ্রহণের সময় সমাপ্ত হইবার পর ভোট প্রদান।— ভোটগ্রহণের জন্য নির্ধারিত সময় অতিক্রান্ত হইবার পর যে ইমারত, কক্ষ, তাঁবু বা বেষ্টিত মঞ্চে ভোট কেন্দ্র অবস্থিত সেই ইমারত, কক্ষ তাঁবু বা বেষ্টিত মঞ্চের ভিতর উপস্থিত ব্যক্তিগণ, যাহারা ভোট প্রদান করেন নাই অথচ ভোট প্রদানের জন্য অপেক্ষা করিতেছেন তাহারা ব্যতিত অন্য, কোনও ব্যক্তিকে ব্যালট পেপার প্রদান করা অথবা ভোট প্রদানের অনুমতি দেওয়া যাইবে না।

৩৮। কতিপয় পরিস্থিতিতে প্রিজাইডিং অফিসার কর্তৃক নির্বাচন বন্ধ রাখিবার ক্ষমতা।— (১) নিম্নলিখিত পরিস্থিতিতে কোনও ভোট কেন্দ্রের প্রিজাইডিং অফিসার উক্ত কেন্দ্রে ভোট গ্রহণ বন্ধ করিয়া উহা রিটার্নিং অফিসারকে অবগত করাইবেন, যথা:—

- (ক) প্রিজাইডিং অফিসারের নিয়ন্ত্রণ বহির্ভূত কোনও কারণে ভোট গ্রহণ এমনভাবে বাধ্যগ্ৰস্ত বা ব্যাহত হয় যে, উহা বিধি ২৭ এর অধীন ধার্যকৃত ভোটগ্রহণের সময় পুনরায় আরম্ভ করা সম্ভব নহে; বা
- (খ) ভোট কেন্দ্রে ব্যবহৃত কোনও ব্যালট বাক্স প্রিজাইডিং অফিসারের হেফাজত হইতে বেআইনীভাবে অপসারণ করা হইলে বা দুর্ঘটনাক্রমে ক্ষতিগ্রস্ত হইলে বা ইচ্ছাকৃতভাবে নষ্ট করা হইলে বা হারাইয়া গেলে বা এই পরিমাণ হস্তক্ষেপ করা হইলে যে, সেই ভোট কেন্দ্রের ভোটের ফলাফল নির্ধারণ করা যাইবে না।

(২) উপ-বিধি (১) এর অধীন ভোটগ্রহণ বন্ধ করিয়া দেওয়া হইলে, রিটার্নিং অফিসার অবিলম্বে উক্ত ঘটনা সম্পর্কে নির্বাচন কমিশনকে অবহিত করিবেন এবং নির্বাচন কমিশন উক্ত ভোট কেন্দ্রে নূতনভাবে ভোট গ্রহণের নির্দেশ দিবে, যদি না কমিশন এই মর্মে সন্তুষ্ট হয় যে, একই নির্বাচনী এলাকার অন্যান্য ভোট কেন্দ্রের ভোটের ফলাফলের দ্বারা ভোট কেন্দ্রটির নির্বাচনের ফলাফল নির্ধারিত হইয়া গিয়াছে।

(৩) যেক্ষেত্রে নির্বাচন কমিশন উপ-বিধি (২) এর অধীন ভোট গ্রহণের আদেশ প্রদান করে, সেইক্ষেত্রে রিটার্নিং অফিসার, নির্বাচন কমিশনের অনুমোদনক্রমে, -

(ক) নূতন ভোটগ্রহণের জন্য একটি তারিখ নির্ধারণ করিবেন এবং কোন স্থানে বা কোন সময়ের মধ্যে এইরূপ নূতন ভোট গ্রহণ করা হইবে তাহা স্থির করিবেন; এবং

(গ) এইরূপে নির্ধারিত তারিখ এবং স্থিরকৃত স্থান ও সময় সম্পর্কে গণবিজ্ঞপ্তি জারী করিবেন।

(৪) উপ-বিধি (৩) এর অধীন নূতন ভোট প্রদানের ক্ষেত্রে, ভোট প্রদানের অধিকারী সকল ভোটারকে ভোট প্রদানের সুযোগ দিতে হইবে এবং উপ-বিধি (১) এর অধীন বন্ধকৃত ভোটের সময় প্রদত্ত কোনও ভোট গণনা করা যাইবে না এবং এই বিধিমালার বিধানাবলী অনুরূপ নূতন ভোট প্রদানের ক্ষেত্রে প্রযোজ্য হইবে।

৩৯। ভোটগ্রহণ সমাপ্তির পর করণীয়।-(১) ভোট কেন্দ্রে ভোট গ্রহণ সমাপ্ত হইবার পর, প্রতিদ্বন্দ্বী প্রার্থীগণ বা তাহাদের নির্বাচনী এজেন্ট বা পোলিং এজেন্ট উপস্থিত থাকিলে তাহাদের সম্মুখে প্রিজাইডিং অফিসার পরীক্ষা করিয়া নিশ্চিত হইবেন যে, ব্যালট বাক্স বা ব্যালট বাক্সসমূহ বিধি ২৮ এর উপ-বিধি (৩) এর দফা (গ) তে বর্ণিত বিধান মতে যেভাবে বন্ধ করা হইয়াছিলো সেই অবস্থায় অক্ষত রহিয়াছে এবং এইরূপে নিশ্চিত হইবার পর প্রিজাইডিং অফিসার ব্যবহৃত ব্যালট বাক্স বা বাক্সসমূহের মধ্য হইতে সকল ব্যালট পেপার বাহির করিয়া লইবেন।

(২) প্রিজাইডিং অফিসার ব্যবহৃত ব্যালট বাক্স বা বাক্সসমূহ হইতে ব্যালট পেপার বাহির করিয়া, -

(ক) মেয়র, সংরক্ষিত আসন এবং সাধারণ আসনের সংশ্লিষ্ট ওয়ার্ডের কাউন্সিলর নির্বাচনের ব্যালট পেপারগুলি পৃথক করিবেন; এবং

(খ) প্রতিদ্বন্দ্বী প্রার্থীগণের পক্ষে সুস্পষ্টভাবে ভোট প্রদানের চিহ্নবিশিষ্ট ব্যালট পেপারসমূহ নিম্নবর্ণিত ত্রুটিযুক্ত অবৈধ ব্যালট পেপার হইতে পৃথক করিবেন, যথা :-

(অ) সরকারী সীলমোহর বা প্রদানকারী অফিসারের অনুস্বাক্ষরবিহীন ব্যালট পেপার; বা

(আ) প্রদানকারী অফিসারের অনুস্বাক্ষর ব্যতীত অন্য কোনও লিখন আছে অথবা সরকারী সীলমোহর বা ভোট প্রদানের চিহ্ন ব্যতীত অন্য কোনও চিহ্ন আছে অথবা কাগজের টুকরা বা যে কোনও প্রকারের বস্তু সংযোজিত আছে এইরূপ ব্যালট পেপার; বা

(ই) কোনও প্রতিদ্বন্দ্বী প্রার্থীকে ভোট প্রদানের চিহ্নবিহীন ব্যালট পেপার; বা

(ঈ) কোনও প্রতিদ্বন্দ্বী প্রার্থীর পক্ষে একাধিক ভোট প্রদানের চিহ্ন আছে এইরূপ ব্যালট পেপার; বা

(উ) এইরূপ চিহ্নযুক্ত ব্যালট পেপার পৃথক করিবেন যাহা হইতে ইহা স্পষ্ট নয় যে কাহার অনুকূলে ভোট প্রদান করা হইয়াছে;

তবে শর্ত থাকে যে, কোনও প্রতিদ্বন্দ্বী প্রার্থীর অনুকূলে ভোটচিহ্ন প্রদত্ত হইয়াছে বলিয়া গণ্য হইবে, যদি দেখা যায় যে, ভোট চিহ্নটির অর্ধাংশের বেশি উক্ত প্রার্থীর প্রতীক সম্বলিত স্থানের মধ্যে সমান দুইভাগে বিভক্ত হয়, সেইক্ষেত্রে উক্ত ব্যালট পেপার বাতিল ব্যালট পেপার হিসাবে গণ্য হইবে।

(৩) উপ-বিধি (২) অনুসারে কার্যক্রম গ্রহণের পর প্রিজাইডিং অফিসার “আপত্তিকৃত ব্যালট পেপার” নামাঙ্কিত প্যাকেট খুলিবেন এবং-

(ক) মেয়র, সংরক্ষিত আসনের কোন ওয়ার্ডের কাউন্সিলর এবং সাধারণ আসনের কোন ওয়ার্ডের কাউন্সিলর নির্বাচনের জন্য ভোট চিহ্ন প্রদত্ত ব্যালট পেপারগুলি পৃথক করিবেন; এবং

(খ) উপ-বিধি (২) এর দফা (খ) এর উপ-দফা (অ) হইতে (উ) তে বর্ণিত ত্রুটিযুক্ত ব্যালট পেপারগুলি পৃথক করিবেন; এবং

৪০। ভোট গণনা।-(১) প্রিজাইডিং অফিসার, বিধি ৩৯ এর বিধান অনুযায়ী ব্যালট পেপারসমূহ যাচাই বাছাই করিবার পর, প্রতিদ্বন্দ্বী প্রার্থীগণ অথবা তাহাদের নির্বাচনী এজেন্ট অথবা পোলিং এজেন্ট উপস্থিত থাকিলে, তাহাদের উপস্থিতিতে, -

(ক) প্রত্যেক প্রতিদ্বন্দ্বী প্রার্থীর পক্ষে প্রদত্ত বৈধ সকল ভোট পৃথকভাবে গণনা করিবেন এবং উক্ত “আপত্তিকৃত ব্যালট পেপার” নামাঙ্কিত প্যাকেটে রক্ষিত ব্যালট পেপারে যে সকল ভোট উক্ত প্রার্থীর বরাবরে প্রদত্ত হইয়াছে তাহা প্রথমোক্ত ভোটের অন্তর্ভুক্ত করিবেন;

(খ) মেয়রের জন্য ফরম “এ৩”-তে সংরক্ষিত আসনের কাউন্সিলরের জন্য ফরম “এ৩-১”-তে এবং সাধারণ আসনের কাউন্সিলরের জন্য ফরম “এ৩-২”-তে গণনার বিবরণী প্রস্তুত করিবেন;

(গ) মেয়র, সংরক্ষিত আসনের কাউন্সিলর এবং সাধারণ আসনের কাউন্সিলর নির্বাচনের উদ্দেশ্যে যে সকল ব্যালট পেপার বৈধ ভোট এবং অবৈধ ভোট হিসাবে চিহ্নিত হইয়াছে, সেইসকল ব্যালট পেপারসমূহ প্রত্যেক ক্ষেত্রে দুইটি করিয়া মোট ছয়টি আলাদা প্যাকেটে রাখিবেন এবং উক্ত প্যাকেটসমূহের প্রত্যেকটিতে ভোট কেন্দ্রের নামসহ প্যাকেট রক্ষিত ব্যালট পেপারের সংখ্যা ও প্রকৃতি লিপিবদ্ধ করিবেন, অতঃপর এই প্যাকেট ছয়টিকে “.....ভোট কেন্দ্রের আপত্তিকৃত ব্যালট পেপার ” নামাঙ্কিত একটি প্রধান প্যাকেট রাখিয়া উহা সীলমোহরকৃত করিবেন; এবং

(ঘ) দফা (খ) এর অধীন প্রস্তুতকৃত বিবরণীসমূহ, “আপত্তিকৃত ব্যালট পেপার” নামাঙ্কিত প্যাকেট এবং অন্যান্য কাগজপত্র ও দ্রব্যাদিসহ বিধি ৪১ এর বিধান অনুসারে রিটার্নিং অফিসারের নিকট প্রেরণ করিবেন।

(২) প্রিজাইডিং অফিসার নিম্নলিখিত ক্ষেত্রে পুনরায় ভোট গণনা করিতে পারিবেন-

(ক) প্রয়োজন মনে করিলে স্থায়ী উদ্যোগে; বা

(খ) কোনও প্রতিদ্বন্দ্বী প্রার্থীর বা নির্বাচনী এজেন্টের সুনির্দিষ্ট লিখিত আবেদনের প্রেক্ষিতে, যদি তাহার নিকট আবেদনটি যুক্তিযুক্ত বলে মনে হয়।

(৩) প্রিজাইডিং অফিসার, প্রতিদ্বন্দ্বী প্রার্থীগণ অথবা তাহাদের নির্বাচনী এজেন্ট বা পোলিং এজেন্ট দাবী করলে, উপ-বিধি (১) এর দফা (ক) এর অধীন প্রস্তুতকৃত গণনার বিবরণীর সত্যায়িত অনুলিপি তাহাদিগকে প্রদান করিবেন।

৪১। প্যাকেটে রক্ষণীয় কাগজপত্র, ইত্যাদি। - (১) প্রিজাইডিং অফিসার-

(ক) প্রত্যেক প্রতিদ্বন্দ্বী প্রার্থীর অনুকূলে প্রদত্ত বৈধ ভোটগুলি পৃথক প্যাকেটে সংরক্ষণ করিবেন;

(খ) দফা (ক)-তে উল্লিখিত প্রতিটি প্যাকেট সীলমোহর করিয়া মুখ বন্ধ করিবেন এবং প্রতিটি প্যাকেটে রক্ষিত বৈধ ভোটের সংখ্যা এবং যে প্রার্থীর অনুকূলে ভোট প্রদত্ত হইয়াছে তাহার নাম ও নির্বাচনী প্রতীকের বিবরণী প্যাকেটের উপর লিপিবদ্ধ করিয়া স্বাক্ষর করিবেন;

(গ) মেয়র পদের জন্য প্রত্যেক প্রতিদ্বন্দ্বী প্রার্থীর অনুকূলে প্রদত্ত বৈধ ভোট সম্বলিত প্যাকেটগুলি একটি প্রধান প্যাকেটে সংরক্ষণ করিবেন;

(ঘ) সংরক্ষিত আসনের কাউন্সিলর পদের জন্য প্রত্যেক প্রতিদ্বন্দ্বী প্রার্থীর অনুকূলে প্রদত্ত বৈধ ভোট সম্বলিত প্যাকেটগুলি অন্য একটি প্রধান প্যাকেটে সংরক্ষণ করিবেন;

(ঙ) সাধারণ আসনের কাউন্সিলর পদের জন্য প্রত্যেক প্রতিদ্বন্দ্বী প্রার্থীর অনুকূলে প্রদত্ত বৈধ ভোট সম্বলিত প্যাকেটগুলি অন্য একটি প্রধান প্যাকেটে সংরক্ষণ করিবেন;

(চ) দফা (গ), (ঘ) এবং (ঙ) -তে বর্ণিত প্রধান প্যাকেটগুলি সরকারী সীলমোহর দ্বারা বন্ধ করিবেন এবং উহাতে রক্ষিত ছোট প্যাকেটের সংখ্যা নির্দেশ করিয়া প্রধান প্যাকেটের উপরে স্বাক্ষর করিবেন।

(২) প্রিজাইডিং অফিসার মেয়র, সংরক্ষিত আসনের কাউন্সিলর এবং সাধারণ আসনের কাউন্সিলর পদে নির্বাচনের উদ্দেশ্যে যে সকল অবৈধ ব্যালট পেপার গণনা করা হয় নাই সেইগুলি পৃথক প্যাকেটে সংরক্ষণ করিবেন এবং প্যাকেটের উপরে উক্ত পদের নাম ও ব্যালট পেপারের সংখ্যা লিপিবদ্ধ করিবেন এবং সরকারী সীলমোহর দ্বারা বন্ধ করিয়া উহার উপর স্বাক্ষর করিবেন।

(৩) প্রিজাইডিং অফিসার নিম্নবর্ণিত কাগজপত্র ও দ্রব্যাদি পৃথক প্যাকেটে রাখিয়া উক্ত কাগজপত্র ও দ্রব্যাদির বিবরণ লিপিবদ্ধ করিবেন ও প্যাকেটগুলি সীলমোহর করিবেন, যথা:-

(ক) ইস্যুকৃত নহে এরূপ ব্যালট পেপারসমূহ (মুড়িপত্রসহ);

(খ) আপত্তিকৃত ব্যালট পেপারসমূহ;

(গ) নষ্ট এবং বাতিলকৃত ব্যালট পেপারসমূহ;

(ঘ) চিহ্ন প্রদত্ত ভোটের তালিকার অনুলিপি সমূহ;

(ঙ) ইস্যুকৃত ব্যালট পেপারের মুড়িপত্রসমূহ;

(চ) আপত্তিকৃত ভোটের তালিকা;

- (ছ) সরকারী সীলমোহর, ভোট মার্কিং সীল ও ব্রাস সীল ; এবং
(জ) রিটার্নিং অফিসারের নির্দেশ অনুসারে অন্যান্য কাগজপত্র ও দ্রব্যাদি ।

(৪) প্রিজাইডিং অফিসার, মেয়র নির্বাচনের ক্ষেত্রে ফরম “ট” এ, সংরক্ষিত আসনের কাউন্সিলর নির্বাচনের ক্ষেত্রে ফরম “ট-১” এ এবং সাধারণ আসনের কাউন্সিলর নির্বাচনের ক্ষেত্রে ফরম “ট-২” এ পৃথক ব্যালট পেপারের পৃথক হিসাবে প্রস্তুত করিবেন ।

(৫) প্রিজাইডিং অফিসার এই বিধির অধীন তদকর্তৃক সীলমোহরকৃত ও স্বাক্ষরিত প্রতিটি বিবরণী এবং প্যাকেটের উপর প্রতিদ্বন্দ্বী প্রার্থী বা নির্বাচনী এজেন্ট বা পোলিং এজেন্ট, যদি তাহারা উপস্থিত থাকেন ও স্বাক্ষর করিতে সম্মত হন, এর স্বাক্ষর গ্রহণ করিবেন ।

(৬) প্রিজাইডিং অফিসার এই বিধির অধীন তদকর্তৃক প্রস্তুতকৃত প্যাকেটসমূহে ভোট গণনার বিবরণী, ব্যালট পেপারের হিসাব এবং তদকর্তৃক গৃহীত অন্যান্য রেকর্ড ও দ্রব্যাদি অবিলম্বে রিটার্নিং অফিসারের নিকট প্রেরণ করিবেন ।

৪২। ফলাফল একত্রীকরণের নোটিশ, ভোটের সমতার ক্ষেত্রে পুনঃভোট ইত্যাদি।— (১) রিটার্নিং অফিসার ফলাফল একত্রীকরণের উদ্দেশ্যে তারিখ, সময় এবং স্থান উল্লেখপূর্বক তদনুসারে প্রতিদ্বন্দ্বী প্রার্থী এবং তাহাদের নির্বাচনী এজেন্টগণকে উপস্থিত থাকিবার লক্ষ্যে একটি লিখিত নোটিশ দিবেন এবং উপস্থিত প্রতিদ্বন্দ্বী প্রার্থী এবং নির্বাচনী এজেন্টগণের সম্মুখে, নির্ধারিত পদ্ধতিতে, প্রিজাইডিং অফিসার কর্তৃক প্রেরিত গণনার ফলাফল একত্রীকরণ করিবেন ।

(২) ফলাফল একত্রীকরণ করিবার পূর্বে, রিটার্নিং অফিসার, প্রিজাইডিং অফিসার কর্তৃক গণনা হইতে বাদকৃত ব্যালট পেপারসমূহ পরীক্ষা করিয়া দেখিবেন এবং যদি তিনি দেখেন যে, অনুরূপ কোনও ব্যালট পেপার এইরূপে বাদ দেওয়া সঠিক হয় নাই, তাহা হইলে উক্ত ব্যালট পেপার দ্বারা যে প্রতিদ্বন্দ্বী প্রার্থীর পক্ষে ভোট প্রদান করা হইয়াছে উহা তাহার পক্ষে প্রদত্ত ব্যালট পেপার হিসাবে উহাকে গণনা করিবেন ।

(৩) রিটার্নিং অফিসার, নির্ধারিত পদ্ধতিতে, বিধি ৩৯ এর উপ-বিধি (২) এর দফা (খ) তে উল্লিখিত কোনও কারণে তিনি বাতিল করিতে পারেন এইরূপ ভোট ব্যতীত, প্রত্যেক প্রতিদ্বন্দ্বী প্রার্থীর পক্ষে প্রদত্ত ভোটসমূহ একত্রীকরণ বিবরণীতে সামিল করিবেন ।

(৪) রিটার্নিং অফিসার উপ-বিধি (৩) এর অধীন বাতিলকৃত ব্যালট পেপারসমূহ একত্রীকরণ বিবরণীতে পৃথকভাবে দেখাইবেন ।

(৫) রিটার্নিং অফিসার কোনও ভোট কেন্দ্রের বৈধ ব্যালট পেপারসমূহ পুনরায় গণনা করিবেন না, যদি না—

(ক) কোনও প্রতিদ্বন্দ্বী প্রার্থী বা তাহার নির্বাচনী এজেন্ট লিখিতভাবে প্রিজাইডিং অফিসারের গণনা সম্পর্কে আপত্তি করেন এবং রিটার্নিং অফিসার উক্ত আপত্তির যথার্থতা সম্পর্কে সন্তুষ্ট হন; অথবা

(খ) তিনি নির্বাচন কমিশন কর্তৃক ইহা করিতে আদিষ্ট হন ।

(৬) যেক্ষেত্রে ফলাফল একত্রীকরণ বা ভোট গণনার পর দেখা যায় যে, দুই বা ততোধিক প্রতিদ্বন্দ্বী প্রার্থীর মধ্যে ভোটের সংখ্যা সমান হইয়াছে, সেইক্ষেত্রে নির্বাচন কমিশন সমভোট প্রাপ্ত প্রতিদ্বন্দ্বী প্রার্থীগণের মধ্যে পুনঃভোট গ্রহণের ব্যবস্থা গ্রহণের জন্য রিটার্নিং অফিসারকে নির্দেশ প্রদান করিবে ।

৪৩। ফলাফল একত্রীকরণ, নির্বাচিত প্রার্থীর নাম ঘোষণা, রিটার্ন প্রস্তুত এবং উহার সত্যায়িত কপি সরবরাহ ইত্যাদি।—

(১) রিটার্নিং অফিসার, বিভিন্ন ভোট কেন্দ্র হইতে বিধি ৪১ এর উপ-বিধি (৬) এ উল্লিখিত ভোট গণনার বিবরণী এবং ব্যালট পেপারের হিসাব প্রাপ্তির পর, বা বিধি ৪২ এর উপ-বিধি (৬) এর অধীন পুনঃভোট গ্রহণের ফলাফল পাইবার পর, তদকর্তৃক নির্ধারিত সময়ে, প্রতিদ্বন্দ্বী প্রার্থীগণের কিংবা তাহাদের নির্বাচনী এজেন্ট বা পোলিং এজেন্টগণের উপস্থিতিতে, প্রতিদ্বন্দ্বী প্রার্থীগণের প্রত্যেকের অনুকূলে প্রদত্ত বৈধ ভোটসমূহ, আপত্তিকৃত ভোটসমূহ, মেয়রের জন্য ফরম ‘ঠ’, সংরক্ষিত আসনের কাউন্সিলরের জন্য ফরম ‘ঠ-১’ এবং সাধারণ আসনের কাউন্সিলরের জন্য ফরম ‘ঠ-২’ তে একত্রীভূত করিবেন, এবং যে প্রার্থীর অনুকূলে সর্বাধিক সংখ্যক ভোট প্রদত্ত হইয়াছে তাহাকে নির্বাচিত ঘোষণা করিবেন ।

(২) রিটার্নিং অফিসার উপ-বিধি (১) এর অধীন গণনার ফলাফল প্রাপ্তির পর, উহা একটি গণবিজ্ঞপ্তির মাধ্যমে প্রকাশ করিবেন ।

(৩) উপ-বিধি (২) এর অধীন প্রকাশিত গণবিজ্ঞপ্তিতে প্রত্যেক প্রতিদ্বন্দ্বী প্রার্থীর নাম ও উপ-বিধি (১) এর অধীন একত্রীকরণের ফলে প্রাপ্ত মোট ভোটের সংখ্যা উল্লেখ থাকিবে ।

(৪) রিটার্নিং অফিসার, উপ-বিধি (২) এর অধীন গণবিজ্ঞপ্তি প্রকাশিত হইবার পর অবিলম্বে, নির্বাচন কমিশনের নিকট নির্ধারিত ফরমে, একত্রীকরণ বিবরণীসহ, একটি নির্বাচনী রিটার্ন দাখিল করিবেন ।

(৫) রিটার্নিং অফিসার, নির্ধারিত পদ্ধতিতে একত্রীকরণ বিবরণী এবং নির্বাচনের ফলাফলের রিটার্ন প্রস্তুত করিবার পর, অবিলম্বে যে সকল প্যাকেট ও বিবরণীর ফলাফল একত্রীকরণের জন্য খোলা হইয়াছিলো সেইগুলিকে পুনরায় ভর্তি করিয়া সীলমোহর করিবেন, এবং উপস্থিত প্রার্থী ও তাহাদের নির্বাচনী এজেন্টগণকে, তাহারা ইচ্ছা করিলে, অনুরূপ প্যাকেটগুলিকে তাহাদের দস্তখত ও সীলমোহর প্রদানের জন্য অনুমতি দিবেন ।

(৬) রিটার্নিং অফিসার, কোনও প্রতিদ্বন্দ্বী প্রার্থী বা তাহার নির্বাচনী এজেন্ট এবং পোলিং এজেন্টগণের মধ্যে, যাহারা একত্রীকরণ বিবরণী ও রিটার্ন পাইতে ইচ্ছুক তাহাদিগকে মেয়র নির্বাচনের ক্ষেত্রে ফরম '৪', সংরক্ষিত আসনের কাউন্সিলর নির্বাচনের ক্ষেত্রে ফরম '৪-১' এবং সাধারণ আসনের কাউন্সিলরের নির্বাচনের ক্ষেত্রে ফরম '৪-২' এ একত্রীভূত ভোট গণনার বিবরণী ও নির্বাচনী রিটার্নের সত্যায়িত কপি সরবরাহ করিবেন।

৪৪। ফলাফল গেজেটে প্রকাশ।— রিটার্নিং অফিসার, নির্বাচনের ফলাফল ঘোষণার পর, নির্বাচিত বলিয়া ঘোষিত সকল প্রার্থীর নাম ও ঠিকানা সম্বলিত একটি তালিকা ফরম "ড"-তে প্রস্তুত করিবেন এবং উক্ত তালিকা নির্বাচন কমিশনের নিকট প্রেরণ করিবেন এবং নির্বাচন কমিশন নির্বাচিত প্রার্থীর নাম সম্বলিত উক্ত তালিকা সরকারী গেজেটে প্রকাশ করিবে।

৪৫। জামানত ফেরত বা বাজেয়াপ্তি।— (১) কোনও প্রার্থীকে জামানতের টাকা ফেরত দিতে হইলে, রিটার্নিং অফিসারের দস্তখত এবং সীলমোহরসহ অনুমতিপত্রের প্রয়োজন হইবে।

(২) কোনও প্রার্থীর মনোনয়ন বাতিল করা হইলে অথবা তিনি তাহার প্রার্থিতা প্রত্যাহার করিলে বা নির্বাচন অনুষ্ঠিত হইবার পূর্বে মৃত্যুবরণ করিলে, তাহার উক্ত প্রার্থিতার বিপরীতে প্রদত্ত জামানত উক্ত প্রার্থীকে বা জামানত প্রদানকারীর বৈধ প্রতিনিধিকে অনুরূপ বাতিল, প্রত্যাহার বা মৃত্যুর পর, যথাশীঘ্র সম্ভব, ফেরত প্রদান করিতে হইবে।

(৩) ভোটগ্রহণ ও ভোটগণনা সমাপ্ত হইবার পর যদি দেখা যায় যে, কোনও প্রার্থী সংশ্লিষ্ট নির্বাচনে প্রদত্ত ভোটের এক অষ্টমাংশ অপেক্ষা কম ভোট পাইয়াছেন, তাহা হইলে তাহার জামানতের টাকা বাজেয়াপ্ত করিয়া সরকারের অনুকূলে জমা করাইতে হইবে।

(৪) কোনও নির্বাচনের বৈধতার বিষয়ে প্রশ্ন উত্থাপন করিয়া নির্বাচন ট্রাইব্যুনালে কোনও নির্বাচনী দরখাস্ত দাখিল করা হইলে, উক্ত দরখাস্ত চূড়ান্তভাবে নিষ্পত্তি না হওয়া পর্যন্ত উক্ত নির্বাচন সংক্রান্ত কোনও জামানত কোনও প্রার্থীকে ফেরত দেওয়া হইবে না বা উহা বাজেয়াপ্তও করা যাইবে না।

৪৬। দলিলপত্র সংরক্ষণ, জনসাধারণের পরিদর্শন ও অনুলিপি প্রদান।— (১) রিটার্নিং অফিসার, নির্বাচন কমিশন কর্তৃক এতদুদ্দেশ্যে প্রদত্ত নির্দেশ সাপেক্ষে, বিধি ৪১ এর অধীন প্রাপ্ত দলিলাদি সংরক্ষণ করিবেন।

(২) উপ-বিধি (১) এর অধীন সংরক্ষিত সকল দলিল দস্তাবেজ, ব্যালট পেপার ব্যতিত, নির্ধারিত সময়ে ও শর্তাধীনে প্রত্যেক দলিল বাবদ একশত টাকা ফিস প্রদান সাপেক্ষে, অফিস চলাকালীন সময়ে পরিদর্শনের জন্য উন্মুক্ত থাকিবে।

(৩) উপ-বিধি (২) এ উল্লিখিত দলিল, দস্তাবেজ অনুলিপি বা উহার উদ্ধৃতাংশ প্রতি পৃষ্ঠা বাবদ একশত টাকা ফিস প্রদান সাপেক্ষে সরবরাহ করা যাইবে।

(৪) উপ-বিধি (২) বা (৩) এর অধীন দলিলাদি পরিদর্শন বা অনুলিপি সরবরাহের দরখাস্তের সহিত পঁচিশ টাকা মূল্যের কোর্ট ফি সংযুক্ত করিতে হইবে।

৪৭। দলিলপত্রের ব্যবস্থাপনা।— নির্বাচনের ফলাফল ঘোষণার তারিখ হইতে এক বৎসর অতিক্রান্ত হইবার পর, অথবা, বিধি ৫৪ এর অধীন কোনও নির্বাচনী দরখাস্ত পেশ করা হইলে, উহা নিষ্পত্তির পর যথাশীঘ্র সম্ভব নির্বাচন কমিশন যেরূপ নির্দেশ দিবে সেইরূপ পদ্ধতিতে বিধি ৪৬ এর অধীন সংরক্ষিত দলিলপত্র ব্যবস্থাপনা করিতে হইবে।

তৃতীয় অধ্যায় নির্বাচনী ব্যয়

৪৮। নির্বাচনী ব্যয়।— 'নির্বাচনী ব্যয়' বলিতে প্রচারপত্র বা প্রকাশনার মাধ্যমে অথবা অন্য কোনওভাবে ভোটারগণের নিকট কোনও প্রতিদ্বন্দ্বী প্রার্থীর অভিমত, লক্ষ্য বা উদ্দেশ্য উপস্থাপনের জন্য ব্যয়িত অর্থসহ তাহার নির্বাচন পরিচালনার জন্য দান, ঋণ, অগ্রিম, জমা বা অন্য কোনওভাবে পরিশোধিত অর্থ বুঝাইবে, তবে উহা বিধি ১৩ এর অধীন প্রদত্ত জামানতের অন্তর্ভুক্ত হইবে না।

৪৯। সম্ভাব্য নির্বাচনী ব্যয় বা উৎসের বিবরণী।— (১) প্রত্যেক প্রার্থী মনোনয়নপত্রের সহিত তাহার নির্বাচনী ব্যয় নির্বাহের জন্য প্রয়োজনীয় তহবিলের সম্ভাব্য উৎস সম্পর্কে নিম্নবর্ণিত তথ্যসমূহ প্রদর্শনপূর্বক ফরম "ড" তে একটি বিবরণী রিটার্নিং অফিসারের নিকট দাখিল করিবেন, যথা:-

(ক) নিজ আয় হইতে যে অর্থের সংস্থান করা হইবে উহার পরিমাণ এবং উক্ত আয়ের উৎস;

- (খ) আত্মীয়-স্বজনের নিকট হইতে কর্তৃ করা হইবে বা দান হিসাবে পাওয়া যাইবে এইরূপ সম্ভাব্য অর্থ এবং তাহাদের আয়ের উৎস;
- (গ) কোনও প্রতিষ্ঠানে বা সংস্থা হইতে স্বেচ্ছা প্রদত্ত দান বাবদ প্রাপ্য সম্ভাব্য অর্থ; এবং
- (ঘ) অন্য কোনও উৎস হইতে প্রাপ্য এইরূপ অর্থ এবং উক্ত আয়ের উৎস।

ব্যাখ্যা- এই উপ-বিধিতে “আত্মীয়-স্বজন” অর্থ স্বামী বা স্ত্রী, মাতা, পিতা, পুত্র, কন্যা, ভ্রাতা বা ভগ্নি।

(২) উপ-বিধি (১) এর অধীন দাখিলকৃত বিবরণীর সহিত, প্রার্থী আয়কর দাতা হইলে, তাহার সম্পদ বিবরণী সম্বলিত সর্বশেষ দাখিলকৃত রিটার্ন এবং কর পরিশোধের প্রমাণপত্রের কপি সংযুক্ত করিতে হইবে।

(৩) উপ-বিধি (১) এর অধীন দাখিলকৃত বিবরণীর কপি, উপ-বিধি (২) এ উল্লিখিত সম্পদ বিবরণী সম্বলিত রিটার্ন এবং কর পরিশোধের প্রমাণপত্রের কপি রিটার্নিং অফিসারের নিকট দাখিল করিতে হইবে এবং উহার কপি রেজিস্ট্রার ডাকযোগে নির্বাচন কমিশনের নিকট প্রেরণ করিতে হইবে।

(৪) যদি প্রতিদ্বন্দ্বী প্রার্থী উপ-বিধি (১) এর অধীন দাখিলকৃত বিবরণীতে উল্লিখিত কোনও উৎস ব্যতীত অন্য কোনও উৎস হইতে কোনও অর্থ প্রাপ্ত হন, তাহা হইলে তিনি অনুরূপ অর্থ প্রাপ্তির পর তাত্ক্ষণিকভাবে উহা নির্বাচনী ব্যয়ের রিটার্ন দাখিলের সহিত এইরূপে প্রাপ্ত অর্থ এবং প্রাপ্তির উৎস উল্লেখ করিয়া একটি সম্পূরক বিবরণী রিটার্নিং অফিসারের নিকট দাখিল করিবেন এবং অনুরূপ সম্পূরক বিবরণীর একটি কপি রেজিস্ট্রার ডাকযোগে নির্বাচন কমিশনের নিকট প্রেরণ করিবেন।

৫০। নির্বাচনী ব্যয়ের সীমা।- (১) মেয়র ও কাউন্সিলর পদে প্রতিদ্বন্দ্বী প্রার্থীর নির্বাচনী ব্যয়ের সীমা হইবে নিম্নরূপ, যথা:-

(ক) মেয়র পদে প্রতিদ্বন্দ্বী প্রার্থী তাহার নির্বাচনের উদ্দেশ্যে-

(অ) ব্যক্তিগত খরচ বাবদ, অনধিক পাঁচ লক্ষ ভোটার সম্বলিত সিটি কর্পোরেশনের ক্ষেত্রে অনধিক পাঁচশত হাজার টাকা, পাঁচ লক্ষ এক হইতে দশ লক্ষ ভোটার সম্বলিত সিটি কর্পোরেশনের ক্ষেত্রে অনধিক এক লক্ষ টাকা, দশ লক্ষ এক হইতে বিশ লক্ষ ভোটার সম্বলিত সিটি কর্পোরেশনের ক্ষেত্রে অনধিক পঞ্চাশ হাজার টাকা এবং বিশ লক্ষ এক ও তদূর্ধ্ব ভোটার সম্বলিত সিটি কর্পোরেশনের ক্ষেত্রে অনধিক দুই লক্ষ টাকা ব্যয় করিতে পারিবেন; এবং

(আ) নির্বাচনী ব্যয় বাবদ, অনধিক পাঁচ লক্ষ ভোটার সম্বলিত সিটি কর্পোরেশনের ক্ষেত্রে অনধিক পাঁচ লক্ষ টাকা, পাঁচ লক্ষ এক হইতে দশ লক্ষ ভোটার সম্বলিত সিটি কর্পোরেশনের ক্ষেত্রে অনধিক সাত লক্ষ টাকা, দশ লক্ষ এক হইতে বিশ লক্ষ ভোটার সম্বলিত সিটি কর্পোরেশনের ক্ষেত্রে অনধিক দশ লক্ষ টাকা এবং বিশ লক্ষ এক ও তদূর্ধ্ব ভোটার সম্বলিত সিটি কর্পোরেশনের ক্ষেত্রে অনধিক পনের লক্ষ টাকা ব্যয় করিতে পারিবেন।

(খ) কাউন্সিলর পদে প্রতিদ্বন্দ্বী প্রার্থী তাহার নির্বাচনের উদ্দেশ্যে-

(অ) ব্যক্তিগত খরচ বাবদ, অনধিক পনের হাজার ভোটার সম্বলিত ওয়ার্ডের ক্ষেত্রে অনধিক দশ হাজার টাকা, পনের হাজার এক হইতে ত্রিশ হাজার ভোটার সম্বলিত ওয়ার্ডের ক্ষেত্রে অনধিক বিশ হাজার টাকা, ত্রিশ হাজার এক হইতে পঞ্চাশ হাজার ভোটার সম্বলিত ওয়ার্ডের ক্ষেত্রে অনধিক ত্রিশহাজার টাকা এবং পঞ্চাশ হাজার এক ও তদূর্ধ্ব ভোটার সম্বলিত ওয়ার্ডের ক্ষেত্রে অনধিক পঞ্চাশ হাজার টাকা ব্যয় করিতে পারিবেন; এবং

(আ) নির্বাচনী ব্যয় বাবদ, অনধিক পনের হাজার ভোটার সম্বলিত ওয়ার্ডের ক্ষেত্রে সর্বোচ্চ এক লক্ষ টাকা, পনের হাজার এক হইতে ত্রিশ হাজার ভোটার সম্বলিত ওয়ার্ডের ক্ষেত্রে অনধিক এক লক্ষ পঞ্চাশ হাজার টাকা, ত্রিশ হাজার এক হইতে পঞ্চাশ হাজার ভোটার সম্বলিত ওয়ার্ডের ক্ষেত্রে অনধিক দুই লক্ষ টাকা এবং পঞ্চাশ হাজার এক ও তদূর্ধ্ব ভোটার সম্বলিত ওয়ার্ডের ক্ষেত্রে অনধিক দুই লক্ষ পঞ্চাশ হাজার টাকা ব্যয় করিতে পারিবেন।

(২) কোনও প্রতিদ্বন্দ্বী প্রার্থীর নির্বাচনী এজেন্ডা ব্যতীত অন্য কোনও ব্যক্তি উক্ত প্রার্থীর নির্বাচন বাবদ কোনও অর্থ ব্যয় করিতে পারিবেন না।

(৩) উপ-বিধি (১) এ উল্লিখিত অর্থ বা উহার কোনও অংশ নিম্নবর্ণিত কোনও কাজে ব্যবহার করা যাইবে না, যথা:-

(ক) একাধিক রঙের পোস্টার ছাপাইবার জন্য; বা

(খ) নির্ধারিত সাইজ হইতে বড় সাইজের পোস্টার ছাপাইবার জন্য; বা

(গ) গেইট, তোরণ বা ঘের তৈরি জন্য; বা

(ঘ) চারশত বর্গফুটের অধিক আয়তন বিশিষ্ট প্যাডেল স্থাপনের জন্য; বা

(ঙ) একটি ওয়ার্ডে জনসভা অনুষ্ঠানস্থল ব্যতিরেকে একই সঙ্গে তিনটি অধিক মাইক্রোফোন বা লাউড স্পীকার নিয়োগ বা ব্যবহার করিবার জন্য; বা

- (চ) ভোটের জন্য ধার্য তারিখের তিন সপ্তাহ পূর্বে যে কোনও সময় যে কোনও প্রকারের নির্বাচনী প্রচার শুরু করিবার জন্য; বা
- (ছ) সিটি কর্পোরেশনের কোনও ওয়ার্ডে একাধিক নির্বাচনী ক্যাম্প বা অফিস বা কোনও নির্বাচনী এলাকায় একাধিক কেন্দ্রীয় ক্যাম্প বা অফিস স্থাপনের জন্য; বা
- (জ) ভোটারদের যে কোনও প্রকারের আপ্যায়নের জন্য; বা
- (ঝ) কোনও মিছিল বাহির করিবার লক্ষ্যে ট্রাক, বাস, মিনি বাস, কার, ট্যাক্সি, মটর সাইকেল, স্পিড বোট, নৌযান ইত্যাদি ব্যবহারের জন্য; বা
- (ঞ) কোনও ভোট কেন্দ্রে বা ভোট কেন্দ্র হইতে ভোটারদের আনা নেওয়া জন্য যে কোনও প্রকারের যানবাহন বা জলযান ভাড়া করা বা ব্যবহারের জন্য; বা
- (ট) যে কোনও প্রকার বিদ্যুৎ ব্যবহার করিয়া আলোকসজ্জার জন্য; বা
- (ঠ) প্রার্থীর একাধিক রঙের প্রতীক বা প্রতিকৃতি ব্যবহারের জন্য; বা
- (ড) প্রার্থীর একাধিক রঙের প্রতীক বা প্রতিকৃতি প্রদর্শনের জন্য; বা
- (ঢ) নির্বাচনী প্রচারাভিযানে বিজ্ঞাপনের মাধ্যমে হিসাবে কালি বা রঙ দিয়া বা অন্য কোনও প্রকারে লিখিবার জন্য; বা
- (ণ) মেয়র পদে প্রতিদ্বন্দ্বী একজন প্রার্থী প্রতিটি ওয়ার্ডে একের অধিক এবং কাউন্সিলর পদে প্রতিদ্বন্দ্বী একজন প্রার্থী পনের হাজার ভোটার সম্বলিত ওয়ার্ডের ক্ষেত্রে অনধিক দুই এর অধিক এবং পনের হাজার এক তদূর্ধ্ব ভোটার সম্বলিত ওয়ার্ডের ক্ষেত্রে অনধিক তিন এর অধিক নির্বাচনী ক্যাম্প অথবা অফিস স্থাপনের জন্য; বা
- (ত) ভোটগ্রহণের দিন নির্বাচনী ক্যাম্প বা অফিস পরিচালনার জন্য ।

(৪) প্রত্যেক প্রতিদ্বন্দ্বী প্রার্থী, ব্যক্তিগত খরচ বাবদ অর্থ ব্যয় করার ক্ষেত্রে, নির্বাচনের ফলাফল ঘোষণার সাত দিনের মধ্যে, অনুরূপ খরচের একটি বিবরণী তাহার নির্বাচনী এজেন্টের নিকট প্রেরণ করিবেন ।

(৫) প্রত্যেক নির্বাচনী এজেন্ট, যেক্ষেত্রে অর্থে পরিমাণ পাঁচশত টাকার নীচে সেইক্ষেত্রে ব্যতীত, অন্য সকল ক্ষেত্রে, বিস্তারিত বর্ণনা সম্বলিত একটি বিল এবং নির্বাচনী ব্যয় হিসাবে পরিশোধিত প্রতিটি ব্যয়ের হিসাব প্রত্যয়ন করিবেন ।

৫১। নির্বাচনী ব্যয়ের হিসাব তফসিলি ব্যাংকে সংরক্ষণ।—প্রত্যেক নির্বাচনী এজেন্টে বা যেক্ষেত্রে প্রার্থী স্বয়ং তাহার নির্বাচনী এজেন্টে হন, সেইক্ষেত্রে প্রতিদ্বন্দ্বী প্রার্থী—

(ক) ব্যক্তিগত খরচ ব্যতীত, বিধি ৫০ এর অধীন নির্বাচনী ব্যয় পরিচালনার উদ্দেশ্যে কোনও তফসিলি ব্যাংকে একটি স্বতন্ত্র হিসাব খুলিবেন; এবং

(খ) দফা (ক) তে উল্লিখিত হিসাব হইতে, ব্যক্তিগত খরচ ব্যতীত, নির্বাচনী ব্যয়ের নিমিত্ত সকল অর্থ প্রদান করিবেন ।

৫২। নির্বাচনী ব্যয়ের রিটার্ন দাখিল।—(১) প্রত্যেক প্রতিদ্বন্দ্বী প্রার্থীর নির্বাচনী এজেন্ট, বিধি ২১ বা বিধি ৪৩ অনুযায়ী নির্বাচিত প্রার্থীর নাম ঘোষিত হইবার তারিখ হইতে ৩০(ত্রিশ) দিনের মধ্যে, রিটার্নিং অফিসারের নিকট নির্ধারিত ‘ফরম-৭’ তে নির্বাচনী ব্যয়ের একটি রিটার্ন দাখিল করিবেন, যাহাতে নিম্নবর্ণিত তথ্যাদি উল্লেখ্য থাকিবে,যথাঃ—

- (ক) প্রত্যেক দিনে ব্যয়িত অর্থের সকল বিল ও রসিদ সহ একটি বিবরণী ;
- (খ) বিধি ৫১ এর দফা (ক) এর অধীন খোলা হিসাবে জমাকৃত এবং উত্তলিত অর্থের ব্যাংক কর্তৃক প্রদত্ত হিসাব বিবরণীর একটি কপি;
- (গ) প্রতিদ্বন্দ্বী প্রার্থী কর্তৃক কৃত, যদি থাকে, ব্যক্তিগত খরচের মোট পরিমাণ;
- (ঘ) নির্বাচনী এজেন্ট অবহিত আছেন এইরূপ সকল বিতর্কিত দাবীর একটি বিবরণী;
- (ঙ) নির্বাচনী এজেন্ট অবহিত আছেন এইরূপ সকল অপরিশোধিত দাবীর, যদি থাকে , একটি বিবরণী; এবং
- (চ) নির্বাচনী খরচের জন্য যে কোনও উৎস হইতে প্রাপ্ত সকল অর্থ, উহা প্রাপ্তির প্রমাণসহ ও উক্তরূপ প্রাপ্ত অর্থের প্রত্যেক উৎসের নাম উল্লেখ করিয়া একটি বিবরণী ।

(২) উপ-বিধি (১) এর অধীন দাখিলকৃত নির্বাচনী ব্যয়ের রিটার্নের সহিত যেক্ষেত্রে প্রতিদ্বন্দ্বী প্রার্থী স্বয়ং তাহার নির্বাচনী এজেন্ট, সেইক্ষেত্রে প্রার্থীর হলফনামা ফরম – ‘ত’ অনুসারে; যেক্ষেত্রে প্রতিদ্বন্দ্বী প্রার্থী নির্বাচনী এজেন্ট নিয়োগ করেন, সেইক্ষেত্রে প্রার্থীর হলফনামা ‘ত-১’ অনুসারে এবং নির্বাচনী এজেন্টের হলফনামা ফরম ‘ত-২’ অনুসারে সংযুক্ত করিতে হইবে ।

(৩) নির্বাচনী এজেন্ট উপ-বিধি (২) এ উল্লিখিত হলফনামা একটি কপিসহ উপ-বিধি (১) এর অধীন দাখিলকৃত রিটার্নের একটি কপি, রিটার্নিং অফিসারের নিকট দাখিলের সময় রেজিস্ট্রার ডাকযোগে নির্বাচন কমিশনের নিকট প্রেরণ করিবে ।

৫৩। নির্বাচনী ব্যয়ের তথ্য সংরক্ষণ ও প্রকাশ।—(১) রিটার্নিং অফিসার বিধি ৫২ এর অধীন দাখিলকৃত নির্বাচনী ব্যয়ের রিটার্ন তাহার অফিসে বা তদ্বিবেচনায় উপযুক্ত অন্য কোনও সুবিধাজনক স্থানে সংরক্ষণ করিবেন যাহা নির্ধারিত ফিস প্রদান সাপেক্ষে পরবর্তী এক বছর সময়কাল পর্যন্ত অফিস চলাকালীন সময়ে যে কোনও ব্যক্তির পরিদর্শনের জন্য উন্মুক্ত থাকিবে ।

- (২) বিধি ১২ এর উপ-বিধি (৩) এর দফা (গ) এর উপ-দফা (ঈ), বিধি ৪৯ এবং বিধি ৫২ অনুযায়ী দাখিলকৃত হলফনামা, উৎসের বিবরণী, নির্বাচনী ব্যয়ের রিটার্ন নির্বাচন কমিশনের ওয়েব সাইটে জনগণের অবগতির জন্য প্রদর্শিত হইবে।
- (৩) উপ-বিধি (১) এর অধীন সংরক্ষিত ব্যয়ের রিটার্ন বা উহার কোনও অংশের কপি নির্ধারিত ফিস প্রদান সাপেক্ষে যে কোনও ব্যক্তিকে সরবরাহ করা যাইবে।

চতুর্থ অধ্যায় নির্বাচনী বিরোধ

- ৫৪। নির্বাচনী দরখাস্ত।**— (১) অধ্যাদেশের ধারা ৩৭ এর বিধান সাপেক্ষে উপ-বিধি (২) এর অধীন নির্বাচনী দরখাস্ত দাখিল ব্যতীত, নির্বাচনী সম্পর্কে কোনও প্রশ্ন উত্থাপন করা যাইবে না।
- (২) কোনও প্রতিদ্বন্দ্বী প্রার্থী যে নির্বাচনে প্রার্থী ছিলেন সেই নির্বাচন চ্যালেঞ্জ করিয়া দরখাস্ত করিতে পারিবেন।

- ৫৫। নির্বাচনী দরখাস্ত পক্ষগণ।**— নির্বাচনী দরখাস্তকারী কোনও প্রতিদ্বন্দ্বী প্রার্থী তাহার দরখাস্ত নিম্নবর্ণিত ব্যক্তিগণকে বিবাদী হিসাবে পক্ষভুক্ত করিবেন, যথা :-

- (ক) সকল প্রতিদ্বন্দ্বী প্রার্থী ; এবং
- (খ) অন্য যে কোনও প্রার্থী যাহার বিরোধে কোনও দুর্নীতিমূলক কার্যকলাপ বা বেআইনী আচরণের অভিযোগ আনয়ন করা হইয়াছে।

- ৫৬। নির্বাচনী দরখাস্ত পেশকরণ পদ্ধতি।**— (১) নির্বাচিত প্রার্থীগণের নাম বিধি ৪৪ এর অধীন সরকারী গেজেট প্রকাশের পরবর্তী ৩০(ত্রিশ) দিনের মধ্যে নির্বাচনী ট্রাইব্যুনালে নির্বাচনী দরখাস্ত পেশ করিতে হইবে।

- (২) প্রতিদ্বন্দ্বী প্রার্থী স্বয়ং বা তাহার নিকট হইতে যথাযথ কর্তৃত্বপ্রাপ্ত কোনও ব্যক্তি নির্বাচনী ট্রাইব্যুনালে নির্বাচনী দরখাস্ত পেশ করিতে পারিবেন।

- (৩) উপ-বিধি (১) এর অধীন প্রত্যেক দরখাস্তের সহিত, উক্ত দরখাস্তের খরচ বাবদ জামানত হিসাবের সরকারী ট্রেজারি বা সাব-ট্রেজারিতে অথবা সোনালী ব্যাংকের কোনও শাখায় রিটার্নিং অফিসারের অনুকূলে সংশ্লিষ্ট খাতে মেয়র ও কাউন্সিলর নির্বাচনের জন্য দশ হাজার টাকা জমা করা হইয়াছে মর্মে একটি রসিদ থাকিতে হইবে।

- (৪) নির্বাচনী ট্রাইব্যুনাল, নির্বাচনী দরখাস্ত বিচারকালে যে কোনও সময়ে, দরখাস্তকারীকে জামানত হিসাবে অতিরিক্ত অর্থ জমা প্রদানের নির্দেশ দিতে পারিবে এবং উক্ত অর্থও উপ-বিধি (৩) এ বিধৃত পদ্ধতিতে দরখাস্তকারী কর্তৃক জমা করিতে হইবে, এবং রিটার্নিং অফিসার, ট্রাইব্যুনাল কর্তৃক নির্ধারিত খরচ কর্তনের পর অবশিষ্ট অর্থ ফেরত প্রদান করিবেন।

- (৫) নির্বাচনী দরখাস্ত পেশ করিবার কারণ এবং প্রার্থিত প্রতিকার স্পষ্টরূপে নির্বাচনী দরখাস্তে উল্লেখ করিতে হইবে।

- ৫৭। নির্বাচনী দরখাস্ত স্বাক্ষর ও সত্যায়ন।**— প্রত্যেক নির্বাচনী দরখাস্ত দরখাস্তকারী কর্তৃক স্বাক্ষরিত হইতে হবে এবং উহা Code of Civil Procedure, 1908 (Act V of 1908) এর অধীন কোনও আর্জি সত্যায়নের জন্য নির্ধারিত পদ্ধতিতে সত্যায়িত হইতে হবে।

- ৫৮। নির্বাচনী ট্রাইব্যুনাল ও আপীল ট্রাইব্যুনালের অধিক্ষেত্র এবং এখতিয়ার।**— এই বিধিমালার অধীন নির্বাচনী দরখাস্ত বিচারের জন্য নির্বাচন কমিশন, সরকারী গেজেট প্রজ্ঞাপন দ্বারা, ধারা ৩১ এর অধীন গঠিত নির্বাচনী ট্রাইব্যুনাল ও নির্বাচনী আপীল ট্রাইব্যুনালের স্থানীয় অধিক্ষেত্র ও এখতিয়ার নির্ধারণ করিবে।

- ৫৯। নির্বাচনী ট্রাইব্যুনাল ও নির্বাচনী আপীল ট্রাইব্যুনালের ক্ষমতা।**— Code of Civil Procedure, 1908 (Act V of 1908) এর অধীন কোনও মোকদ্দমার বিচারকারী দেওয়ানী আদালতের যাবতীয় ক্ষমতা নির্বাচনী ট্রাইব্যুনাল ও নির্বাচনী আপীল ট্রাইব্যুনাল এর থাকিবে এবং উহা ফৌজদারী কার্যবিধি ধারা ৪৮০ ও ৪৮২ এর অধীন এখতিয়ার সম্পন্ন একটি আদালত বলিয়া গণ্য হইবে।

- ৬০। প্রতিকার।**— নির্বাচনী দরখাস্তের দরখাস্তকারী প্রতিকার হিসাবে নিম্নবর্ণিত যে কোনও ঘোষণা দাবী করিতে পারিবেন, যথা :-

- (ক) কোনও নির্বাচিত প্রার্থীর নির্বাচন বাতিল এবং দরখাস্তকারী বা অন্য কোনও প্রার্থী যথাযথভাবে নির্বাচিত হইয়াছেন; বা
- (খ) নির্বাচনটি সামগ্রিকভাবে বাতিল।

৬১। নির্বাচনী ট্রাইব্যুনাল এবং নির্বাচনী আপীল ট্রাইব্যুনাল কর্তৃক অনুসরণীয় পদ্ধতি।- অধ্যাদেশ এবং এই বিধিমালার বিধানাবলী সাপেক্ষে, নির্বাচনী ট্রাইব্যুনাল বা ক্ষেত্রমত নির্বাচনী আপীল ট্রাইব্যুনাল প্রতিটি নির্বাচনী দরখাস্ত, Code of Civil Procedure, 1908 (Act V of 1908) এর অধীন যে পদ্ধতিতে মোকাদ্দমা বিচার করা হয়, যতদূর সম্ভব, অনুরূপ পদ্ধতি অনুসারে বিচার করিবে :

তবে শর্ত থাকে যে, নির্বাচনী ট্রাইব্যুনাল-

(ক) কোনও সাক্ষীর জবানবন্দি চলাকালে তদ্ব্রদন্ত সাক্ষ্যের সারমর্ম সম্বলিত একটি স্বাক্ষর প্রস্তুত করিবে, যদি না কোনও সাক্ষীর পূর্ণসাক্ষ্য গ্রহণের বিশেষ কারণ রহিয়াছে বলিয়া উহা বিবেচনা করে; এবং

(খ) কোনও সাক্ষীর সাক্ষ্য গ্রহণ করিতে অস্বীকার করিতে পারে, যদি উহা বিবেচনা করে যে, উক্ত সাক্ষীর সাক্ষ্য গুরুত্বপূর্ণ নহে অথবা বিচারকার্য বিলম্বিত করিবার অভিপ্রায়ে কোনও তুচ্ছ কারণে উক্ত সাক্ষীকে সাক্ষ্যদানের জন্য ডাকা হইয়াছে।

৬২। নির্বাচনী দরখাস্ত এবং নির্বাচনী আপীল নিষ্পত্তি।-(১) নির্বাচনী ট্রাইব্যুনাল কোনও নির্বাচনী দরখাস্ত প্রাপ্তির পর দরখাস্তে উল্লিখিত সকল বিবাদীকে নোটিশ প্রদান করিবে।

(২) নির্বাচনী ট্রাইব্যুনাল, দরখাস্তকারীকে এবং দরখাস্ত প্রতিদ্বন্দ্বীতাকারী বিবাদীগণকে, যদি কেহ থাকেন, শুনানীর সুযোগ প্রদান করিবে এবং উভয় পক্ষের সাক্ষ্য গ্রহণের পর উহার বিবেচনায় যথোপযুক্ত আদেশ প্রদান করিতে পারিবে।

(৩) নির্বাচনী ট্রাইব্যুনালের আদেশ দ্বারা সংক্ষুব্ধ পক্ষ, উক্ত আদেশ প্রদানের তারিখ হইতে ত্রিশ(৩০) দিনের মধ্যে, নির্বাচনী আপীল ট্রাইব্যুনালে আপীল দায়ের করিতে পারবেন এবং এই ক্ষেত্রে নির্বাচনী আপীল ট্রাইব্যুনালের সিদ্ধান্তই চূড়ান্ত হইবে।

(৪) নির্বাচনী ট্রাইব্যুনালে কোনও নির্বাচনী দরখাস্ত একশত আশি (১৮০) দিনের মধ্যে এবং নির্বাচনী আপীল ট্রাইব্যুনালে নির্বাচনী আপীল দায়েরের একশত বিশ (১২০) দিনের মধ্যে নির্বাচনী দরখাস্ত বা নির্বাচনী আপীল নিষ্পত্তি করিতে হইবে।

(৫) নির্বাচনী ট্রাইব্যুনাল নির্বাচনী দরখাস্ত শুনানীর পর কোনও নির্বাচিত প্রার্থীর নির্বাচন বাতিল বলিয়া ঘোষণা করিতে পারিবে, যদি উহা এই মর্মে সন্তুষ্ট হয় যে-

(ক) নির্বাচিত প্রার্থীর মনোনয়ন অবৈধ ছিল; বা

(খ) নির্বাচিত প্রার্থীর মনোনয়নের তারিখে মেয়র, বা ক্ষেত্রমত কাউন্সিলর, পদে নির্বাচিত হইবার অযোগ্য ছিলেন; বা

(গ) দুর্নীতিমূলক কার্যকলাপ বা বেআইনী আচরণ দ্বারা নির্বাচনী ফলাফল অর্জন করা হইয়াছে বা ঘটানো হইয়াছে; বা

(ঘ) নির্বাচিত প্রার্থী বা তাহার নির্বাচনী এজেন্ট বা অন্য কোনও ব্যক্তি কর্তৃক পরস্পর যোগসাজশে কোনও দুর্নীতিমূলক কার্যকলাপ বা বেআইনী আচরণ করা হইয়াছে; বা

(ঙ) নির্বাচিত প্রার্থীর বিধি ৫০ এর উপ-বিধি (১) এ বর্ণিত নির্বাচনী ব্যয়ের সীমানা অতিরিক্ত অর্থ খরচ করিয়াছে।

৬৩। সংরক্ষিত দলিল দস্তাবেজ এর প্যাকেট খুলিবার আদেশ।- (১) নির্বাচনী ট্রাইব্যুনাল বা নির্বাচনী আপীল ট্রাইব্যুনাল গণনাকৃত ব্যালট পেপার পরিদর্শনের জন্য উহার মুড়িপত্র এবং দলিল দস্তাবেজ সম্বলিত প্যাকেট খুলিবার আদেশ দিতে পারিবেন।

(২) নির্বাচনী ট্রাইব্যুনাল বা নির্বাচনী আপীল ট্রাইব্যুনাল উপ-বিধি (১) এর অধীন প্রদত্ত আদেশে ব্যক্তি, সময়, তারিখ, স্থান, এবং পরিদর্শনের পস্থা নির্ধারণ করিয়া দিবে।

(৩) নির্বাচনী ট্রাইব্যুনাল বা নির্বাচনী আপীল ট্রাইব্যুনাল গণনাকৃত ব্যালট পেপার পরিদর্শনের সময় এইরূপ সতর্কতা অবলম্বন করিবে যেন ভোটের ফলাফলের গোপনীয়তা প্রকাশ না হইয়া পড়ে।

(৪) এই বিধিতে যেরূপ বিধান আছে সেইরূপ ব্যতীত, কোনও ব্যক্তিকে রিটার্নিং অফিসারের জিম্মায় থাকা কোনও বাতিলকৃত বা গণনাকৃত ব্যালট পেপার পরিদর্শন করিতে দেওয়া যাইবে না।

৬৪। নির্বাচনী দরখাস্ত বা নির্বাচনী আপীল প্রত্যাহার ও বাতিল।- (১) কোনও নির্বাচনী দরখাস্ত বা ক্ষেত্রমত, নির্বাচনী আপীল, শুনানীকালীন যে কোনও সময়ে দরখাস্তকারী, বা ক্ষেত্রমত আপীলকারী প্রত্যাহার করিয়া লইতে পারিবেন।

(২) দরখাস্তকারীর বা আপীলকারীর মৃত্যু হইলে নির্বাচনী দরখাস্ত, বা ক্ষেত্রমত, নির্বাচনী আপীল, বাতিল হইয়া যাইবে।

৬৫। খরচ।- নির্বাচনী ট্রাইব্যুনাল বা নির্বাচনী আপীল ট্রাইব্যুনাল, বিধি ৬২ এর অধীন কোনও আদেশ প্রদান করিলে খরচ (Cost) সম্পর্কে উহার বিবেচনায় যথোপযুক্ত আদেশ দিতে পারিবে এবং যেক্ষেত্রে উক্তরূপ খরচ দরখাস্তকারী কর্তৃক প্রদেয় হয় সেইক্ষেত্রে, যতদূর সম্ভব, দরখাস্তকারী কর্তৃক জমাকৃত জামানত হইতে উহা পরিশোধ করিতে হইবে এবং যদি দরখাস্তকারী কর্তৃক প্রদেয় কোনও খরচ নির্বাচনী ট্রাইব্যুনালের বা নির্বাচনী আপীল ট্রাইব্যুনালের আদেশের ষাট (৬০) দিনের মধ্যে দাবী করা না হয়, তাহা হইলে জামানত হিসাবে জমাকৃত সমুদয় অর্থ দরখাস্তকারীকে অথবা তাহার আইনানুগ প্রতিনিধিকে আবেদনের ভিত্তিতে ফেরত প্রদান করা হইবে।

৬৬। নির্বাচনী দরখাস্ত ও নির্বাচনী আপীল বদলীকরণের ক্ষমতা।- নির্বাচন কমিশন নিজ উদ্যোগে, অথবা নির্বাচনী দরখাস্ত, বা ক্ষেত্রমত নির্বাচনী আপীলের কোনও এক পক্ষ কর্তৃক এতদুদ্দেশ্যে পেশকৃত দরখাস্তের প্রেক্ষিতে যে কোনও পর্যায়ে সংশ্লিষ্ট নির্বাচনী দরখাস্ত বা নির্বাচনী আপীল এক নির্বাচনী ট্রাইব্যুনাল হইতে অন্য নির্বাচনী ট্রাইব্যুনালে, বা ক্ষেত্রমত, এক নির্বাচনী আপীল ট্রাইব্যুনাল হইতে অন্য নির্বাচনী আপীল ট্রাইব্যুনালে বদলী করিতে পারিবে এবং যে ট্রাইব্যুনালে উহা এইরূপে বদলী করা হয় সেই ট্রাইব্যুনাল উক্ত দরখাস্ত যে পর্যায়ে বদলী করা হইয়াছে সেই পর্যায়ে হইতে উহার বিচারকার্য বা আপীল শুনানী চালাইয়া যাইবে :

তবে শর্ত থাকে যে, নির্বাচনী দরখাস্ত বা নির্বাচনী আপীল যে ট্রাইব্যুনালে বদলী করা হইয়াছে সেই ট্রাইব্যুনাল উপযুক্ত মনে করিলে ইতিপূর্বে পরীক্ষিত কোনও সাক্ষীকে পুনরায় তলব বা পরীক্ষা করিতে পারিবে।

৬৭। নির্বাচনী ট্রাইব্যুনাল ও নির্বাচনী আপীল ট্রাইব্যুনালের আদেশের সংক্ষিপ্তসার কমিশনকে অবহিতকরণ।- নির্বাচনী ট্রাইব্যুনাল ও নির্বাচনী আপীল ট্রাইব্যুনাল কোনও নির্বাচনী দরখাস্ত, বা ক্ষেত্রমত আপীল, নিষ্পত্তির পর, যথাশীঘ্র সম্ভব, নিষ্পত্তি আদেশের সারাংশ নির্বাচন কমিশনকে জানাইবে এবং উক্ত আদেশের একটি সত্যায়িত কপি নির্বাচন কমিশনের নিকট প্রেরণ করিবে।

৬৮। নির্বাচনী দরখাস্তের একতরফা নিষ্পত্তি।- যদি কোনও নির্বাচনী দরখাস্তের বিচার সমাপ্ত হইবার পূর্বে কোনও বিবাদী মৃত্যুবরণ করেন বা নির্ধারিত ফরমে তিনি দরখাস্তের প্রতিদ্বন্দ্বিতা করিতে ইচ্ছুক নহেন মর্মে নোটিশ প্রদান করেন এবং উক্ত দরখাস্তের প্রতিদ্বন্দ্বিতা করিবার জন্য আর কোনও বিবাদী না থাকে, তাহা হইলে নির্বাচনী ট্রাইব্যুনাল বা নির্বাচনী আপীল ট্রাইব্যুনাল আর কোনও শুনানী ব্যতীত অথবা তদ্বিবেচনায় উপযুক্ত অন্য কোনও ব্যক্তিকে শুনানীর সুযোগ দিয়া দরখাস্ত একতরফা নিষ্পত্তি করিবে।

৬৯। হাজিরা দিতে ব্যর্থতার কারণে নির্বাচনী দরখাস্ত বাতিল।- নির্বাচনী ট্রাইব্যুনাল বা নির্বাচনী আপীল ট্রাইব্যুনালে কোনও নির্বাচনী দরখাস্ত, বা ক্ষেত্রমত নির্বাচনী আপীল, দাখিলের পর নির্ধারিত তারিখে দরখাস্তকারী, বা ক্ষেত্রমত, আপীলকারী উপস্থিত না থাকিলে, নির্বাচনী ট্রাইব্যুনাল, বা ক্ষেত্রমত নির্বাচনী আপীল ট্রাইব্যুনাল, উক্ত দরখাস্ত, ক্ষেত্রমত আপীল, খারিজ করিয়া দিতে পারিবে এবং খরচ সম্বন্ধে তদ্বিবেচনায় উপযুক্ত আদেশ দিতে পারিবে।

পঞ্চম অধ্যায় অপরাধ, দণ্ড ও পদ্ধতি

৭০। দুর্নীতিমূলক কার্যকলাপ ও শাস্তি।- (১) কোনও ব্যক্তি দুর্নীতিমূলক কার্যকলাপের দায়ে দোষী সাব্যস্ত হইবেন, যদি তিনি-

(ক) ঘুষ গ্রহণ বা প্রদান, অপরের নাম ধারণ বা অবৈধ প্রভাব বিস্তার করেন; বা

(খ) প্রতিদ্বন্দ্বী প্রার্থী কর্তৃক বিধি ৪৯ এর অধীন দাখিলকৃত বিবরণী বা সম্পূরক বিবরণীতে উল্লেখিত উৎস ব্যতিরেকে অন্য কোনও উৎস হইতে নির্বাচনের ব্যয় নির্বাহ করেন; বা

(গ) বিধি ৫০ এর কোনও বিধান লঙ্ঘন করেন; বা

(ঘ) কোনও প্রার্থী সম্পর্কে নিম্নরূপ মিথ্যা বিবৃতি প্রদান বা প্রকাশ করেন, যথা-

(অ) উক্ত প্রার্থী বা তাহার কোনও নিকটাত্মীয়ের ব্যক্তিগত চরিত্র সম্পর্কে বিরূপ মন্তব্য যাহা নির্বাচনকে প্রভাবিত করিবার উদ্দেশ্য বা অন্য কোনও প্রার্থীর নির্বাচন সংগঠিত করিবার উদ্দেশ্য করা হইয়াছে, যদি না তিনি প্রমাণ করিতে পারেন যে, উক্ত বিবৃতি সত্য বলিয়া বিশ্বাস করিবার তাহার যুক্তিসঙ্গত কারণ ছিল এবং তিনি উহা বিশ্বাস করিয়াছিলেন; বা

(আ) কোনও প্রার্থীর প্রতীক সম্পর্কে, অনুরূপ প্রতীক প্রার্থীকে দেওয়া হইয়াছে কি হয় নাই মর্মে; বা

(ই) কোনও প্রার্থীর প্রার্থিতা প্রত্যাহার সম্পর্কে; বা

(ঙ) কোনও প্রার্থী কোনও বিশেষ ধর্ম, সম্প্রদায়, গোষ্ঠী, বর্ণ, উপ-দল বা উপ-জাতির অন্তর্ভুক্ত হইবার কারণে তাহাকে ভোট প্রদানের জন্য বা তাহাকে ভোট প্রদান করা হইতে বিরত থাকিবার জন্য কোনও ব্যক্তিকে আহ্বান করেন বা প্ররোচিত করেন; বা

(চ) জ্ঞাতসারে, কোনও প্রার্থীকে সমর্থন বা বিরোধিতা করিবার লক্ষ্যে, নিজে এবং নিজ পরিবারের সদস্যগণকে ব্যতীত, অন্য কোনও ভোটারকে ভোট কেন্দ্রে আনা বা নেওয়ার উদ্দেশ্যে কোনও যান বা নৌযান ভাড়া দেন, ভাড়া করেন, ধার নেন, নিয়োগ করেন বা ব্যবহার করেন; বা

(ছ) ভোট প্রদানের জন্য ভোট কেন্দ্রে উপস্থিত বা অপেক্ষায় আছেন এমন কোনও ব্যক্তিকে ভোট প্রদান না করিতে দিয়া ভোট কেন্দ্র ত্যাগ করাইবার চেষ্টা করেন।

(২) কোনও ব্যক্তি উপ-বিধি (১) এর দফা (ক) তে বর্ণিত ক্ষেত্র ব্যতীত, অন্যান্য দুর্নীতিমূলক কার্যকলাপের দায়ে অনূন ২ (দুই) বৎসর ও অনধিক ৭ (সাত) বৎসর সশ্রম কারাদণ্ডে এবং অর্থদণ্ডেও দণ্ডনীয় হইবেন।

৭১। **বেআইনী আচরণ ও শাস্তি।**— (১) অধ্যাদেশের বিধানাবলী সাপেক্ষে কোনও ব্যক্তি বেআইনী কার্যকলাপের দায়ে দোষী হবেন, যদি তিনি—

- (ক) কোনও প্রার্থীর নির্বাচন ত্বরান্বিত বা ব্যাহত করিবার উদ্দেশ্যে প্রজাতন্ত্রের কর্মে নিয়োজিত কোনও ব্যক্তির সহায়তা লাভ করেন বা করিবার চেষ্টা করেন; বা
 - (খ) বিধি ৪৯ বা ৫২ এর বিধানসমূহ পালনে ব্যর্থ হন; বা
 - (গ) ভোট দানের যোগ্য নহেন সত্ত্বেও, কোনও নির্বাচনে ভোট দান করেন বা ভোটদানের উদ্দেশ্যে ব্যালট পেপার চাহেন; বা
 - (ঘ) একই ভোট কেন্দ্রে একাধিকার ভোট প্রদান করেন বা ভোট প্রদানের উদ্দেশ্যে ব্যালট পেপার চাহেন; বা
 - (ঙ) একই নির্বাচনে একাধিক ভোট কেন্দ্রে ভোট প্রদান বা ভোট প্রদানের উদ্দেশ্যে ব্যালট পেপার চাহেন; বা
 - (চ) ভোট গ্রহণ চলাকালে ভোট কেন্দ্র হইতে ব্যালট পেপার সরাইয়া ফেলেন; বা
 - (ছ) জ্ঞাতসারে কোনও ব্যক্তিকে দফা (ক) হইতে (চ) তে বর্ণিত যে কোনও কাজ করিতে প্ররোচিত বা বাধ্য করেন।
- (২) কোনও ব্যক্তি উপ-বিধি (১) এ বর্ণিত বেআইনী কার্যকলাপের দায়ে অনূন ২ (দুই) বৎসর ও অনধিক ৭ (সাত) বৎসর সশ্রম কারাদণ্ডে এবং অর্থদণ্ডে বা উভয় দণ্ডে দণ্ডনীয় হইবেন।

৭২। **ঘুষ গ্রহণ বা প্রদান ও শাস্তি।**— (১) কোনও ব্যক্তি ঘুষ গ্রহণের দায়ে দোষী সাব্যস্ত হইবেন, যদি তিনি নিজে, বা তাহার পক্ষে অন্য কোনও ব্যক্তির মাধ্যমে, প্রত্যক্ষ বা পরোক্ষভাবে, কোনও নির্বাচনে ভোট প্রদান করা বা ভোট প্রদানে বিরত থাকার বা, প্রার্থী হইবার বা প্রার্থী না হইবার বা প্রার্থী না হইবার কারণে ঘুষ গ্রহণ করেন বা করিতে সম্মত হন বা চুক্তিবদ্ধ হন।

(২) কোনও ব্যক্তি ঘুষ প্রদানের দায়ে দোষী সাব্যস্ত হইবেন, তিনি –

(ক) অন্য কোনও ব্যক্তিকে অর্থ বা পুরস্কারের বিনিময়ে কোনও নির্বাচনে প্রার্থী হইতে বা উহা হইতে বিরত রাখিতে, বা কোনও ভোটারকে কোনও নির্বাচনে ভোট প্রদান করিতে বা প্রদান করা হইতে বিরত রাখিতে, বা কোনও প্রার্থীকে কোনও নির্বাচন হইতে প্রার্থিতা প্রত্যাহার করিবার জন্য প্ররোচিত করেন; বা

(খ) কোনও ব্যক্তিকে নির্বাচনে প্রার্থী হওয়ার জন্য বা উহা হইতে বিরত থাকার কারণে, বা কোনও ভোটারকে কোনও নির্বাচনে ভোট প্রদান করা হইতে বিরত থাকার কারণে, বা কোনও প্রার্থীকে কোনও নির্বাচনে প্রার্থিতা প্রত্যাহার করিবার কারণে পুরস্কৃত করেন।

ব্যাখ্যা :- বিধিতে “ঘুষ” বলিতে আর্থিক বা অর্থের নিরূপণযোগ্য ঘুষ বা অবৈধ আনুতোষিকের বিনিময়ে সর্বপ্রকার আপ্যায়ন বা নিযুক্ত বুঝাইবে।

(৩) কোনও ব্যক্তি এই বিধিতে বর্ণিত ঘুষ গ্রহণ বা প্রদানের দায়ে দোষী সাব্যস্ত হইলে অনূন ২ (দুই) বৎসর অনধিক ৭ (সাত) বৎসর সশ্রম কারাদণ্ডে এবং অর্থ দণ্ডে অথবা উভয় দণ্ডে দণ্ডনীয় হইবে।

৭৩। **অন্যের নাম ধারণের শাস্তি।**— যদি কোনও ব্যক্তি অন্য কোনও জীবিত মৃত বা কাল্পনিক ব্যক্তির নাম ধারণ করিয়া ভোট প্রদান করেন বা ভোট প্রদানের জন্য ব্যালট পেপার চাহেন তাহা হইলে, অন্যের নাম ধারণ করিবার দায়ে উক্ত প্রথমোক্ত ব্যক্তি অনূন ৬ (ছয়) মাস ও অনধিক ৩ (তিন) বৎসর কারাদণ্ডে এবং অর্থ দণ্ডে দণ্ডনীয় হইবেন।

৭৪। **অবৈধ প্রভাব বিস্তার ও শাস্তি।**— (১) কোনও ব্যক্তি অবৈধ প্রভাব বিস্তারের দায়ে দোষী সাব্যস্ত হইবেন, যদি তিনি

(ক) কোনও ব্যক্তিকে কোনও নির্বাচনে ভোট দান করিতে বা উহা হইতে বিরত থাকিতে অথবা নির্বাচনের প্রার্থী হইতে বা প্রার্থিতা প্রত্যাহার করিতে প্ররোচিত বা বাধ্য করিবার উদ্দেশ্যে, পরোক্ষ বা প্রত্যক্ষভাবে, তিনি নিজে বা তাহার পক্ষে অন্য কোনও ব্যক্তির মাধ্যমে –

- (অ) কোনও প্রকার শক্তি, ত্রাস বা প্রতিবন্ধকতা সৃষ্টি করেন বা ভীতি প্রদর্শন করেন; বা
- (আ) কোনও আঘাত, ক্ষতি, সম্মানহানী বা লোকসান ঘটান বা ঘটাইবার ভীতি প্রদর্শন করেন; বা
- (ই) কোনও সাধু বা পীরের দৈব অভিশাপ কামনা করেন বা করিবার ভীতি প্রদর্শন করেন; বা
- (ঈ) কোনও ধর্মীয় দণ্ড প্রদান করেন বা করিবার ভীতি প্রদর্শন করেন; বা
- (উ) কোনও সরকারী প্রভাব বা সরকারী পৃষ্ঠপোষকতা ব্যবহার করেন;

(খ) কোনও ব্যক্তি ভোট প্রদান করিবার কারণে বা ভোট প্রদান করা হইতে বিরত থাকিবার কারণে বা প্রার্থী হওয়ার বা প্রার্থিতা প্রত্যাহার করিবার কারণে, দফা (ক) হইতে (উ) তে বর্ণিত কোনও কাজ করেন;

(গ) অপহরণ, বলপ্রয়োগ বা কোনও প্রতারণামূলক কৌশল বা ফন্দির সাহায্যে—

(অ) কোনও ভোটার কর্তৃক তাহার ভোটাধিকার প্রয়োগে অসুবিধা সৃষ্টি বা বাধাদান করেন; বা

(আ) কোনও ভোটারকে ভোট প্রদান করিতে বা ভোট প্রদান করা হইতে বিরত থাকিতে বাধ্য, প্ররোচিত বা উদ্বুদ্ধ করেন।

ব্যাখ্যা :- এই বিধিতে “সম্মানহানি” বলিতে সামাজিক ভর্ৎসনা, একঘরেকরণ বা কোনও বর্ণ বা সম্প্রদায় হইতে বহিষ্কারও অন্তর্ভুক্ত হইবে।

৯২) কোনও ব্যক্তি উপ-বিধি (১) এ বর্ণিত কোনও প্রকার অবৈধ প্রভাব বিস্তারের দায়ে অনূন্য ৬ (ছয়) মাস ও অনধিক ৩ (তিন) বৎসর কারাদণ্ডে এবং অর্থদণ্ডেও দণ্ডনীয় হইবেন।

৭৫। ভোট গ্রহণ শুরু হইবার পূর্ববর্তী এবং পরবর্তী সময়ে সভা, শোভাযাত্রা, মিছিল, ইত্যাদি অনুষ্ঠান ও শান্তি।- (১) কোনও নির্বাচনী এলাকার ভোটগ্রহণ শুরুর পূর্ববর্তী ৩২ (বত্রিশ) ঘণ্টা, ভোট গ্রহণের সকাল ৮টা হইতে রাত্রি ১২টা এবং ভোট গ্রহণের দিন রাত্রি ১২টা হইতে পরবর্তী ৪৮ ঘণ্টা সময়ের মধ্যে উক্ত নির্বাচনী এলাকায় কোনও ব্যক্তি কোনও জনসভা আহ্বান, অনুষ্ঠান বা উহাতে যোগদান করিতে এবং মিছিল বা শোভাযাত্রা সংঘটিত করিতে বা ইহাতে যোগদান করিতে পারিবেন না।

(২) উপ-বিধি (১) এ উল্লিখিত সময়ের মধ্যে কোনও ব্যক্তি—

- (ক) কোনও আক্রমণাত্মক কাজ বা বিশৃঙ্খলামূলক আচরণ করিতে পারিবেন না ; বা
- (খ) ভোটার বা নির্বাচনী কাজকর্মে নিয়োজিত বা দায়িত্ব পালনরত কোনও ব্যক্তিকে ভয়ভীতি প্রদর্শন করিতে পারিবেন না ; বা
- (গ) কোনও অস্ত্র বা শক্তি প্রদর্শন বা ব্যবহার করিতে পারবেন না।
- (৩) কোনও ব্যক্তি উপ-বিধি (১) অথবা (২) এ উল্লিখিত বিধানাবলী লঙ্ঘনের দায়ে অনূন্য ২ (দুই) বৎসর ও অনধিক ৭ (সাত) বৎসর সশ্রম কারাদণ্ডে এবং অর্থদণ্ডেও দণ্ডনীয় হইবেন।

৭৬। ভোট কেন্দ্র বা উহার নিকটস্থ স্থানে নির্বাচনী প্রচারণা করিবার শাস্তি।- (১) কোনও ব্যক্তি ভোট গ্রহণের তারিখে ভো কেন্দ্রের চারশত গজ ব্যাসার্ধের মধ্যে নিম্নবর্ণিত প্রচারণার দায়ে দোষী সাব্যস্ত হইবেন, যথা:-

- (ক) ভোটের জন্য প্রচারণা; বা
- (খ) কোনও ভোটারের নিকট ভোট প্রার্থনা ; বা
- (গ) কোনও ভোটারকে নির্বাচনে ভোট প্রদান না করিবার জন্য বা কোনও বিশেষ প্রতিদ্বন্দ্বী প্রার্থীকে ভোট প্রদান না করিবার জন্য প্ররোচিত করা; বা
- (ঘ) রিটার্নিং অফিসারের বিনা অনুমতিতে, প্রার্থী বা তাহার নির্বাচনী এজেন্টের জন্য এবং ভোট কেন্দ্রের একশত গজ ব্যাসার্ধের বাহিরে কোনও সংরক্ষিত স্থান ব্যতীত ভোটারগণকে প্রতিদ্বন্দ্বী প্রার্থীকে ভোট প্রদানে উৎসাহিত বা নিরুৎসাহিত করিবার উদ্দেশ্যে পরিকল্পিতভাবে কোনও নোটিশ, বিজ্ঞাপন, ব্যানার বা পতাকা প্রদর্শন সঙ্কেত প্রদান।
- (২) কোনও ব্যক্তি উপ-বিধি (১) এ বর্ণিত বিধান লঙ্ঘনের দায়ে অনূন্য ৬ (ছয়) মাস ও অনধিক ৩ (তিন) বৎসর কারাদণ্ডে এবং অর্থদণ্ডেও দণ্ডনীয় হইবেন।

৭৭। ভোট গ্রহণের তারিখে মাইক্রোফোন, লাউড স্পিকার বা প্রতিধ্বনি সৃষ্টিকারী বা বর্ধনকারী যন্ত্র ব্যবহারের শাস্তি।- কোনও ব্যক্তি অনূন্য ৬ (ছয়) মাস ও অনধিক ৩ (তিন) বৎসর কারাদণ্ডে এবং অর্থদণ্ডেও দণ্ডনীয় হইবেন, যদি তিনি ভোটগ্রহণের তারিখে—

- (ক) ভোট কেন্দ্র হইতে শোনা যায় এমনভাবে কোনও মাইক্রোফোন, লাউড স্পিকার বা প্রতিধ্বনি সৃষ্টিকারী বা বর্ধনকারী অন্য কোনও যন্ত্র ব্যবহার করেন;
- (খ) অনবরত ভোট কেন্দ্রে শোনা যায় এমনভাবে চিৎকার করেন;
- (গ) এইরূপ কোনও কাজ করেন যাহা—
- (অ) ভোট কেন্দ্রে ভোট প্রদানের জন্য আগত কোনও ভোটারকে বিরক্ত করে বা তাহার অসন্তোষ ঘটায়; বা
- (আ) প্রিজাইডিং অফিসার, সহকারী প্রিজাইডিং অফিসার, পোলিং অফিসার বা ভোট কেন্দ্রে দায়িত্ব পালনরত অন্য কোনও ব্যক্তি দায়িত্ব ব্যাহত করে; বা
- (ঘ) দফা (ক) হইতে (গ)-তে উল্লিখিত কোনও কাজ করতে সহায়তা করেন।

৭৮। মনোনয়নপত্র, ব্যালট পেপার ইত্যাদি বিকৃত বা নষ্ট করার শাস্তি।- (১) উপ-ধারা (২) এ উল্লিখিত ব্যক্তিগণ ব্যতীত কোনও ব্যক্তি অনূন্য ৩ (তিন) বৎসর ও অনধিক ৭ (সাত) বৎসর সশ্রম কারাদণ্ডে এবং অর্থদণ্ডেও দণ্ডনীয় হইবেন; যদি তিনি -

- (ক) কোনও মনোনয়নপত্র, ব্যালট পেপার বা ব্যালট পেপারের উপর সরকারী সীলমোহর ইচ্ছাকৃতভাবে বিকৃত বা বিনষ্ট করেন;
- (খ) ইচ্ছাকৃতভাবে ভোট কেন্দ্র হইতে কোনও ব্যালট পেপার বাহির করিয়া লইয়া যান, অথবা কোনও ব্যালট ব্যাল্লের ভিতরে আইন অনুসারে ঢুকাইতে পারিবেন এইরূপ ব্যালট পেপার ব্যতীত অন্য কোনও ব্যালট পেপার ঢুকান;
- (গ) যথাযথ কর্তৃত্ব ব্যতীত—
- (অ) কোনও ব্যক্তিকে ব্যালট পেপার সরবরাহ করেন;

(আ) নির্বাচনের উদ্দেশ্যে ব্যবহৃত হইতেছে এইরূপ কোনও ব্যালট বাক্স বা ব্যালট পেপারের প্যাকেট নষ্ট করেন, গ্রহণ করেন, খোলেন বা অন্য কোনওভাবে হস্তক্ষেপ করেন; বা
(ই) এই বিধিমালার বিধান অনুযায়ী কৃত কোনও সীলমোহর ভাঙেন;

(ঘ) কোনও ব্যালট পেপার বা মার্কিং সীল জাল করেন;

(ঙ) ভোট গ্রহণ সমাপ্ত হইবার পর অবিলম্বে অনুসরণীয় পরবর্তী প্রয়োজনীয় কার্যক্রম আরম্ভ করিতে, পরিচালনা করিতে বা সমাপ্ত করিতে বিলম্ব ঘটান বা বাধার সৃষ্টি করেন;

(চ) কোনও প্রতিদ্বন্দ্বী প্রার্থীর বিজয়ের সম্ভাবনা বৃদ্ধির জন্য বা নির্বাচন বানচালের জন্য কোনও ভোট কেন্দ্র বা ভোটকক্ষ বলপূর্বক দখল করেন, বা করিবার ব্যাপারে সহায়তা করেন বা পরোক্ষভাবে সমর্থন প্রদান করেন; এবং

(অ) ভোট পরিচালনাকারী কর্মকর্তাগণকে ব্যালট পেপার, ব্যালট বাক্স বা ভোট সংক্রান্ত অন্য কোনও বস্তু বা দলিলপত্র সমর্পণ করিতে বাধ্য করেন এবং এইরূপ কোনও কাজ করেন যাহা সুশৃঙ্খলভাবে ভোট গ্রহণ বা ভোট গণনা বা নির্বাচন সংক্রান্ত দলিলপত্র প্রস্তুতকরণ প্রক্রিয়াকে ব্যাহত করে; বা

(আ) ভোট কেন্দ্র হইতে কোনও প্রার্থী বা তাহার নির্বাচনী এজেন্ট বা পোলিং এজেন্টকে বিতাড়িত করেন এবং ভোট পরিচালনাকারী কর্মকর্তাগণকে তাহদের অনুপস্থিতিতে নির্বাচন কার্য চালাইয়া যাইতে বাধ্য করেন; বা

(ই) ভোট পরিচালনাকারী কর্মকর্তাগণকে বিতাড়িত করিয়া ব্যালট পেপার, ব্যালট বাক্স, ভোট সংক্রান্ত জিনিসপত্র এবং দলিলপত্র বলপূর্বক দখল করেন এবং তাহার ইচ্ছানুযায়ী উহা অসংভাবে ব্যবহার করেন; বা

(ঈ) কেবল তাহার সমর্থক বা তাহার প্রার্থীর সমর্থকগণকে ভোট প্রদানে সাহায্য করেন এবং অন্য সকলকে ভোট প্রদান করা হইতে বিরত রাখেন।

(২) রিটার্নিং অফিসার, সহকারী রিটার্নিং অফিসার, প্রিজাইডিং অফিসার, সহকারী প্রিজাইডিং অফিসার বা নির্বাচন সংক্রান্ত দায়িত্ব পালনরত অন্য কোনও কর্মকর্তা বা কর্মচারী উপ-বিধি (১) এর দফা (ক) হইতে (চ) তে বর্ণিত কোনও কার্যকলাপের দায়ে দোষী সাব্যস্ত হইলে, তিনি অনূ্যন ৩ (তিন) বৎসর ও অনধিক ৭ (সাত) বৎসর সশ্রম কারাদণ্ডে ও অর্থদণ্ডেও দণ্ডনীয় হইবেন।

৭৯। **ভোটের গোপনীয়তা রক্ষায় ব্যর্থতার শাস্তি।**— কোনও রিটার্নিং অফিসার, সহকারী রিটার্নিং অফিসার, প্রিজাইডিং অফিসার, সহকারী প্রিজাইডিং অফিসার বা পোলিং অফিসার বা ভোট কেন্দ্রে উপস্থিত কোনও প্রার্থী, নির্বাচনী এজেন্ট বা পোলিং এজেন্ট বা ভোট গণনায় উপস্থিত কোনও ব্যক্তি অনূ্যন ১ (এক) বৎসর ও অনধিক ৫ (পাঁচ) বৎসর কারাদণ্ডে এবং অর্থদণ্ডেও দণ্ডনীয় হইবেন, যদি তিনি—

(ক) ভোটের গোপনীয়তা রক্ষা করিতে বা রক্ষা করিতে সাহায্য করিতে ব্যর্থ হন;

(খ) কোনও আইনানুগ উদ্দেশ্য ব্যতীত, ভোটগ্রহণ শেষ হইবার পূর্বে সরকারী সীলমোহর সম্পর্কে কোনও তথ্য কোনও ব্যক্তিকে প্রদান করেন; বা

(গ) কোনও বিশেষ ব্যালট পেপার দ্বারা কোনও প্রার্থীকে ভোট দেওয়া হইয়াছে তদসম্পর্কে ভোট গণনাতে প্রাপ্ত কোনও তথ্য প্রদান করেন।

৮০। **কোনও ব্যক্তিকে ভোট প্রদানে প্ররোচিত ইত্যাদি করিবার শাস্তি।**— কোনও রিটার্নিং অফিসার, সহকারী রিটার্নিং অফিসার, প্রিজাইডিং অফিসার, সহকারী প্রিজাইডিং অফিসার, পোলিং অফিসার বা নির্বাচন সংক্রান্ত দায়িত্ব পালনরত অন্য কোনও কর্মকর্তা বা কর্মচারী বা আইন প্রয়োগকারী সংস্থার কোনও সদস্য অনূ্যন ১ (এক) বৎসর ও অনধিক ৫ (পাঁচ) বৎসর কারাদণ্ডে এবং অর্থদণ্ডেও দণ্ডনীয় হইবেন, যদি তিনি—

(অ) কোনও ব্যক্তিকে তাহার ভোট প্রদানে প্ররোচিত করেন; বা

(আ) কোনও ব্যক্তিকে তাহার ভোট প্রদান করা হইতে নিবৃত্ত করেন; বা

(ই) কোনওভাবে কোনও ব্যক্তির ভোট প্রদান প্রভাবিত করেন; বা

(ঈ) নির্বাচনের ফলাফল প্রভাবিত করিবার উদ্দেশ্যে অন্য কোনও কাজ করেন।

৮১। **সরকারি দায়িত্ব পালনে ব্যর্থতার শাস্তি।**— কোনও রিটার্নিং অফিসার, সহকারী রিটার্নিং অফিসার, প্রিজাইডিং অফিসার, সহকারী প্রিজাইডিং অফিসার অথবা এই বিধিমালার দ্বারা বা অধীন ক্ষমতাপ্রাপ্ত কোনও কর্মকর্তা বা সরকারী দায়িত্ব পালনে সহায়তা প্রদানের উদ্দেশ্যে নিয়োজিত অন্য কোনও ব্যক্তি, ইচ্ছাকৃতভাবে এবং যুক্তিসঙ্গত কারণ ব্যতিরেকে কোনও সরকারী দায়িত্ব পালন করিতে ব্যর্থ হইলে

উক্ত কর্মকর্তা, বা ক্ষেত্রমত ব্যক্তি ব্যক্তি অনধিক ১ (এক) বৎসর কারাদণ্ডে অথবা অনধিক পাঁচ হাজার টাকা অর্থদণ্ডে অথবা উভয় দণ্ডে দণ্ডনীয় হইবেন।

৮২। সরকারী পদমর্যাদার অপব্যবহারের শাস্তি।-- প্রজাতন্ত্রের কর্মে নিয়োজিত কোনও ব্যক্তি অনূ্যন ১ (এক) বৎসর ও অনধিক ৫ (পাঁচ) বৎসর কারাদণ্ডে এবং অর্থদণ্ডেও দণ্ডনীয় হইবেন, যদি তিনি কোনওভাবে নির্বাচনের ফলাফল প্রভাবিত করিবার উদ্দেশ্যে তাহার সরকারী পদমর্যাদার অপব্যবহার করেন।

৮৩। আইন প্রয়োগকারী সংস্থার সদস্য কর্তৃক গ্রেফতারের ক্ষমতা।-- ফৌজদারী কার্যবিধিতে, বা আপাততঃ বলবৎ অন্য কোনও আইনে যাহা কিছুই থাকুক না কেন, নির্বাচন সংক্রান্ত দায়িত্ব পালনরত আইন প্রয়োগকারী সংস্থার কোনও সদস্য---

(ক) তিনি পুলিশ কর্মকর্তা না হলেও, ভোট গ্রহণের দিন ভোট কেন্দ্রে বা ভোট কেন্দ্রের চারশত গজ ব্যাসার্ধের মধ্যে নির্বাচন সংক্রান্ত দায়িত্ব পালনরত ব্যক্তি ব্যতীত, কোনও ব্যক্তিকে বিধি ৭০ এর দফা (ক), (চ) ও (ছ), ৭১ (গ), (ঘ), (ঙ), (চ) ও (ছ), ৭৫, ৭৬, ৭৭, ৭৮ এর দফা (ক) এবং ৮০ এর অধীন কৃত কোনও অপরাধের জন্য অথবা শাস্তি ও আইন শৃঙ্খলা বজায় রাখিবার জন্য, উক্ত কার্যবিধি অধীন একজন পুলিশ কর্মকর্তা কর্তৃক বিনা ওয়ারেন্টে গ্রেফতার করিবার যেরূপ ক্ষমতা আছে সেইরূপ ক্ষমতা প্রাপ্ত হইবেন;

(খ) রিটার্নিং অফিসার বা প্রিজাইটিং অফিসার, বা ক্ষেত্রমত নির্বাচন কমিশন, কর্তৃক ক্ষমতাপ্রাপ্ত কোনও ব্যক্তির দফা (ক) তে উল্লিখিত বিধির অধীন কৃত কোনও অপরাধের জন্য যে কোনও ব্যক্তির দফা (ক) তে উল্লিখিত বিধির অধীন কৃত কোনও অপরাধের জন্য কোনও ব্যক্তিকে বিনা ওয়ারেন্টে গ্রেফতার করিতে পারিবেন;

(গ) বিধি ৩১ মোতাবেক প্রিজাইডিং অফিসার কর্তৃক অপসারিত কোনও ব্যক্তি ভোট কেন্দ্রে কোনও অপরাধ করিলে উক্ত ব্যক্তিকে বিনা ওয়ারেন্টে গ্রেফতার করিতে পারিবেন;

(ঘ) বিধি ৭৬ (ঘ) তে উল্লিখিত কোনও নোটিশ, বিজ্ঞাপন, ব্যানার বা পতাকা অপসারণ করিতে পারিবেন;

(ঙ) বিধি ৭৭ (ক) তে উল্লিখিত কোনও যন্ত্রপাতি বা বাদ্যযন্ত্র জব্দ করিতে পারিবেন; এবং

(চ) অধ্যাদেশ ও এই বিধিমালার অধীন তাহার ক্ষমতা প্রয়োগ এবং দায়িত্ব পালনের জন্য যুক্তিসঙ্গতভাবে প্রয়োজনীয় বল প্রয়োগসহ অন্য যে কোনও পদক্ষেপ গ্রহণ করিতে পারিবেন।

৮৪। পোস্টার, তোরণ ইত্যাদি অপসারণে আইন প্রয়োগকারী সংস্থার ক্ষমতা।-- (১) নির্বাচন সংক্রান্ত দায়িত্বপালনরত কোনও পুলিশ কর্মকর্তা বা আইন প্রয়োগকারী সংস্থার অন্য কোনও সদস্য--

(ক) কোনও প্রার্থী বহু রঙের পোস্টার বা প্রতিকৃতি বা নির্ধারিত সাইজ হইতে বড় সাইজের পোস্টার বা প্রতীক;

(খ) কোনও প্রার্থীর জন্য তৈরি গেইট বা তোরণ বা ঘেরা;

(গ) চারশত বর্গফুট হইতে অতিরিক্ত এলাকাব্যাপী কোনও প্রার্থীর প্যাশ্বেল;

(ঘ) কোনও প্রার্থী কর্তৃক কোনও নির্বাচনী এলাকায় যে কোনও সময়ে ব্যবহৃত দুইটির অধিক মাইক্রোফোন বা লাউড স্পিকার;

(ঙ) মেয়র পদে প্রতিদ্বন্দ্বী একজন প্রার্থীর প্রতি ওয়ার্ডে একটি এবং কাউন্সিলর পদে প্রতিদ্বন্দ্বী একজন প্রার্থীর অনধিক পনের হাজার ভোটার সম্বলিত ওয়ার্ডের জন্য সর্বোচ্চ দুইট এবং ষোল হাজার ও তদূর্ধ্ব ভোটার সম্বলিত ওয়ার্ডের জন্য সর্বোচ্চ তিনটি নির্বাচনী ক্যাম্প অথবা অফিস এর অধিক নির্বাচনী ক্যাম্প অথবা অফিস;

(চ) যে কোনও প্রকারে বিদ্যুৎ ব্যবহারপূর্বক কোনও প্রার্থীর নির্বাচনী প্রচারণার অংশ হিসাবে আলোকসজ্জা; বা

(ছ) কোনও প্রার্থীর জন্য প্রচারণার পস্থা হিসাবে কালি বা অন্য যে কোনওভাবে কোনও দেওয়াল দালান, থাম, সেতু, যানবাহন বা জলখানে, বা এইরূপ বিজ্ঞাপনের জন্য নির্দিষ্ট নহে এইরূপ স্থানে অঙ্কিত, লিখিত বা চিত্রাঙ্কিত প্রচারণা--

সম্পর্কে যেইসময়ে, বা যে স্থানে অবহিত হন বা উহা তাহার গোচরীভূত হয়, তিনি তৎক্ষণাৎ এবং উক্ত স্থানে উহা মুছিয়া ফেলিবার, বা ক্ষেত্রমত, অপসারণ করিবার নির্দেশ দিবে।

(২) কোনও পুলিশ কর্মকর্তা, বা আইন প্রয়োগকারী সংস্থার অন্য কোনও সদস্য, যুক্তিসঙ্গত কারণ ব্যতীত, উপ-বিধি (১) এর অধীন ব্যবস্থা গ্রহণ করিতে ব্যর্থ হইলে বা ব্যবস্থা গ্রহণে অবহেলা করিলে তিনি অদক্ষতা বা অসদাচরণের অপরাধে দোষী বলিয়া গণ্য হইবেন, এবং

নির্বাচন কমিশন বা রিটার্নিং অফিসার অনুরোধ করিলে, তাহার নিয়োগকারী কর্তৃপক্ষ তাহার বিরুদ্ধে যথাযথ শাস্তিমূলক ব্যবস্থা গ্রহণ করিবে এবং নির্বাচন কমিশন, বা ক্ষেত্রমত, রিটার্নিং অফিসারকে গৃহীত ব্যবস্থা সম্পর্কে অবহিত করিবে, এবং উক্ত গৃহীত ব্যবস্থা কর্মকর্তার সার্ভিস রেকর্ডে লিপিবদ্ধ করিবে।

(৩) কোনও রিটার্নিং অফিসার বা সহকারী রিটার্নিং অফিসার, বা ক্ষেত্রমত, নির্বাচন কমিশন হইলে ক্ষমতাপ্রাপ্ত কোনও কর্মকর্তা, কোনও পুলিশ কর্মকর্তাকে বা নির্বাচন সংক্রান্ত দায়িত্ব পালনকারী আইন প্রয়োগকারী সংস্থার অন্য কোনও সদস্যকে তদকর্তৃক নির্ধারিত সময়ের মধ্যে উপ-বিধি (১) এর অধীন অপসারণযোগ্য কোনও পদার্থ, দ্রব্য বা সামগ্রী অপসারণ করিতে নির্দেশ দিতে পারিবেন, এবং অনুরূপ পুলিশ কর্মকর্তা বা আইন প্রয়োগকারী সংস্থার কোনও সদস্য এইরূপ নির্দেশ পালনে ত্বরিত ব্যবস্থা গ্রহণ করিবেন এবং প্রতিপালন সম্পর্কে উক্ত রিটার্নিং অফিসার ও সহকারী রিটার্নিং অফিসারকে রিপোর্ট করিবেন।

(৪) কোনও পুলিশ কর্মকর্তা বা আইন প্রয়োগকারী সংস্থার অন্য কোনও সদস্য যুক্তিসঙ্গত কারণ ব্যতীত, উপ-বিধি (৩) এ উল্লিখিত নির্দেশ পালন করিতে ব্যর্থ হইলে বা অস্বীকার করিলে বা অবহেলা করিলে, তিনি অদক্ষতা বা অসদাচরণের অপরাধে দোষী বলিয়া গণ্য হইবেন এবং তাহার ক্ষেত্রে উপ-বিধি (২) এর বিধান প্রযোজ্য হইবে।

(৫) কোনও রিটার্নিং অফিসার বা সহকারী রিটার্নিং অফিসার, কোনও প্রার্থী বা তাহার নির্বাচনী এজেন্টকে উপ-বিধি (১) এর অধীন অপসারণযোগ্য কোনও পদার্থ, দ্রব্য বা সামগ্রী অবিলম্বে অপসারণ করিতে নির্দেশ দিতে পারিবেন এবং উক্ত প্রার্থী বা তাহার নির্বাচনী এজেন্ট অনুরূপ নির্দেশ পালন করিবেন এবং উক্ত নির্দেশ পালন সম্পর্কে রিটার্নিং অফিসার ও সহকারী অফিসারের নিকট রিপোর্ট করিবেন।

(৬) কোনও প্রার্থী বা তাহার নির্বাচনী এজেন্ট যুক্তিসঙ্গত কারণ ব্যতীত উপ-বিধি (৪) এর অধীন প্রদত্ত নির্দেশ পালনে ব্যর্থ হইলে অস্বীকার বা অবহেলা করিলে, তিনি বা ক্ষেত্রমত তাহার নির্বাচনী এজেন্ট, অথবা উভয়েই বিধি ৭০ এর অধীন বেআইনী আচরণের অপরাধে দোষী বলিয়া গণ্য হইবেন।

(৭) কোনও পুলিশ কর্মকর্তা বা আইন প্রয়োগকারী সংস্থার অন্য কোনও সদস্য কর্তৃক অপসারিত কোনও পদার্থ, দ্রব্য বা সামগ্রী প্রার্থীর দখল হইতে জব্দ করা হইয়াছে বলিয়া গণ্য হইবে এবং এইরূপ অপসারণের সময় বিনষ্ট না হইয়া থাকিলে, উক্ত পদার্থ, দ্রব্য বা সামগ্রী নিকটতম থানার হেফাজতে রাখিতে হইবে এবং কোনও নির্বাচনী দরখাস্ত বিচারাধীন না থাকিলে, অনুরূপ হেফাজতের তারিখ হইতে ছয় মাস অতিক্রান্ত হইবার পর জব্দকৃত মালামাল বিনষ্ট করা যাইবে বা রাষ্ট্রের অনুকূলে বাজেয়াপ্ত করা হইবে।

(৮) কোনও পুলিশ কর্মকর্তা বা আইন প্রয়োগকারী সংস্থার অন্য কোনও সদস্য এই বিধির অধীন তাহার দায়িত্ব পালন বা ক্ষমতা প্রয়োগের জন্য প্রয়োজনীয় বলপ্রয়োগসহ যে কোনও পদক্ষেপ বা ব্যবস্থা গ্রহণ করিতে বা করাইতে পারিবেন।

(৯) এই বিধির অধীন গৃহীত কোনও ব্যবস্থা অবিলম্বে নির্বাচন কমিশনকে এবং রিটার্নিং অফিসার ও সহকারী রিটার্নিং অফিসারকেও অবহিত করিতে হইবে।

(১০) এই বিধির অধীন গৃহীত কোনও ব্যবস্থা, এই বিধিমালার অন্য কোনও বিধানে অধীন গৃহীতব্য অন্য কোনও ব্যবস্থা বা আরোপিত অন্য কোন শাস্তির অতিরিক্ত হইবে।

(১১) এই বিধির অধীন কোনও ব্যবস্থা বিধি ১০ এর উপ-বিধি (১) এর অধীন প্রজ্ঞাপন জারীর তারিখ হইতে সংশ্লিষ্ট নির্বাচনী এলাকার ভোটগ্রহণ সম্পন্ন হওয়া পর্যন্ত, উভয় দিনসহ, সময়ের মধ্যে যে কোনও সময়ে গ্রহণ করা যাইবে।

৮৫। **অপরাধ বিচারার্থ গ্রহণ।**—(১) কোনও আদালত নির্বাচন কমিশনের অনুমোদনক্রমে বা নির্বাচন কমিশন হইতে প্রাপ্ত ক্ষমতাবলে দায়েরকৃত কোনও লিখিত অভিযোগ ব্যতীত, বিধি ৭৮ এর উপ-বিধি (২), ৭৯, ৮০, ৮১ বা ৮২ এর অধীন কোনও অপরাধ বিচারার্থ আমলে নিবেন না।

(২) যদি নির্বাচন কমিশনের নিকট ইহা বিশ্বাস করিবার কারণ থাকে যে, বিধি ৭৮ এর উপ-বিধি (২), ৭৯, ৮০, ৮১ ও ৮২ তে এ উল্লিখিত কোনও অপরাধ সংঘটিত হইয়াছে, তাহা হইলে উহা উদঘাটনের জন্য তৎবিবেচনায় উপযুক্ত কোন তদন্ত করাইতে বা ফৌজদারী মামলা দায়ের করিতে বা করাইতে পারিবেন।

৮৬। **কতিপয় ব্যক্তি কর্তৃক ম্যাজিস্ট্রেটের ক্ষমতা প্রয়োগ।**— ফৌজদারী কার্যবিধিতে যাহা কিছুই থাকুক না কেন, আইন প্রয়োগকারী সংস্থার কোনও সদস্য ব্যতীত, আপাততঃ নির্বাচন সংক্রান্ত দায়িত্ব পালনরত কোনও ব্যক্তি, নির্বাচন কমিশন কর্তৃক এতদুদ্দেশ্যে সাধারণ বা বিশেষ আদেশ দ্বারা ক্ষমতাপ্রাপ্ত হইলে—

(ক) বিধি ৭৩, ৭৫, ৭৬, ৭৭, ৭৮ দফা (১) এবং ৭৯ এর অধীন শাস্তিযোগ্য অপরাধ সম্পর্কে উক্ত কার্যবিধির অধীন কোনও প্রথম শ্রেণীর ম্যাজিস্ট্রেটের ক্ষমতা প্রয়োগ করিতে পারিবেন; এবং

(খ) উক্ত কার্যবিধির ধারা ১৯০ এর উপ-ধারা (১) এর যে কোনও দফার অধীন অনুরূপ কোনও অপরাধ বিচারার্থ গ্রহণ করিতে পারিবেন এবং উক্ত কার্যবিধির সংক্ষিপ্ত সংক্রান্ত বিধানাবলী অনুযায়ী অনুরূপ কোনও অপরাধ সংক্ষিপ্ত পদ্ধতিতে বিচার করিবেন।

৮৭। **কতিপয় মামলা দায়েরের মেয়াদ।**— বিধি ৭০ বা ৭১ এর অধীন কোনও অপরাধের জন্য কোনও মামলা দায়ের করা যাইবে না, যদি না—

- (ক) অপরাধটি সংঘটিত হইবার ছয় মাসের মধ্যে উক্ত মামলা দায়ের করা হয়; বা
- (খ) সংঘটিত অপরাধ নির্বাচন সংক্রান্ত হইলে এবং নির্বাচন ট্রাইবুন্যাল উক্ত অপরাধ সম্পর্কে কোনও আদেশ প্রদান করিয়া থাকিলে, অনুরূপ আদেশ প্রদানের তারিখ হইতে ৩ (তিন) মাসের মধ্যে দায়ের করা হয়।

ষষ্ঠ অধ্যায় বিবিধ

৮৮। **গাড়ি হুকুম দখলে সরকারের ক্ষমতা।**— (১) সরকার বা সরকার কর্তৃক এতদুদ্দেশ্যে ক্ষমতাপ্রাপ্ত কোনও কর্মকর্তা, নির্বাচন কমিশন অনুরোধ করিলে, লিখিত আদেশ দ্বারা, কোনও ভোট কেন্দ্রে বা কেন্দ্র হইতে ব্যালট বাক্স বা অন্যান্য নির্বাচন সংক্রান্ত জিনিসপত্র বা নির্বাচন সংক্রান্ত কোনও কর্তব্য পালনে নিযুক্ত কোনও কর্মকর্তা বা ব্যক্তিকে আনা-নেওয়ার জন্য প্রয়োজনীয় বা প্রয়োজন হইতে পারে এইরূপ কোনও যানবাহন বা জলযান হুকুম দখল করিতে পারিবেন :

তবে শর্ত থাকে যে, কোনও প্রার্থী বা তাহার নির্বাচনী এজেন্ট কর্তৃক সংশ্লিষ্ট প্রার্থীর নির্বাচন সংক্রান্ত কোনও উদ্দেশ্যে ব্যবহৃত কোনও যানবাহন বা জলযান এইরূপে হুকুম দখল করা যাইবে না।

(২) উপ-বিধি (১) এর অধীন কোনও হুকুম দখলকৃত যানবাহন বা জলযানের মালিককে, সরকার বা যানবাহন বা জলযানটির হুকুম দখল দখলকারী কর্মকর্তা, স্থানীয়ভাবে প্রচলিত মূল্যের ভিত্তিতে উহার ভাড়া নির্ধারণপূর্বক ক্ষতিপূরণ প্রদান করিবেন:

তবে শর্ত থাকে যে, এইরূপে নির্ধারিত ক্ষতিপূরণের পরিমাণ দ্বারা সংক্ষুব্ধ যানবাহন বা জলযানের মালিক ক্ষতিপূরণের পরিমাণ নির্ধারণের তারিখ হইতে ত্রিশ (৩০) দিনের মধ্যে সরকারের নিকট বিষয়টি লিখিতভাবে আপত্তি দাখিল করিলে সরকার, এতদুদ্দেশ্যে নিযুক্ত সালিশ কর্তৃপক্ষ কর্তৃক নির্ধারিত পরিমাণে ক্ষতিপূরণ প্রদান করিবে।

৮৯। **কতিপয় নির্বাচন-সংশ্লিষ্ট কর্মকর্তার বদলী সংক্রান্ত।**— (১) বিধি ১০ এর অধীন প্রজ্ঞাপন প্রকাশিত হইবার পর এবং রিটার্নিং অফিসার কর্তৃক বিধি ৪৩ এর অধীন নির্বাচনের ফলাফল ঘোষণার পর পনের দিন সময় অতিক্রান্ত না হওয়া পর্যন্ত নিম্নবর্ণিত কর্মকর্তাগণকে নির্বাচন কমিশনের সহিত পরামর্শ ব্যতীত বদলী করা যাইবে না।

- (ক) বিভাগীয় কমিশনার;
- (খ) মেট্রোপলিটন পুলিশ কমিশনার; এবং
- (গ) দফা (ক) ও (খ) এ উল্লিখিত কর্মকর্তাগণের সংশ্লিষ্ট সিটি কর্পোরেশন এলাকায় কর্মরত অধঃস্থ কর্মকর্তা।

(২) নির্বাচন কমিশন কোনও বিভাগীয় কমিশনার বা মেট্রোপলিটন পুলিশ কমিশনার অথবা তাহাদের অধঃস্থ কোনও কর্মকর্তাকে সংশ্লিষ্ট সিটি কর্পোরেশনের বাহিরে বদলী করা প্রয়োজন বলিয়া লিখিতভাবে অনুরোধ করিলে সংশ্লিষ্ট কর্তৃপক্ষ উক্ত কর্মকর্তাগণকে তাৎক্ষণিকভাবে বদলী করিবে।

(৩) নির্বাচনের ফলাফল সরকারীভাবে ঘোষিত না হওয়া পর্যন্ত বিধি ৮ এর অধীনে প্রস্তুতকৃত কোনও প্যানেলের অন্তর্ভুক্ত প্রিজাইডিং অফিসার, সহকারী প্রিজাইডিং অফিসার ও পোলিং অফিসারকে রিটার্নিং অফিসারের পূর্বানুমোদন ব্যতিরেকে সংশ্লিষ্ট সিটি কর্পোরেশনের বাহিরে বদলী করা যাইবে না।

৯০। কতিপয় ক্ষেত্রে নির্বাচন কমিশনের বিশেষ ক্ষমতা:— ভিন্নরূপ কোনও বিধান ব্যতীত নির্বাচন কমিশন—

(ক) নির্বাচনের যে কোনও পর্যায়ে যে কোনও ভোট কেন্দ্রের ভোটগ্রহণ বন্ধ করিতে পারিবে, যদি উহার নিকট সন্তোষজনকভাবে প্রতীয়মান হয় যে, উহা নির্বাচনে বলপ্রয়োগ, ভীতি-প্রদর্শন এবং চাপ সৃষ্টিসহ বিভিন্ন বিরাজমান অপকর্মের কারণে উহা ন্যায়সঙ্গত ও নিরপেক্ষভাবে এবং আইন অনুযায়ী নির্বাচন পরিচালনা নিশ্চিত করিতে সক্ষম হইবে না;

(খ) কোনও ব্যালট পেপার বাতিল বা গ্রহণসহ, এই বিধিমালার অধীন কোনও কর্মকর্তা কর্তৃক প্রদত্ত কোনও আদেশ পুনর্বিবেচনা করিতে পারিবে; এবং

(গ) অধ্যাদেশ ও এই বিধিমালার বিধান অনুযায়ী ভোট কেন্দ্রের নির্বাচন নিরপেক্ষ, ন্যায়সঙ্গত ও সুষ্ঠুভাবে পরিচালনা নিশ্চিতকরণের জন্য, উহার মতে, প্রয়োজনীয় নির্দেশাবলী জারী করিতে, ক্ষমতা প্রয়োগ করিতে এবং প্রাসঙ্গিক অন্যান্য আদেশ প্রদান করিতে পারিবে।

৯১। নির্বাচন কমিশনের প্রার্থিতা বাতিলের ক্ষমতা।— (১) অধ্যাদেশ বা এই বিধিমালায় যাহা কিছুই থাকুক না কেন, যদি কোনও উৎস হইতে প্রাপ্ত রেকর্ড বা মৌখিক কিংবা লিখিত রিপোর্ট হইতে নির্বাচন কমিশনের নিকট প্রতীয়মান হয় যে, মেয়র বা কাউন্সিলর পদে প্রতিদ্বন্দ্বী কোনও প্রার্থী বা তাহার নির্বাচনী এজেন্ট এই বিধিমালার কোনও বিধান লঙ্ঘন করিয়াছেন বা লঙ্ঘনের চেষ্টা করিতেছেন এবং অনুরূপ লঙ্ঘন বা লঙ্ঘনের চেষ্টার জন্য তিনি মেয়র, বা ক্ষেত্রমত, কাউন্সিলর নির্বাচিত হইবার অযোগ্য হইতে পারেন, তাহা হইলে নির্বাচন কমিশন বিষয়টি সম্পর্কে তাৎক্ষণিক তদন্তের নির্দেশ প্রদান করিতে পারিবে।

(২) উপ-বিধি (১) এর অধীন তদন্তের রিপোর্ট প্রাপ্তির পর নির্বাচন কমিশন যদি এই মর্মে সন্তুষ্ট হয় যে, কোনও প্রতিদ্বন্দ্বী প্রার্থী বা তাহার নির্বাচনী এজেন্ট বা তাহার নির্দেশ বা তাহার পক্ষে তাহার প্রত্যক্ষ বা পরোক্ষ সম্মতিতে অন্য কোনও ব্যক্তি এই বিধিমালার কোনও বিধান লঙ্ঘন করিয়াছেন বা লঙ্ঘনের চেষ্টা করিয়াছেন এবং অনুরূপ লঙ্ঘন বা লঙ্ঘনের চেষ্টার জন্য তিনি মেয়র বা কাউন্সিলর নির্বাচিত হইবার অযোগ্য হইতে পারেন, তাহা হইলে নির্বাচন কমিশন, তাৎক্ষণিকভাবে আদেশ দ্বারা, উক্ত প্রতিদ্বন্দ্বী প্রার্থীর প্রার্থিতা বাতিল করিতে পারিবে।

(৩) নির্বাচন কমিশন উপ-বিধি (২) এর অধীন প্রদত্ত কোনও আদেশ সংশ্লিষ্ট প্রতিদ্বন্দ্বী প্রার্থী বা তাহার নির্বাচনী এজেন্টকে এবং রিটার্নিং অফিসার ও প্রিজাইডিং অফিসারকে যথাশীঘ্র সম্ভব অবহিত করিবে।

(৪) নির্বাচন কমিশন উপ-বিধি (২) এর অধীন প্রদত্ত আদেশ সরকারী গেজেটে প্রকাশের ব্যবস্থা গ্রহণ করিবে।

৯২। নির্বাচন পর্যবেক্ষক নিয়োগে নির্বাচন কমিশনের ক্ষমতা।—(১) নির্বাচন কমিশন দেশী বা বিদেশী এমন কোনও ব্যক্তিকে লিখিতভাবে নির্বাচন পর্যবেক্ষক হিসাবে অনুমতি দিতে পারিবে, যিনি কোনওভাবেই কোনও রাজনৈতিক দল বা প্রতিদ্বন্দ্বী প্রার্থীর সহিত সংযুক্ত বা সম্পর্কিত নহেন এবং যিনি, প্রত্যক্ষ বা পরোক্ষভাবে, কোনও বিশেষ রাজনৈতিক ভাবাদর্শ, মতবাদ বা লক্ষ্যের প্রতি বা কোনও রাজনৈতিক দল বা প্রতিদ্বন্দ্বী প্রার্থীর ম্যানিফেস্টো, প্রোগ্রাম, লক্ষ্য বা উদ্দেশ্যের প্রতি সহানুভূতির জন্য পরিচিত নহেন।

(২) উপ-বিধি (১) এর অধীন অনুমতিপ্রাপ্ত কোনও নির্বাচন পর্যবেক্ষক, নির্বাচন কমিশন কর্তৃক জারীকৃত নীতিমালা অনুসারে পরিচয়পত্র প্রদর্শন সাপেক্ষে, কোনও ভোট কেন্দ্রের কাছে অবস্থান করিয়া বা প্রিজাইডিং অফিসারের অনুমতিক্রমে, কোনও ভোট কক্ষ বা ভোট কেন্দ্রে প্রবেশ করিয়া ভোট পর্যবেক্ষণ করিতে পারিবেন।

(৩) রিটার্নিং অফিসার কিংবা প্রিজাইডিং অফিসারের নিকট যদি প্রতীয়মান হয় যে, উপ-বিধি (১) এর অধীন অনুমতিপ্রাপ্ত কোনও পর্যবেক্ষক নিরপেক্ষ নির্বাচন পর্যবেক্ষণের উপযোগী নহে এইরূপ কোন কার্যকলাপে প্রশ্রয় প্রদান করিতেছেন বা কোনওভাবে ভোটগ্রহণ প্রক্রিয়ায় বা নির্বাচন বা নির্বাচন কর্তৃপক্ষের কাজে হস্তক্ষেপ করিতেছেন, তাহা হইলে উক্ত রিটার্নিং অফিসার কিংবা প্রিজাইডিং অফিসার সংশ্লিষ্ট পর্যবেক্ষককে তাৎক্ষণিকভাবে নির্বাচনী এলাকার ভোট কেন্দ্র ত্যাগ করিতে নির্দেশ দিতে পারিবেন।

(৪) রিটার্নিং অফিসার উপ-বিধি (৩) এর অধীন গৃহীত যে কোনও ব্যবস্থা অবিলম্বে নির্বাচন কমিশনকে রিপোর্ট করিবেন।

(৫) কোনও নির্বাচন পর্যবেক্ষক ভোটের নিরপেক্ষতা, ভোট কেন্দ্রের ভিতরের ও বাহিরের পরিবেশ ও শৃঙ্খলা, অধ্যাদেশ ও উহার অধীন প্রণীত বিধিমালা প্রতিপালন বা নির্বাচন সংক্রান্ত অন্য যে কোনও বিষয়ে তাহার পর্যবেক্ষণের উপর নির্বাচন কমিশন বা রিটার্নিং অফিসারের নিকট রিপোর্ট পেশ করিতে পারিবেন।

(৬) অধ্যাদেশ ও এই বিধিমালায় যাহা কিছুই থাকুক না কেন, নির্বাচন কমিশন, বা ক্ষেত্রমত রিটার্নিং অফিসার, এই বিধিমালার অধীন কোনও বিষয়ে সিদ্ধান্ত গ্রহণের সময় উহার নিকট পেশকৃত বা প্রেরিত অন্য কোনও রিপোর্টের সহিত উক্ত বিষয়ের সহিত সম্পর্কিত কোনও নির্বাচন পর্যবেক্ষকের রিপোর্টও বিবেচনা করিতে পারিবেন।

৯৩। নির্বাচন কমিশন এবং কতিপয় কর্মকর্তার সিদ্ধান্তের বিরুদ্ধে আদালতে প্রশ্ন উত্থাপনে বাধা-নিষেধ।— নির্বাচন কমিশন বা কোনও রিটার্নিং অফিসার বা প্রিজাইডিং অফিসার বা পোলিং অফিসার কর্তৃক, বা তদ্ব্যবস্থাপক সারল বিশ্বাসে কৃত কর্ম, গৃহীত কোনও ব্যবস্থা, অথবা প্রদত্ত কোন সিদ্ধান্তের বৈধতার বিষয়ে কোনও আদালতে প্রশ্ন উত্থাপন করা যাইবে না।

৯৪। সরকার, নির্বাচন কমিশন এবং কতিপয় কর্মকর্তার বিরুদ্ধে মামলা বা কার্যক্রম গ্রহণে বাধা-নিষেধ।— অধ্যাদেশ এই বিধিমালা অনুযায়ী সারল বিশ্বাসে কৃত কোনও কার্যের জন্য সরকার, নির্বাচন কমিশন বা উহার কোনও কর্মকর্তা বা অন্য কোনও ব্যক্তির বিরুদ্ধে কোনও দেওয়ানী বা ফৌজদারী মামলা রুজু বা অন্য কোনও আইনগত কার্যধারা গ্রহণ করা যাইবে না।

৯৫। রহিতকরণ ও হেফাজত।—(১) এতদ্বারা Dhaka City Corporation (Election) Rules, 1983, রাজশাহী সিটি কর্পোরেশন (নির্বাচন) বিধিমালা, ১৯৮৮, The Khulna City Corporation (Election) Rules, 1986, Chittagong city Corporation (Election) Rules, 1983, বরিশাল সিটি কর্পোরেশন নির্বাচন বিধিমালা, ২০০২ এবং রাজশাহী সিটি কর্পোরেশন নির্বাচন বিধিমালা, ২০০২, অতঃপর একত্রে উক্ত বিধিমালা বলিয়া উল্লিখিত, রহিত করা হইল।

(২) উপ-বিধি (১) এর অধীন রহিতকরণ সত্ত্বেও, উক্ত বিধিমালার অধীনকৃত কোনও কার্য বা গৃহীত কোনও ব্যবস্থা এই বিধিমালার অধীন এমনভাবে কৃত বা গৃহীত হইয়াছে বলিয়া গণ্য হইবে যেন উক্ত কার্যক্রম বা ব্যবস্থা গ্রহণের সময় এই বিধিমালা বলবৎ ছিল।

..... সিটি কর্পোরেশনের মেয়র নির্বাচনের জন্য মনোনয়ন ফরম (ফরম-ক) পূরণের নির্দেশিকা

- (১) প্রথম খণ্ড: মনোনয়ন
- | | | |
|-----|--------------|--|
| ১.১ | প্রথম অংশ | : প্রস্তাবকারী কর্তৃক পূরণ করিতে হইবে |
| ১.২ | দ্বিতীয় অংশ | : সমর্থনকারী কর্তৃক পূরণ করিতে হইবে |
| ১.৩ | তৃতীয় অংশ | : মনোনীত প্রার্থী কর্তৃক পূরণ করিতে হইবে |

(২) দ্বিতীয় খণ্ড: প্রার্থীর ব্যক্তিগত তথ্যাদি

(৩) তৃতীয় খণ্ড: রিটার্নিং অফিসার কর্তৃক পূরণ করিতে হইবে

(৪) চতুর্থ খণ্ড: রিটার্নিং অফিসার কর্তৃক পূরণ করিতে হইবে

(৫) পঞ্চম খণ্ড: রিটার্নিং অফিসার কর্তৃক পূরণ করিতে হইবে

সংযুক্তি হিসাবে নিম্নোক্ত কাগজপত্র দাখিল করিতে হইবে

১. হলফনামা (প্রার্থীর সর্বোচ্চ শিক্ষাগত যোগ্যতার সত্যায়িত সনদপত্র সংযুক্ত করিতে হইবে)

২. নির্বাচনী ব্যয় নির্বাহ করিবার জন্য সম্ভাব্য অর্থ প্রাপ্তির উৎস/ উৎসসমূহের বিবরণী

৩. সম্পদ বিবরণী সম্বলিত সর্বশেষ দাখিলকৃত আয়কর রিটার্নের এবং কর পরিশোধের প্রমাণপত্রের কপি (প্রযোজ্য ক্ষেত্রে)

৪. জামানতের টাকা জমাদানের রশিদ/ ট্রেজারী চালানোর কপি

নি ক মনোগ্রাম

ক্রমিক নম্বর

তফসিল-১

ফরম-ক

[বিধি ১২(৩) দ্রষ্টব্য]

মেয়র নির্বাচনে প্রার্থীর মনোনয়নপত্র

সিটি কর্পোরেশন

প্রথম খণ্ড : মনোনয়ন

প্রথম অংশ

(প্রস্তাবকারী কর্তৃক পূরণ করিতে হইবে)

(১) আমি,

(প্রস্তাবকারীর নাম)

ভোটার নম্বর

(প্রস্তাবকারীর ভোটার নম্বর)

ক্রমিক নম্বর

(ভোটার তালিকায় প্রস্তাবকারীর ক্রমিক নম্বর)

ভোটার এলাকার নাম

ওয়ার্ড নম্বর

এতদ্বারা

(প্রস্তাবকারীর ভোটার এলাকার নাম)

মেয়র নির্বাচনের জন্য প্রার্থীরূপে

(সিটি কর্পোরেশনের নাম)

(প্রার্থীর নাম)

(প্রার্থীর ঠিকানা)

ভোটার নম্বর

(প্রার্থীর ভোটার নম্বর)

এর নাম প্রস্তাব করিতেছি।

(২) আমি এতদ্বার প্রত্যয়ন করিতেছি যে, আমি প্রস্তাবকারী বা সমর্থনকারীরূপে অন্যকোন মনোনয়নপত্রে স্বাক্ষর দান করি নাই।

তারিখ দিন

মাস

বৎসর

[প্রস্তাবকারীর স্বাক্ষর/ টিপসহি]

দ্বিতীয় অংশ

(সমর্থনকারী কর্তৃক পূরণ করিতে হইবে)

(১) আমি,

(সমর্থনকারীর নাম)

ভোটার নম্বর

(সমর্থনকারীর ভোটার নম্বর)

ক্রমিক নম্বর

(ভোটার তালিকায় প্রস্তাবকারীর ক্রমিক নম্বর)

ভোটার এলাকার নাম

ওয়ার্ড নম্বর

এতদ্বারা

(সমর্থনকারীর ভোটার এলাকার নাম)

মেয়র নির্বাচনের জন্য প্রার্থীরূপে

(সিটি কর্পোরেশনের নাম)

(প্রার্থীর নাম)

[]
(প্রার্থীর ঠিকানা)
ভোটার নম্বর []
(প্রার্থীর ভোটার নম্বর)
এর মনোনয়ন সমর্থন করিতেছি।

(২) আমি এতদ্বারা প্রত্যয়ন করিতেছি যে, আমি প্রস্তাবকারী বা সমর্থনকারীরূপে অন্যকোন মনোনয়নপত্রে স্বাক্ষর দান করি নাই।

তারিখ দিন [] মাস [] বৎসর [] []
সমর্থনকারীর স্বাক্ষর/ টিপসহ


তৃতীয় অংশ
(মনোনীত প্রার্থী কর্তৃক ঘোষণা)

আমি, []
(প্রার্থীর নাম)
পিতা/ স্বামীর নাম []
ঠিকানা []
(প্রার্থীর ঠিকানা)
ভোটার নম্বর []
(প্রার্থীর ভোটার নম্বর)
ক্রমিক নম্বর []
(ভোটার তালিকায় প্রার্থীর ক্রমিক নম্বর)
ভোটার এলাকার নাম: [] ওয়ার্ড নম্বর []
প্রার্থীর ভোটার এলাকার নাম

- (১) এতদ্বারা ঘোষণা করিতেছি যে, আমি-
(ক) উপরোক্ত মনোনয়নে সম্মতি প্রদান করিয়াছি এবং স্থানীয় সরকার (সিটি কর্পোরেশন) অধ্যাদেশ, ২০০৮-এর ধারা ৯(১) অনুযায়ী মেয়র হিসাবে নির্বাচিত হইবার যোগ্য।
(খ) স্থানীয় সরকার (সিটি কর্পোরেশন) অধ্যাদেশ, ২০০৮-এর ধারা ৯(২) অনুযায়ী, মেয়ররূপে নির্বাচিত হইবার বা থাকিবার জন্য অযোগ্য নহি।
(গ) একাধিক পদে নির্বাচনের জন্য মনোনয়ন পত্র দাখিল করি নাই।
(২) আমি মনোনয়নপত্রের সহিত নির্ধারিত ফরমে হলফনামা সংযুক্ত করিলাম।
(৩) আমার নির্বাচনী ব্যয় নির্বাহ করিবার জন্য অর্থ প্রাপ্তির সম্ভাব্য উৎসের বিবরণী এতদসঙ্গে সংযুক্ত করিলাম।
(৪) (ক) আমি আয়কর দাতা নহি।
অথবা []
(খ) আমি আয়কর দাতা []। আমার সম্পদ বিবরণী সম্বলিত সর্বশেষ দাখিলকৃত আয়কর রিটার্নের এবং পরিশোধের প্রমাণপত্রের কপি এতদসঙ্গে সংযুক্ত করিলাম।
(৫) আমার পছন্দকৃত প্রতীকের নাম []
(৬) বিধি ১৩(১) অনুসারে জমাকৃত টাকার রসিদ/ ট্রেজারী চালান এতদসঙ্গে সংযুক্ত করিলাম।
তারিখ: [] দিন [] মাস [] বৎসর []
মনোনীত প্রার্থীর স্বাক্ষর/ টিপসহ

দ্বিতীয় খণ্ড: প্রার্থীর ব্যক্তিগত তথ্যাদি

প্রার্থীর ছবি



(এখানে প্রার্থীর রঙিন পাসপোর্ট সাইজের
এক কপি সত্যায়িত ছবি লাগাইতে হইবে)

- ১। প্রার্থীর নাম:
- ২। পিতার নাম:
- ৩। মাতার নাম:
- ৪। স্বামী/ স্ত্রীর নাম:
- ৫। জন্ম তারিখ: দিন মাস বৎসর
- ৬। বয়স: বৎসর মাস দিন
- ৭। জন্মস্থান:
- (জেলার নাম)
- ৮। ঠিকানা:
- | স্থায়ী | বর্তমান |
|----------------------|----------------------|
| <input type="text"/> | <input type="text"/> |
- ৯। তাৎক্ষণিক যোগাযোগ:
- | | |
|---------------|----------------------|
| টেলিফোন নম্বর | <input type="text"/> |
| মোবাইল নম্বর | <input type="text"/> |
| ই-মেইল ঠিকানা | <input type="text"/> |
- ১০। লিঙ্গ (টিক চিহ্ন দিন): পুরুষ ☐ মহিলা ☐
- ১১। বৈবাহিক অবস্থা: অবিবাহিত ☐ বিবাহিত ☐ বিপত্নীক ☐ বিধবা ☐
- ১২। পেশা:
- ১৩। বর্তমান কর্মস্থলের নাম ও ঠিকানা:
- নাম:
- ঠিকানা:
- ১৪। স্বামী/ স্ত্রীর পেশা:

১৫। সন্তানাদি সংক্রান্ত তথ্য:

(সন্তানাদির সংখ্যা ও তাহাদের তথ্যাদি নিম্নোক্ত ছকে পূরণ করিতে হইবে)

ক্রমিক নং	সন্তানের নাম	জন্ম তারিখ	শিক্ষাগত যোগ্যতা	পেশা ও কর্মস্থল/ প্রতিষ্ঠানের ঠিকানা	বৈবাহিক অবস্থা
১	২	৩	৪	৫	৬

(বি: দ্র: প্রয়োজনে অতিরিক্ত কাগজ সংযুক্ত করা যাইবে)

তারিখ: দিন মাস বৎসর

প্রার্থীর স্বাক্ষর/ টিপসই

তৃতীয় খণ্ড

(রিটার্নিং অফিসার কর্তৃক পূরণ করিতে হইবে)

এই মর্মে মনোনয়নপত্রটি
প্রার্থী/ প্রস্তাবকারী/ সমর্থনকারী

প্রার্থী/ প্রস্তাবকারী/ সমর্থনকারীর নাম

কর্তৃক দিন মাস বৎসর তারিখ বেলা ঘটিকায়
আমার অফিসে আমার নিকট দাখিল করা হয়।

তারিখ: দিন মাস বৎসর

রিটার্নিং অফিসারের স্বাক্ষর

চতুর্থ খণ্ড

মনোনয়ন গ্রহণ/ বাতিল সংক্রান্ত সিদ্ধান্ত

(বাছাই-এর নির্ধারিত দিনে মনোনয়নপত্র গ্রহণ বা বাতিলকরণ সম্পর্কে রিটার্নিং অফিসারের সিদ্ধান্ত)

আমি স্থানীয় সরকার (সিটি কর্পোরেশন) নির্বাচন বিধিমালা, ২০০৮-এর বিধি ১৪ এর বিধান অনুসারে এই মনোনয়নপত্রটি পরীক্ষান্তে গ্রহণ/ বাতিল করিলাম।

মনোনয়নপত্র বাতিলের ক্ষেত্রে কারণসমূহ

--

তারিখ:

দিন

মাস

বৎসর

--

রিটার্নিং অফিসারের স্বাক্ষর

পঞ্চম খণ্ড
প্রাপ্তি স্বীকার রসিদ

(রিটার্নিং অফিসার কর্তৃক পূরণ করিতে হইবে)

মনোনয়নপত্রের ক্রমিক সংখ্যা

সিটি কর্পোরেশন হইতে মেয়র নির্বাচনের জন্য প্রার্থী এর

মনোনয়নপত্রটি প্রার্থী/প্রস্তাবকারী/সমর্থনকারী কর্তৃক

দিন	মাস	বৎসর তারিখ বেলা	ঘটিকায়
-----	-----	-----------------	---------

আমার অফিসে আমার নিকট দাখিল করা হয়

দাখিলকৃত সকল মনোনয়নপত্র দিন	মাস	বৎসর
------------------------------	-----	------

তারিখ বেলা	ঘটিকায়	এ বাছাই করা হইবে।
------------	---------	-------------------

তারিখ	দিন	মাস	বৎসর
-------	-----	-----	------

রিটার্নিং অফিসারের স্বাক্ষর

হলফনামা
(প্রার্থী কর্তৃক পূরণীয়)

আমি,

(প্রার্থীর নাম)

পিতা/স্বামীর নাম:

মাতার নাম:

ঠিকানা:

☐ সিটি কর্পোরেশনে মেয়র পদে নির্বাচনে প্রার্থীরূপে প্রতিদ্বন্দ্বিতা করিতে ইচ্ছুক

আমি এই মর্মে শপথ পূর্বক ঘোষণা করিতেছি যে,

১. আমার সর্বোচ্চ শিক্ষাগত যোগ্যতা এবং সার্টিফিকেটের সত্তায়িত কপি এতদসঙ্গে সংযুক্ত করিলাম।
(উত্তীর্ণ পরিক্ষার নাম)

সত্তায়িত কপি এতদসঙ্গে সংযুক্ত করিলাম।

২. ক আমি বর্তমানে ফৌজদারী মামলায় অভিযুক্ত নহি

অথবা

২. খ আমি বর্তমানে ফৌজদারী মামলায় অভিযুক্ত এবং উহার বিস্তারিত বিবরণ

ক্রমিক নং	যে আইন ও আইনের ধারায় মামলা দায়ের করা হইয়াছে	যে আদালত মামলাটি আমলে নিয়েছে	মামলার নম্বর	মামলার বর্তমান অবস্থা

৩. (ক) অতীতে আমার বিরুদ্ধে কোন ফৌজদারী মামলা দাখিল করা হয় নাই

অথবা

৩. (খ) অতীতে আমার বিরুদ্ধে দায়েরকৃত ফৌজদারী মামলা বা মামলাসমূহ এবং উহার ফলাফলের বিবরণঃ

ক্রমিক নং	যে আইন ও আইনের ধারায় মামলা দায়ের করা হইয়াছে	যে আদালত মামলাটি আমলে নিয়েছে	মামলার নম্বর	মামলার বর্তমান অবস্থা
১.				
২.				
৩.				

৪. আমার ব্যবসা ও পেশার বিবরণী:

৫. আমার এবং আমার উপর নির্ভরশীলদের আয়ের উৎস/উৎসসমূহ:

ক্রমিক নং	আয়ের উৎসের বিবরণ	এই খাত হইতে প্রার্থীর বাৎসরিক আয়	প্রার্থীর ওপর নির্ভরশীলদের আয়
১.			
২.			
৩.			
৪.			
৫.			
৬.			
৭.			

৬. আমার ও আমার ওপর নির্ভরশীল ব্যক্তি/ব্যক্তিবর্গের এবং আমার স্ত্রী/স্বামী পরিসম্পদ এবং দায়ের বিবরণী:

ক) অস্থাবর সম্পদ

ক্রমিক নং	মনোনয়নপত্র দাখিলের তারিখে সম্পদের ধরণ	নিজ নামে	স্ত্রী/স্বামীর নামে	নির্ভরশীলের নামে
১.	নগদ টাকার পরিমাণ			
২.	বৈদেশিক মুদ্রা (মুদ্রার নামসহ)			
৩.	ব্যাংক ও আর্থিক প্রতিষ্ঠানে জমাকৃত অর্থের পরিমাণ			
৪.	বন্ড, ঋনপত্র, স্টক একচেঞ্জের তালিকাভুক্ত ও তালিকাভুক্ত নয় এমন কোম্পানীর শেয়ার (পরিমাণ, অর্জনকালীন সময়ের মূল্যসহ)			
৫.	পোস্টাল, সেভিংস সার্টিফিকেটসহ বিভিন্ন ধরনের সঞ্চয় পত্রে বা স্থায়ী আমানতে বিনিয়োগের পরিমাণ			
৬.	বাস, ট্রাক মটর গাড়ী ও মটর সাইকেল ইত্যাদির বিবরণী (পরিমাণ, অর্জনকালীন সময়ের মূল্যসহ)			
৭.	স্বর্ণ ও অন্যান্য মূল্যবান ধাতু ও ফাথর নির্মিত অলংকারাদি (পরিমাণ, অর্জনকালীন সময়ের মূল্যসহ)			
৮.	ইলেকট্রনিক সামগ্রীর বিবরণী (পরিমাণ, অর্জনকালীন সময়ের মূল্যসহ)			
৯.	আসবাবপত্রের বিবরণী মূল্যসহ			
১০.	অন্যান্য			

(নির্ভরশীলদের সংখ্যা অধিক হইলে অতিরিক্ত কাগজে তথ্য প্রদান করুন)

খ) স্থাবর সম্পদ

ক্রমিক নং	সম্পদের বিবরণ	নিজ নামে	স্ত্রী/স্বামীর নামে	নির্ভরশীলের নামে	যৌথ মালিকানা	যৌথ মালিকানার ক্ষেত্রে প্রার্থীর অংশ
১.	কৃষি জমির পরিমাণ, অর্জনকালীন সময়ে আর্থিক মূল্য					
২.	অকৃষি জমি ও অর্জনকালীন সময়ের আর্থিক মূল্য					
৩.	দালান, আবাসিক/বানিজ্যিক সংখ্যা, অবস্থান ও অর্জনকালীন সময়ের আর্থিক মূল্য					
৪.	বাড়ি/এপার্টমেন্টের সংখ্যা ও অর্জনকালীন সময়ে আর্থিক মূল্য					
৫.	চা বাগান, রাবার বাগান, মৎস খামার ইত্যাদির মূল্য সংখ্যা ও আর্থিক পরিমাণ					
৬.	অন্যান্য (বিস্তারিত বিবরণ বর্তমান মূল্যসহ)					

নির্ভরশীলদের সংখ্যা অধিক হইলে অতিরিক্ত কাগজে তথ্য প্রদান করুন।

গ) দায়-দেনাসমূহ

দায়-দেনাসমূহের প্রকৃতি ও বর্ণনা	পরিমাণ

(পরিসম্পদ ও দায়ের বিবরণী দাখিল করিতে প্রয়োজনে অতিরিক্ত কাগজ সংযুক্ত করা যাইবে)

৭. ঋণ সংক্রান্ত তথ্যাবলী: (অপ্রয়োজনীয় অংশ কাটিয়া দিন)

(ক) আমি একক বা যৌথভাবে বা আমার উপর নির্ভরশীল কোন সদস্য অথবা কোন ব্যাংক বা আর্থিক প্রতিষ্ঠানের চেয়ারম্যান, ম্যানেজিং ডিরেক্টর বা ডিরেক্টর হওয়ার সুবাদে আমি কোন ব্যাংক বা আর্থিক প্রতিষ্ঠান হইতে কোন ঋণ গ্রহণ করি নাই।

অথবা

(খ) আমি আমার একক বা যৌথভাবে বা আমার উপর নির্ভরশীল কোন সদস্য অথবা কোন ব্যাংক বা আর্থিক প্রতিষ্ঠানের চেয়ারম্যান, ম্যানেজিং ডিরেক্টর বা ডিরেক্টর হওয়ার সুবাদে ঐ সব ব্যাংক বা আর্থিক প্রতিষ্ঠান হইতে গৃহীত ঋণের পরিমাণ নিম্নে উল্লেখ করিলাম :

ঋণের ধরণ	ব্যাংক/ প্রতিষ্ঠানের নাম	ঋণের পরিমাণ	খেলাপী ঋণের পরিমাণ (যদি থাকে)	কবে পুন: তফসিলীকরণ করা হইয়া থাকিলে উহার সর্বশেষ তারিখ
একক				
যৌথ				
নির্ভরশীল ব্যক্তি বা ব্যক্তিবর্গ				
কোন প্রতিষ্ঠানের চেয়ারম্যান/ব্যবস্থাপনা পরিচালক/পরিচালক হওয়ার সুবাদে				

আমি শপথপূর্বক আরও ঘোষণা করিতেছি যে, এই হলফনামায় প্রদত্ত যাবতীয় তথ্য এবং এতদসঙ্গে দাখিলকৃত সকল দলিল দস্তাবেজ আমার জ্ঞান ও বিশ্বাসমতে সম্পূর্ণ সত্য ও নির্ভুল।

□ □

□ □

□ □ ০ ৮

তারিখঃ

দিন

মাস

বৎসর

মনোনীত প্রার্থীর স্বাক্ষর/টিপসহি

এতদ্বারা জনাব/বেগম

প্রার্থীর নাম

পিতা/স্বামীর নামঃ

মাতার নামঃ

ঠিকানাঃ

যিনি জনাব/ বেগম

সনাক্তকারীর নাম

ঠিকানা:

এর মাধ্যমে সনাক্তকৃত হইয়া অদ্য দিন মাস বৎসর
তারিখে আমার সম্মুখে শপথপূর্বক উপরে বর্ণিত হলফনামা প্রদান করিয়াছেন।

তারিখ

দিন

মাস

বৎসর

ম্যাজিস্ট্রেটের/ নোটারী পাবলিকের স্বাক্ষর

